

**SIXTH LEGISLATIVE ASSEMBLY OF MIZORAM  
( ELEVENTH SESSION )**

**LIST OF BUSINESS**

FOR SEVENTH SITTING ON WEDNESDAY, THE 25<sup>th</sup> JULY, 2012  
(Time 10:30 AM to 1:00 PM and 2:00 PM to 4:00 PM)

**QUESTIONS**

1. *Questions* entered in separate list to be asked and oral answers given.

**FINANCIAL BUSINESS**

***DICUSSION AND VOTING ON DEMANDS***

2. **Pu P.C. ZORAM SANGLIANA**, Minister to submit to the Vote of the House Various Demands under his charge.
3. **Pu LALRINLIANA SAILO**, Minister to submit to the Vote of the House Various Demands under his charge.

NGURTHANZUALA  
Secretary

....

**S P E A K E R** : Mi khawngaih thei takte chu an eng a thawl e; khawngaih an la hlawh dawn si a. (Mathaia 5:7).

Zawhna leh chhannaah kan kal ang a, tunah starred question 101-na zawt turin Pu K.Liantlinga ilo sawm ang.

**Pu K. LIANTLINGA** : Pu Speaker, ka lawm e. Health & Family Welfare Department Minister chhan atan.

- a) Mumbai Mizoram House-ah khuan damdawi lam thiam (Nurse/GNM) an awm lova, dah leh theih a ni em ?.
- b) Mumbai Mizoram House damlote tan khuan Ambulance ngaihtuah sak theih a ni angem ?

**Pu LALRINLIANA SAILO, MINISTER** : Pu Speaker, Pu Liantlinga zawhna chhanna chu : a) Mumbai Mizoram House-ah nurse indaih lohna a nasat avangin tun dinhmunah dah theih a ni rih lo.

b) Mumbai Mizoram House damlote tan khuan, tun dinhmunah sum a awm loh avangin Ambulance ngaihtuah sak theih a ni rih lo.

\* Speech not corrected.

**Pu K. LIANTLINGA** : Pu Speaker ka lawm e. Mumbai Mizoram House-ah khuan Cancer damlo an tam em em mai a, damlo buaipui ngai te an lo tam thin avang khuan nurse kha dah an beisei em em mai a, hmani a ka zuk zin khan kan tlawh a, ni 10 April 2012 khan LO an sawn chhuah avang khan, a nupui kha a attached-in a awm a, amah ber a kal chuan, a nupui kha a kal lo thei silova, chu chuan harsatna an tawk nasa em em mai a; kan Speaker ngei pawh hian a tlawhin ka hria a, an harsatna pawh an thlen vek niin an sawi a. Helaiyah hian Mizoram atangin an transfer theih loh pawhin MR-a thawk turin an rama mi tawng thiam te pawh hi lak mai a tha lawm ni, zanlaiyah te emergency tak thil a lo awm a, an buai thei em em mai a, an harsatna hi tihsak theih hram a tha lawm ni.

Tin, Ambulance-te pawh khu an mamawh dan kan hre vek a, natna khirh an ni a, thi chhawnga hawpui ngei ngei ngaite a lo ni a, khang angah khan arrangement siam a har em em mai a, vehicle khu pakhat chauh a awm si a, chuvang chuan Ambulance khu an mamawh em em a ni. Ambulance han tih hian medical mawhphurhna em em pawh a ni lo mai thei a, GAD-ah nikum khan motor leina an dil a nuai 10 kha provision-ah a awm niin a lang a, mahse pek loh a ni a, khangte kha a pek leh theih hram lo maw tih kha ka'n zawhbelh a ni e.

**Pu T.T. ZOTHANSANGA** : Pu Speaker, ka lawm e. Ka zawh belhna :-

- (1) Shillonga damdawi In thaah khuan Mizote tan Khuallbuk siam tumna a awm em?
- (2) Shillong-ah damlo buaipui ngaite buaipui turin Nurse dah theih a ni em?
- (3) NEIHGRIMS-ah khuan Super Specialist-te an awm tak nual avangin kan pan kan pan ta maia, khuta refer-te khu bill ve theih a ni em? tih ka zawt a ni.

**S P E A K E R** : Pu Hmingdailova Khiangte ko leh teh ang.

**Pu HMINGDAILOVA KHIANGTE** : Pu Speaker ka lawm e. Kan Health Minister zahawm tak Hortoki-in Sub-Health Centre sakna min buatsaih saka kan sak mek

avangin a hnenah lawmthu ka'n sawi hmasa duh a. Ka zawhbelhna chu, Ex-ray hi PHC Bukpui leh Lungdaiah kan nei a, a service lo ve ve a, hei hi service turin emaw, a thar emaw min ngaihtuah sak dan a awm em? tih a ni a, (2)-naah chuan Bukpui PHC-ah sawn Dental Surgeon kan la nei ve lova, a dang pahnihah chuan kan nei tawh a, min pe thei angem? tih a ni a. Tin, Kawnpui PHC-ah hian Health Supervisor kan dilna a rei tawh viau mai a, hei hi min pe thei tawh angem? tih ka'n zawt bawka a ni. Ka lawm e.

**S P E A K E R** : Le, Mumbaia Mizoram House harsatna GAD lam kut niawm tak, amaherawhchu Nurse lampangte a khawih avangin Health Minister hnen lamah kan han thawn thleng kha a ni phawt mai a, anin a chhang thei viau a, mahse hei Minister a nihna ang khan a dang kha a rawn lut leh ta teuh mai a, kha kha chhan a ba lem lova, mahse Mumbai nena in connect lemlo pawh kha a chhan theih chuan chhang sela lo ko ang.

**Pu LALRINLIANA SAILO, MINISTER** : Pu Speaker zawhna neitu Member zahawm tak Pu Liantlinga zawhna kha a pawimawh hle a. Damlo satliah nilo cancer te zu fuankhawmna a ni a, kan hriat angin, amaherawhchu hei hi kan hriat tlan vek angin keini Health Department enkawl a ni lova, chuti chung chung chuan hemi cancer-te leh Society-te an in dina pawl te, chu chu kan hnenah an rawn tlulut lo thei lova, an rawn sawi thin a, kan lo hre thina, kan ngaihtuahnaah pawh a awm a. Amaherawhchu nichina kan chhan ang khan LO nupui kha vawikhat an dah ve zawka, a remchan em avangin kan Nurse kha a tangkai hle reng a ni, tichuan tunah hian ngaihtuahna chu kan han nei leh a, a tul em mai ti te pawh chuan kan han ngaihtuah leh a, kan ngaihtuahna pakhatat chuan hetia kan Nurse neih sa te kan zu dah ai chuan khumi a Marathi thiam Nurse-te khu a hlawh tlem zawkin emaw dah ta ilangin tichuan damloten kan tangkaipui zawk angem? LO-te saptawng leh vaitawng thiam tha tak tak an awm tho si a tih te kan ngaihtuah mek a, keimahni department atanga zuk indah ai chuan a hlawk zawk te pawn kan han ring deuh hlek a, chu chu kan rilru a awm te pawh a ni.

Tin, Ambulance hi kan sawi ang khanin kan Health Department-ah hian hei Central atangten direct-ten kan han dil a, kan hmu nual a kan hmu zela, chutiingin kan la indaih tawh theilo em em mai a, keimahni department concern chiah alo nilo nen, hei hi chu kan sawi mai thei lova, kan mamawh khawp mai. Amaherawhchu GAD-ah te hian kan va sawipui ve bawka thin a, khulaia LO lo puitu lehchhawng mifel em em mai a awm a, chungte pawh chu a hlawh tlem te kha kan va dil sak ve a, tiang chuan khulai Mumbai a cancer hospital a zuk kal te khu ngaihtuah an ngai khawp mai tih kha ka chhan theih ni mai se a tha awm e.

Tin, Member zahawm tak Pu T.T. Zothansanga zawhna kha NEIHGRIMS khu ni e kan hria a, kan Mizo tlangvalte kan Mizo nula te, Super specialist-te tin, specialist pangngai te an awm nual mai a kan hria a. Khumi chawlhbuk ang khu chu kan sawi ang chuanin GAD te kan han ngaihtuah deuh hleka, hmanah khan kan Parliamentary Secretary zahawm tak GAD changtu thin Pu Lal Thanzara kha a zu kal a, a hmunah khanin kei pawh hi ka zuk kal tawh a NEIHGRIMS-ah khuan in, amaherawhchu sum indaih lohna hi kan problem a ni reng mai a, hei hi chu kan thunawn a ni ringawt mai a, sawi pawh a hrehawm khawp mai. Tin a Department ho hi a concern chiah lova Administration hranpa a ni a, central land liau liau a ni a khu lai khu. Amaherawhchu ngaihpaawimawhnaa a rawn sawi chhuak kha Mizote thlavang hauhna leh hmakhua ngaihna avangin a lawmawm hrim hrim.

Tin, nurse dah pawh kha chutiang deuh tho chu a ni, Mumbai velah khuan dah khu kan harsat deuh hlek a. Tin, khulaiah khuan nurse-te khu Mizo an awm nual tawh a,

khung khu fel tak tak an awm bawk a. Keimahni lam atang chuan sum leh pai indaihlohna avang bawk kha kan chhanna a la ni a.

Tin, Medical reimbursement khuta tang khuan a tih ve theih em tih kha, hei kan sorkar hnu hian kan zuk tlawh avangin min lo dil anni pawhin kan lo.....lova a hma khan in. Tunah chuan.....kan pe tawh a, NEIHGRIMS a kal te khu reimbursement an hmu zar zar thei a ni. Tin Mizote hi kal se ka ti khawp mai, kan Mizo tlangval tha tak tak specialist-te an awm a, tin super lamah pawh mitha tak tak an awm a, tin midang pawh mi tha tak tak an awm a. A hnai si a equipment tha tak tak Nuai 7 man te a awm a ni. Chuvang chuan hei hi damdawi in tha, medical college tha a ni a, kal se kan ti khawp mai.

Tin member zahawm tak Pu Hmingdailova Kiangte zawhna kha Pukupui leh Lungdai X-ray khawl tih kha. Hei, chingal leh saum hi a intawk lawi an tih ang deuh hlek hi a ni mai. X-ray khawl kan dahnaah technician neilo te an lo ni a, khatiang khan an intawk lawi leh tlat thin a, kan han adjust leh rap rap thin a. Aw, chutiang chuan a awm a ni, a khawl chauh neih a technician neihloh te a awm a. Tunah hian kan sawi tawh a PHC 57 leh CHC 12-ah hian X-ray khawl hi dah vek ta ila technician hian kan pha lo viau a ni. Technician zirchuak hi chutiang zat chu an awm lo hrim hrim a ni. Damdawi In hi District Hospital nen 80 vel kan nei a tunah hian, chutiang 80 chu X-ray technician zir chhuak hi kan neilo hrim hrim a. A pawisa daihloh bakah an hlawh pek turin a sorkar hna kha a X-ray technician kha va la dawn tehreng pawh ni ila, Finance-in min phal tehreng pawh ni se a mihringin kan la daihlo niin kan hria a. Tunhma deuh te pawhin kan la a, mi 20 pawh an tlinglo a ni, advertise a rawn chhang ho kha chutiang chu a ni. Tin Health supervisor tih pawh hi kan indaihlo teuh mai hmun hrang hrangah hian. Kan pawt khawm a, heng ang DP&AR te, Finance a kan dil mek kan mamawh si bial tin te mamawh a ni a. Chuvangin hei hi kan harsatna leh kan mamawh lai mek a ni tih kha ka chhanna a ni e.

\* Speech not corrected.

**S P E A K E R** : Le, tunah zawhna 102-na hi Pu Lal Thanhawla, Minor Irrigation changtu chhan tur a ni a, ani hian pek a nei em? A zin tur hi lehkhain ka hmu miah lova. Chhang thei tur pek a nei em? Aw, Pu R. Lalzirliana a lo pe anih chu khami kha, Speaker lam min lo theihnghilh palh a ni ange. Pu Lalrobiaka zawhna 102-na zawt turin.

**Pu LALROBIAKA** : Pu Speaker, ka lawm e. Ka zawhna 102-na Minister, Minor Irrigation Department chhan atan :-

(a) Minor Irrigation Department hi tihlen tum a ni em?

(b) Division zau tak tak leh Staff indaihlohna hi Sorkarin a hria em? tih a ni e.

**S P E A K E R** : Tunah chhang turin Pu Lalzirliana, Minister zahawm tak i lo ko ang. A zawttu awmlo a ni ka dah ni. A Chhangtu awmlo hi chu ka la tawng tlat lova, decision kan la siam rihlo a ni. Chhan theih chuan chhang phawt teh se, a theih loh chuan zawh kha a tawh a ni mai a.

**Pu R. LALZIRLIANA, MINISTER** : Pu Speaker, MLA Zahawm tak Pu Lalrobiaka zawhna chhanna chu (a) Minor Irrigation Department tihlenna tur hian proposal siam mek a ni, tih a ni a. (b) chhanna chu tunah khan a zawt zo chauhva ka chhiar lovang a, a chhanna chu hei hi. Sorkarin a hriat avangin Department tihlen tumna hi buaipui mek a ni, tih a ni e.

**S P E A K E R** : Zawhbelhna la lo mai ang u aw, kan intiamlo em mai, kan ri deuh laih laihin ka hria, zawhbelhna lam chu i la lovang. Tunah zawhna 103-na zawt turin Pu Lalduhoma lo ko i la.

**Pu LALDUHOMA** : Pu Speaker, Health & Family Welfare changtu Minister zahawm tak chhan atan ka zawhna 103-na :-

- (a) Mizoram Damdawi chi hrang hrang Dawra zawrhte leh Sorkar supply thinte zingah hian Counterfeit/fake/ sub-standard Drugs a awm ve em ?
- (b) Drug Testing Laboratory hi engatinge tun thlenga kan la neih loh?
- (c) Mizoramin Drug Inspector engzatnge kan neih ?

**S P E A K E R** : Le, a chhang turin a changtu Minister zahawm tak Pu Lalrinliana Sailo ilo sawm ang.

**Pu LALRINLIANA SAILO, MINISTER** : Pu Speaker, member zahawm tak Pu Lalduhoma zawhna (a) Mizoram Damdawi chi hrang hrang Dawra zawrhte leh Sorkar supply thinte zingah hian Counterfeit/fake/sub-standard Drugs a awm ve em ? tih chhanna chu - 'Awm ve e' tih a ni. (b) Drug Testing Laboratory hi engatinge tun thlenga kan la neih loh ? tih chu- He Drugs Testing Laboratory hi thil liantham tak, sum tam tak sen ngai a nih avangin Department budget atanga din mai theih a ni lova, chuvangin hemi atan hian Detail Project Report (DPR) siam a ni a, Ministry of DoNER pawhin a pawm tawh a ni. Ministry of Urban Development-in zawhna an neih avangin DPR hi siam that a nih hnuah thehluh leh a ni. (c) Mizoramin Drug Inspector engzatnge kan neih ? tih hi, tunah hian Mizoramah Drugs Inspector- 11 (sawmpakhat) kan nei mek a ni.

\* Speech not corrected.

**S P E A K E R** : Le, zawhbelhna Pu Lalduhoma, a dawtah Pu Lalrobiaka.

**Pu LALDUHOMA** : Pu Speaker, hei hi hman atanga kan sawi tawh thin a ni a, heng damdawi thalo hi terrorist-ai pawha hlauhawm zawk an ni tih a ni thin a ni. Mihring nunna atan a hlauhawm bakah, kan sum a lo thlawnin kan seng tihna a ni bawk a. Chu chu mimal dawrah te, sorkar supply-ah te a awm tih Minister zahawm takin a pawm a, a admit a. Chutichunga tun thlenga Laboratory kan la nei lo hi a mak ka ti a, priority tak takin hei hi chu kalpui a hun tawh, mipui a concern nasa. NRHM lam atangte emaw, tuna mi atangte emaw, a hnaivai thei ang apiang atang khan top priority tak takin, a tul anih chuan Delhi tlang thlenga min umzui sak turin min commit thei em tih ka'n zawt a.

Tin, Drugs Inspector hi an indaih lo em em nia hriat a ni a. Hei tal hi lak belh theih dan a awm em? tih ka'n zawt duh a.

Tin, Pu Speaker, nichinah khan ka zawt ve hman ta lova, a dangte pawh kha an zawt thova, Mumbai chungchang kha ka'n zawt ve mai teh ang a. Hman kum khan Subject Committee-I-in kan zuk tlawh tawh a, damlo khu an khawngaihthlak hle mai a, tunah hian Kalkotta-ah TATA ho an rawn in bun chho mek a, American lam mi an rawn indah chho bawk a, Shillong-ah NEIHGRIMS a lo awm bawka. Mumbai hi kan pan tam vak tawh lo ang a tih ngaihtuahna attitude avangin ngaihthahna a awm palh ang tih ka hlau a. Chutih laiin Mumbai hi Mizoten kan mamawhna hi a la reh dawn lo. Khulaia mi anga changtlung hi a dangah kan nei lawk dawn lova, an thiam bik tih pawh kan hria a ni.

Tun hnaiah hian Pu Speaker, kan thiante Cancer vei lo hawngin min hrilh dan chuan, tikhan an va kal a, test an ti a, pawisa tam tak an seng a, tul lo deuh maiin a doctor tak tak pawhin hriatpui loh hian tu tu te emaw hian tihawn leh a ngai an ti an ti mai a, chutiang chuan pawisa kan seng teuh teuh mai an ti a ni. Chuvangin an hna ni chiah lo mahse, kan Liaison Officer-te hian a theih hram chuan khangte kha va tlawh vein va kal ve thin sela, an ti thova, an fakawm em em a, an thawk nasa tih pawh kan hria a. Uar lehzualin Mizo tlawmngaihna in request niselangin a thain ka hria a. Tin, a theih hram chuan khatiing lam hria, hei hi engatinge intih tir leh han ti thei tur deuh kha chu awm thei hram se a tha hlein ka hria a, khami kha tul lova tu ten emaw an lo bum a, sum an sen vak vakte kha sorkar hian min hriat sak in an ngaipawimawh lehzual thei ang em tih ka zawhbelh duh baw k a ni.

**S P E A K E R** : Pu Lalrobiaka.

**Pu LALROBIKA** : Pu Speaker ka lawm e, tuna ka hma ami sawi ang deuh khan Mumbai Mizoram House hi ka ngaipawimawh khawp a, chutih rual chuan Subject Committee te pawh zuk kalin Recommendation te pawh kan thelut tawh a. Khangte pawh kha ka'n sawi ve duh a, a ngaihawh awm hle a ni tih kha ka'n sawi ve hrim hrim duh a ni.

Tichuan West Phaileng kan bial bik khulai velah khuan Malaria a tam em em mai a, District zawng zawnga survey an neih khan ka hriatsual loh chuan Malaria thihpui tamna ber, tin, case ngah ber an ni a. Chuti chung chuan staff kan dil belh thin a, technician te, tunthlengin pek belh kan la ni lova, min pek belh thei dawn em tih kha ka'n zawt duh a. Chutihruah chuan nichina sawi ang deuh khan West Phailengah baw k hian X-Ray 2008 khan min pe a. Amaherawhchu Technician kan la nei lova, a rei tawh khawp mai a, hei Minister hnenah pawh vawi duailo ka thlen tawh a, kan lo en ange tih kha a ni mai a, enlo deuh khan tihdan a awm em tih ka'n zawt duh a.

Tin, Phuldungseiah khuan Pharmacist kumli a awm tawh lova, chu chu min pe thei dawn em, tin, kan mamawhna hi a genuine a ni tih ka sawi duh a. Damdawi tha kan nei lova, chumai piahlahmah chuan Malaria a tam em em a tunah pawh hian engzat chiah nge tih ka hrelo na chungin a tam leh viau tawh a ni. Chuvang chuan min ngaihawh pawimawh sak hram turin ka ngen a, ka request nghal duh a ni e.

**S P E A K E R** : A chhang turin Minister i lo ko ang.

**Pu LALRINLIANA SAILO, MINISTER** : Pu Speaker, Mumbai chungchang kha chu PAC te leh Subject Committee-ten an tlawh a, a Department changtute nena felfai taka an visit note-te leh an report-te an tih kha chuan a ngaihthat thlak awmah kan ngai mai a (Speaker : Hon'ble Speaker pawh khanin khami a visit report copy kha chu a pe tho chuan ka hria) An sawichhuah leh kha thahnemngaihna a ni a, keimahni lam atang chuan kan invitation kha min hriatpui ka duh deuh a. Pu Speaker, member-ten thahnemngai takin damlote leh mipuite hmakhua ngai in rawn zawt thin a, a lawmawm hlein ka hria a.

Drug testing Laboratory chungchang kha tunah hianin DoNNER in priority list-ah min dah sak a, nichina kan sawi ang khanin Urban Development lampang khanin..... an rawn siam avang khan ka sawi ang khan an rawn titha leh tawh a ni a. Hemi a structure leh a design te leh scope te kimchang deuh hlek an duh avangin. Tin, tunah hian chumi man chu vaibelchhe thum leh singriatin tunah hian kan siam leh mek a ni. Tin, Pu Speaker, kan Ministry a lo nih chiah khanin tuna drug administration roll pawimawh zia kan member zahawm tak Pu Duha rawn sawi ang khanin kan hria a, tan kan la nghal a, an phur a,

hlim pawh an hlim khawp a. Tichuanin, tunhma chuan Director Health Services khanin drug licencing authority kha a nei thin a. Amaherawhchu tunah chuan a hrangin an awm ta a administration hi, DHS hnuaiah tho khanin Directorate an nih loh avangin. Tichuan phur takin District tinah leh anmahni awmna hmunah an thawk char char a. Hei hi ka'n report duhna chu, kum 2009 ah khanin nichina zawhna ka chhanna ang khan sub-standard drugs pakhat hmuhchhuah a ni a. 2000 ah hian sub-standard drugs pathum hmuhchhuah leh a ni a. Tin, 2011-ah hianin pakhat hmuhchhuah leh a ni. Tin, Pu Speaker tunah hianin engtingge kan kal ang aw kan ti a, generate drugs hi kan introduce thei angem tih kan ngaihtuah mek lai a ni. Generate drug anih chuan damdawi a khami a chemical lawng ang khan siamchhuah tura tih kha a ni a, tunah entirnan hei calpol kan tih te pawh paracetamol angin a company hming lam hawi zawng kha a ni ta a ni. General drug hi kan tih chuan damdawi tha leh damdawi rintlak kha an zuar anga a man tlawm zawk hlein chu chu tunah hian kan ngaihtuahna kal mek a ni. Tichuan kan drug administration te hi an tang hle tunah hianin, Testing Laboratory hi Guwahati-ah hian a awm mek a, tin, Kolkata-ah hian a awm bawk a, chu chu tuna kan thawna tlangpui chu a ni. Amaherawhchu, khawvel hi a mak khawp a, helaia ningeia an hriat, fake a ni tih an hriat pawh hi damdawi thalote pawh hi test-naa an kal hianin thlarukte a ngaia, an lo buai ve bawk nen khulam chu tin, Kolkata phei chu hemi hmunpui India hmarchhak zawng zawng tan hian Supreme Court ang mai hianin engkim lo relfeltu an ni a,.....pawh tikhanin an ti zung zung thei lova, mahse he House zahawmtaka ka sawi duh chu, a ni ngeia an man an hriatchhuah pawh kha alo nilo te hi a lo awma, engtingge khawvel hi a kal thin ka hre lova, chu aimaha pawh chu thlaruk vel a lo kal chuan he laia a.....pawh ni se helaia a stock sa pawh kha a lo zo hman thin a, chutiangte pawh chu a awm a ni. Amaherawhchu chu chu kan veng a, kan thawktuten an thawk ngar ngar a, heng bag dum khai ang chi representatives an tih hote hi thenkhatte phei chuan kan thawktute pawh hi an melh rum lek lek thin a, chutiang chuan hna an thawk a, theihtawpin tan kan la e tih kha ka chhanna a ni.

Tin, member zahawmtak Pu Lalrobiaka zawhna kha kan lo en ange ti khan ka'n chhanga. Kan han ena kan sawikhawm a kan indaih silova, chu aia thuk hlek chuan kan lo hria ange tih kha ka chhanna a ni e.

\* Speech not corrected.

**S P E A K E R** : Tunah, zawhna 104-na hi Pu Ramhluna leh Pu Lalduhoma zawhna a ni a, hetah hian Pu Lalduhoma hi ziak hmasak a ni a, Pu Lalduhoma zawt turin lo ko ila.

**Pu LALDUHOMA** : Pu Speaker, Transport Minister chhan atan zawhna 104-na :-  
(a) Mizoram Vehicle Taxation (Amendment) Act, 2011 kenkawh dan tur chungchanga Study Committee din khan report a thehltut tawh em ?  
(b) A thehltut tawh anih chuan a copy min pe thei em ?  
(c) Sorkarin Study Committee Report chu a pawm nge a hnawl ? tih a ni.

**S P E A K E R** : A chhang turin Minister zahawm tak Pu Zoram Sangliana ilo ko ang.

**Pu P.C. ZORAM SANGLIANA, MINISTER** : Pu Speaker, member zahawm tak Pu Lalduhoma leh Pu C. Ramhluna a te zawhna :-  
(a) Mizoram Vehicle Taxation (Amendment) Act, 2011 kenkawh dan tur chungchanga Study Committee din khan report a thehltut tawh em tih kha. Kenkawh dan tur chungchang hi Study

Committee-in a din a nilo nachungin ka'n chhang dawn ang e. Hei hi a tum anih tho avangin Committee-in a kenkawh dan tur chung chang Committee-in a din a nilova, mahse a tum anih tho avangin a chhanna chu- Thehlut tawh e tih a ni.

(b) A thehlut tawh anih chuan a copy min pe thei em ? tih kha, kan lo ngaihtuah ange ?

(c) Sorkarin Study Committee Report chu a pawm nge a hnawl ? tih a ni. Sorkarin a pawm emaw a hnawl emaw ala awm lova, Dan siamthat ngai turte a nih avangin Law & Judicial Department—te rawn chungin examine mek a ni.

**S P E A K E R** : Aw, zawhbelhna Pu Lalduhoma.

**Pu LALDUHOMA** : Pu Speaker, ka zawhbelhna kha a kenkawh dan tur chungchang dik tak a ni a. A kenkawh dan tura an buai vang a ni. Mipui hian kan zo lo, vawikhata kum 15 han tlak thuai mai te hi kan zolo ve kan tlin love tiin chanchinbuah te nasa taka chhiar tur alo chhuak a, chumi avang chuan Sorkar-in Study Committee a din a, 2011 November 25 khan a ni a, waviinah hian kum khat a tling dawn tawh a ni. Thla 3 chhunga report thehlut tura tih a ni a. “A copy min pe thei em”? kan tih chuan, Pu Speaker, “thei e” ti a min pe nghal awm taka ka ngaih a ni. “Kan lo ngaihtuah ang e”, han tih kha chu a lungawi thlak tehchiam ka tilo, hei hi kan tihdan pawh niin ka hre lo, chuvangin min pe nghal thei se ka duh a. Mipuiin harsatna an tawk a, a thenin a kal dan pangaiin an pe zel si a, he dan hi tunah chuan kan zo lo deuh a ni e, a wavi khatna a ni bawk a, mipui hian option nei sela, kum 15 petla theiin pe sela, kum 10, kum 5 tih angte pawhin, tlema lenient deuh hlek hian a relax theih lawm ni tih kha mipui duhdan niin ka hria a. Decision la lova, waviin thlenga awm hi a fuhlo ka ti. Chuvang chuan sorkar hian a ti duhlo anih leh pek a ngai ngei dawn a ni tih hi mipui min hrihl law law sela, tlema a relax dawn anih chuan an tihtum dan pawh min hrihl sela, hun a rei tawh a, heti chen chen pending hi a dikin ka hre lova. Chuvangin hemi Committee report dungzui hian Sorkarin rang takin decision mipuite min hrihl thei angem tih ka'n zawt a ni.

**S P E A K E R** : Le, Pu K.Liantlinga, Pu Ramhluna chuti chin chu kan la ang.

**Pu K. LIANTLINGA** : Pu Speaker, ka lawm e. Tunah khan zawh- belhna kha an han ti nual tawh a, amaherawhchu han tihbelh ka'n duh chu he dan kan pass hian nikum July thla mai kha a ni a. August thla chhungin a rules leh thildangte an paih fel vek hman a, September ni 1 atangin an implement thei a, thlakhat chhungin. Tuna Study Team-ina an tih pawh hi uluk takin zir sela, thil harsa a ni lem lova, thlakhat chhungin an peih ve thei tho mai lom ni? A act kan amendment pawhin thlakhat chhungin an peih theih si chuan? tih kha Pu Speaker ka zawhbelhna a ni e.

**S P E A K E R** : Pu Ramhluna

**Pu C. RAMHLUNA** : Pu Speaker, he amendment act hi nikum July thla khan hmanhmawh deuh khan kan pass a, zirchianna tak tak pawh kan nei hmanlo ve bawk a, keini lam pang atang pawh khan. Tin, mipui hianin an pawm damlo khawp mai a, kum 15 tax vawikhat atana han pek tawp mai kha, chu chu sorkar pawhin an hria a, chuvang chuanin study group meuh pawh an siam tawh a ni a. Tin, anni pawh khan report an submit tawh a, hun chhungin. Chu chu a copy kha kan han dil che u a, kan lo ngaihtuah ang e han tih deuh chauh mai kha mipui aiawhte kan ni ve tho bawk a, chuvang chuan a copy hi chu sorkar examine mek pawh nise, min pe ve thei ngei sela, hemi session chhung ngei hian tih kha kan han request a, min pek theih ngei pawh kan beisei a, kha kha ka zawt duh a.



Tin, han hriat ve hrim hrim pawh a chakawm a, kan Minister zahawm tak hian engeni kan sorkarin examine a'n ngaih a, hun an duh reiin, a chhante hi hemi amendment act kan neih lai ai hian engnge a danglamna em em awm? Tin, mipuite leh mipui aiawhin kan hriat hlauhawm em em ta kha thil a awm ta em ni? Khangte pawh kha kan Minister zahawm tak hian min han hriattir thei sela a tha lawm ni tih kha ka zawt duh bawk a ni e.

**S P E A K E R** : Le, chhang turin hemi changtu Minister i lo ko ang.

**Pu P.C. ZORAM SANGLIANA, MINISTER** : Pu Speaker, zawhbelhna hmasaber, engvangin nge decision tun thlenga lak a la nih loh tih hi sei deuh hlekin han chhang ilar, kha khan a chhangkim dawn a, han hrilhfiah tha in ka ring a. Study Committee dinte hian sorkarin a hunbi tuk hunah an rawn thehlut a, chutia an rawn thehluh mek lai chuan India rama awm kan ni tih hi inhre reng ilar. India rama awm kan nihnain India rama Transport Minister Meeting leh thurel chuan hemi one times tax, life time tax pek thin hi India ram pumah angkhatin hman nisela a ti a. Chu angkhata hman nisela a tihnaah chuan Motor reng reng min a lei a, VAT lak hmaa a man atanga zaa paruk aia tlemlo hi lak nisela tih a rawn rawt ta tlat mai a. Chumi chu hemi Study Committee- tena an report hi Sorkar Law Department-te pawn an exam mek mah ni sela, nakin lawka implement mai tur a nih avang leh he dan pawh hi tuna kan ngaihthlak ang khan nikum July thla maia kan amend kha a ni si a, dan amend zung zungte hi thil harsa takte, (a chang chuan awlsam tak te a nih rualin) a lo ni a. Chuvang chuan hemi dan pawh hi ngah mek, Central Sorkar pawhin hmalakna thui tak a lo nei a, chutah chuan ni 13. Feb. 2012 Transport Development Council Meeting, New Delhi-a neih chuan "6% aia hniam lo in State-tina Motor Vehicle Tax, one time tax kan tih ang chi (Live time tax kan tih ang chi te pawh a ni ang chu) lak ni tawh rawh se", tih a ni a. A hma ni chiah ni 12, ni 11 bawrah hian India rampum a Secretary te Video Conference an neihpui bawk a, chutiang chuan midang tam takin Secretary-ten an chhanga midangin zawhnate an lo pe bawk a, chutiang chu a ni a. Hetianga 6% Motor man VAT lak hmaa lo lak hi Mizoram atan hian phurrit a ni dawn a ni tih hi sawiin theihpatawpin he Meeting-ah te pawh hian kan zuk tang ve a, hetih mek lai hian Indiaa State lian ber ber te chuan, "vawiinah Motor man a tang a 12½ %, 15% kan lak laiin engvangin nge kan State Revenue tur hi tihhniam min tum, Central-in a bak hi min tum dawn loh chuan kan pawmlo reng reng" tiin, State liana Minister tam takte chuan an rawn sawi a, mahsela he thu rawtnaah hian, 'a tlem berah 6% hi ni sela, a tam lam chu zaa sawmnga ( 50 %) pawh ni sela nangmahni State thu a ni e', tih a ni a. He thu hi Rajya Sabha-ah pawh pawm a ni tawh a, pass a ni tawh a, Lok Sabha-ah pawh hmanni khan pass tura ruahman a nih mek laiin pass a la ni lova. Chutih rualin ordinance a tih tho tum a ni nghe nghe a, chutih laiin he Study Group-ten an report hi a hun takah an rawn thehlut a, Sorkarin a tih tur a ti zar zar a, Law Department lamah te pawh a examine tir nghal chungin hengte hi kan ngah a nih vang a ni e.

Mahse, Pu Speaker kan Member-ten an rawn sawi ang hian he Study Committee Report hian, an hna tan dawn khan chanchinbu atangtein rawtna an khawn a, rawtna a dawn ringawt pawh hi 59 lai a ni a. Tin, hetiangah hian kan hriat tur chu one time tax pek chungchangah hian mipuiten a vawiinah hian tihtawp emaw engnge ni member zahawmtakin a rawn sawi ang hian pending hi a ni lova, thulh, sut a nih loh avang khan one time tax kum 15 atana pek hi a la ding reng zawk a ni. Study Committee a din avang khan pek loh tur tih a awmlo reng reng, pek zel tur zawk a ni. Kha Motor chhiah a pekloh avang khan accident emaw, harsatna a tawh khan a Motor neitu tan a pawi zawk a. Chu chu Department chuan kan hlauhthawnpui lai tak chu a ni. Chumi chu a nih avang hian he Study Group pawh hian rawtna chi hrang hrang a dawnte nen uluk takin an zir a, recommend-te chu

an nei reng a ni. Chung an han recommend-ah te chuan inhlawh nana hman chi passenger pahnih pathum phur thei chi ti mai ang, Auto Rickshaw te, Taxi, passenger pali panga phur thei ang chite chu helai rawtna hi a sang lutuk a ni, han tiha han rawt hniam te pawh an nei a. Tin, Maxi Cab, inter-state-a service te pawh chu a sang lutuk a nih hi tiin, tizawk hian ni sela ti a, rawtna an nei a, passenger 12 phur thei chin chung lam angte pawh, chutiang chuan hman mek lai atanga rawtnate pawh an nei a. Mahse, heng zawng zawng hi kan hman rih lohna pawh nichina ka sawi ang khan, India ram pumpui a, in ang tlanga hman turin kan nghak mek, kan hma maia tih tur a awm avanga chu chu nghak kan ni a. Private Car leh Motor Cycle, Non-Transport Vehicle, Cubic capacity tlawhchhana, life time tax bithliah hi tuna kan han tih lai mek hi a ni a. Chutih lain State dangte pawhin an tih dan hi a lo ni tawh lo va, kan sawi ang khan India ram pumah phei chuan a Vehicles Cost Price atanga life time tax lak hi Transport Minister Empowered Committee-in a recommend dante a lo nih mek leh hman mek a nih avangin heng angte pawh hi kan thlir tel a.

Tin, 2011 ah amendment kan han tihah khan langlo te pawh hi an rawn hmu chhuak a ni i ti mai ang, he Study Committee hian an han hmuh chhuah tha deuh mai chu Life time tax pe ten vanduai vang emaw, State danga motor tihral vang emawa motor an kaw/hman zawm theih loh avanga tax pek sa an chan mai turte pawh compensate nan tax Refund Provision pawh recommend a niin refund rate pawh proposed a ni. Chungte chu Sorkar-in a en mek lain Central atanga thu lo kal mek hi nghah a nih vang a ni tih hi ka sawi tel duh a. Chuvang chuan, tunah phei chuan Empowered Minister Committee hial dinin, Gujarat Transport Minister Chairman-na hnuaiyah member dang 7 te Minister thiau ruatin ngaihtuah a ni a, chung mite chuan tunah hian an han chhui chho mek a ni. Chutiang chuan tun July, 31-ah mai pawh hian All India Transport Minister Conference koh a ni a, chungahte pawh chuan kan zuk tel ve te pawh ngai tur ni awm tak a ni, heng ang thil te hi zuk thlir tur a ni tel dawn a. Chuvang chuan, hemi hi hlamchhiah leh hetiang a tih ringawt ni lovin a rei ti a ngaihtuah thil a nih lain nghah hi kan nei ve a, tha takin amendment leh ngai tawh lo turin buatsaih law law ang aw kan tih avanga Pu Speaker, hetah hian han ti lo kan ni e.

Kan sawi ang khan engati nge report thelloh tur member-ten a copy kan duh ve e, chutiang na na chu kan lo ngaihtuah ange ti chauha chhang lovin pek ni mai awm tih laiah khan, chu chu han nghah khawm kan neih avang khan, chungte nen vek chuanin member tin mai pawh ni lovin chanchinbu-ah te pawh zau zawka mipui ngaihdan lain helaia member-te mai bakah pawh la pholan hial a ngai zawk ang a kan tih vang zawk a ni e. Member zahawm takte in duhnate kan zah loh vang ni lovin hemiah hian keimahni thahnemngaihna vang zawk a ni e.

**S P E A K E R** : Awle, an duh tho te chuan pek kha a har em ni, i pe mai ang a, lehkha hlui a lo nih tak leh lehkha hlui an kawl ve a ni mai a, a thar kha pek tur in neih leh min la pe zel ang a. Khatia member-ten khami kha an duh em em anih chuan in pek kha a harsa emaw ni le, lo pe mai teh a.

**Pu P.C. ZORAM SANGLIANA, MINISTER** : Chair zahawm tak atanga min ngenna angin member-te kan lo pe ang e.

**S P E A K E R** : Awle, lo pe mai rawh, a hman tlak tawh loh leh kha kha a ni mai a, a hman tlak leh an hmang ang a. Tunah zawhna 105-na zawt turin Pu K. Liantlinga i lo sawm ang.

**Pu K. LIANTLINGA** : Pu Speaker, ka lawm e. Health & Family Welfare Minister zahawm tak ka zawhna starred question no. 105-na - Health Department hnuaiia Doctor post ruak hnawhkhat tur hian eng chen nge hmalak a nih tawh ?  
Kum 2012-2013 chhung hian lak fel theih a ni ang em? tih a ni e.

**S P E A K E R** : Chhang turin Pu Lalrinliana Sailo, a ka chhan tawh kha ti lovin, a chhan chhan khan chhang zel rawh u tui takin.

**Pu LALRINLIANA SAILO, MINISTER** : Pu Speaker, a lawmawm e. Member zahawm tak Pu K. Liantlinga zawhna chhanna chu Doctor lak tur chungchang a ni a, hmanni khan kan sawi tawh a, DP & AR leh Planning leh Finance-in min phalsak tawh a, tunah hian MPSC-ah kan thawn dawn mek a ni. Tin, 2012-2013 inkarah in ti thei angem tih hi lak kan tum e tih a ni e.

\* Speech not corrected.

**S P E A K E R** : Ngawi ru aw, phar kha in awm nial mai a Pu K. Liantlinga ka ko ang a, chumi dawtah chuan Pu P.P. Thawla ni sela, a dawt lehah chuan Pu Joseph Lalhimpuaia, le Pu K. Liantlinga.

**Pu K. LIANTLINGA** : Pu Speaker, ka lawm e. Ka'n zawhbelh duhna chu a hma khan a rawn chhang tawh a, post 82 sanction tihfel tawh a ni a. Doctor chungchang hi kum 2009 vel atang khan kan han chai tan tawh a, 3F Regulation hmanga Doctor 66 an lakte kha, a danah chuan thla ruk chhunga tihngheh tur ni awm tak kha a ni a. Tin, a process hun kha ni 30 chhungin article 320 of the constitution section clause 3 angin tih a ni a. Kha lai kha eng emaw ngaihndan fel lo deuh awmin ka hria a, MNF Sorkar lai Ministry hmasa tla mai turin, 3F a dah ang deuhthe pawh a ngaihdam theih niin ka hria a. Khati laia Doctor an lak dan kha ngun taka en a ngaiin ka hria a 2001-ah 4, 2002-ah 1, 2003-ah 3, 2004-ah 5, 2005-ah 2, 18, 2007-ah, 22, 2008-ah, 9, 2008-a 9 te kha chu inpuhmawhna pawh awm se a awm viau a. Amaherawhchu khang ho kha contract-a lo lak tawh rei tak lo service tawhte an ni. Contract basis-a lo thawk tawhte an ni a, kum 2008-ah khan 3F hmanga lak an ni ta mai a. Chuvang chuan kan Sorkar hian heng ho hi Dan 3F ang hian a dah ngheh theih lawm ni? Tin, a bak kha doctor 23 vel zet kha MPSC khan Dan ang takin la ta sela, tunah chuan harsatna an tawk nasa em em a, junior kum 10 lo service tawhte kha tuna rawn lut tharte pawn an kal khum theihna lai chin kha tam tak a awm a, open vek nilovin 3F ho tan khan a reserve theih angem? tih kha ka'n zawt chiang duh a. Ministry hmasa tih a ni a kan zawm lovang tih ai chuan, thil tihdik loh leh tihfel loh palh pawh lo awm sela, inngaihnathiamna a awm thei lawm ni? Sorkar ngilnei tak leh Minister chak tak leh fel tak nih te pawh a hlawh phahin ka ring a. Chungte avang chuan heng ang hi thliar hrangin fel takin a tih theih lawm ni? Tin, a lak dan tur criteria-ah khan engtin nge ruahmanna an siam tih kha ka zawt tel duh bawka ni e. Pu Speaker, ka lawm e.

**S P E A K E R** : Pu P.P. Thawla.

**Pu P.P. THAWLA** : Pu Speaker, Starred question no. 13-na a chhuak hman dawn lova ka rin avangin tah hian ka'n zawhbelh zauh ang e. Saiha District chhungah

Doctor engzatnge awm? Khawiah te nge an awm? Pahnihnaah chuan Saiha Civil Hosital—ah hian specialist Doctor engzatte nge awm? Eng lam specialist te nge an nih? tih ka zawhbelh e.

**S P E A K E R** : Le, Pu Hiato, a bial a hmangaih tel thin a, a lawmawm thin. Pu Joseph Lalhimpuia.

**Pu JOSEPH LALHIMPUA** : Zawhna, zawhbelhna 3 ka nei a. Pakhatnaah chuan, kan Health Department, kan Health Minister zahawm tak concern a ni chiah lo maithei a. Hmanniah State Planning Board-ah Vice Chairman hovin kan sawiho tawh a, hei Doctor zirturte entrance test exam te kan nei a, kan tang khawp mai a, thiam deuh te, a thei fa deuh te pawh an ni ang a. Tichuan Mizoram Sorkarin quota a neihah sum leh pai tam tak sengin Doctor an zir thin a, an rawn zir chhuak a, Doctor zir chhuak engemaw zat an awm a, helai House-ah pawh vawi tam tak kan sawi tawh angin Sorkar-in mipuite tan Doctor lak an han tum a, tumah dil duh te an awm leh lo thin a. Sorkarin an tan sum leh pai tam tak a sen leh vanneihna bik neia zirtir nisi, mipuite tana Sorkarin a mamawh huna tangkai thei miah lova an han awm hi thil fel ber a ni angem aw tih ka ngaihtuah a. Chuvangin Doctor zirturte hi kan Health Department concern a nilo maithei na in, a pawimawha ka hriat avangin tunhmaa an kal dan thin deuh khan Bond year kan ti dawn nge ni engemaw thutiamte an nei a, kum 2-te chu Sorkar-in tul a tih ang khan an hman ve theihte hi a tha lawm ni? Hei Kohhranah chuan, Kohhran quota atanga zirte hi kum 2 tal Kohhranah an thawk thin a, chu chu tih dan a awm thei angem? tih kha ka zawhna pakhat a ni a.

Tin, pahnihnaah chuan zawhna kal tawh ami tho kha a ni a. Sub-standard drug counterfeit chungchang kha. Hei, ti ti tlang thang ka hriat danin Aizawl-ah hi chuan tlema neinung fa deuh te hi chuan Ampicilin tih te, nachhawkna tlanglawn kan hman chi ho hi Aizawl-ah hian an lo duh tawh mang lo, Delhi-ah te, Kolkata-ah te an lei tawh a ni tih ti ti te ka lo hria a, thudik a ni em tih ka hre lova, zawhna kal tawh tho kha a ni a. Hetiang a lo nih pheih chuan damdawi tha lo hi mipui hnenah eng ho te nge tih zirtirnate pawh hi neih a tul viauin ka ring a, chu chu mihrang hrang hnen atanga ka hriat a ni a, chu chu kan Minister zahawm tak hian nichinah khan a sawi tawh tho a, an tan lak dan kha. Mipui hnenah hian hengte hi damdawi tha lo a ni tih te pawh hi awareness campaign deuh hleka neih te pawh hi a thain ka ring a, a thei faten phai lama damdawi tha an lei a, a leina neilo miharsa zawkten helaia damdawi dik mang lo kan lo lei fo te pawh kha a dik lovin ka ring a.

Tin, Pu Speaker, ka zawhna pathumnaah chuan, NRHM hnuaiiah Lunglei Civil Hospital saw ISO Certification a nei ve thei angem ? Chutiang tura hmalakna chu a awm em tih ka zawt e.

**S P E A K E R** : Awle, a chhang turin a changtu Minister i lo ko ang.

**Pu R. LALRINLIANA SAILO, MINISTER** : Pu Speaker, zawhna neitu zawhna 3 F regulation a lak chungchang kha a sawi ang kha a dik a, 2008 kum tawp dawn khanin regulation 3 F hmang khan Doctor 66 kha lak an ni a. Kan hria a, .....a 3 F te hi chu ram chhungah emergency a awmin, tuilian te, leimin te, lirngching te, Kangmei leh khatianga chhhatna rapthlak a awm khanin an la thin a, chu mite dinhmun chu ka sawi ang khan ni 30

chhungin tih te a awm chho diat diat a, inthlan dawn khanin doctor 66 kha emergency taka lak alo ni a. Tichuan sorkarna a lo inthlak in dah ngheh tumin tan kan han la zui tho a. Member zahawm takte sawi ang khan kan ramin a mamawh a, thingtlangin an mamawh a, mipuiin an mamawh a. Amaherawchu dan leh hrai hi zam fel ala nih loh avangin Doctor-tena R.R an tih ang kha ala nei lova, chuvangin chu chu kan han tifel phawt teh ang kan ti a. Kan chai ta ngar ngar a, DP&AR te nen te, tin, cabinet angah pawh hian tum thum nge ni kan chai le ? Chutiang chuan R.R. hi kan chai a, 2010 hnu lam hret khan khami a chawhnu lam khan kan chai fel thei ta chauh a. Tichuan, Doctor R.R te kha kan chai fel a, tichuan kan rawn chhiep chho ta a, tin, chumai nilovin regulation 3 F nilo khan 4 C te, khamite kha an lo promotion ve ta a. 4 C te an lo promotion a, an awm dan tur zawng zawng mai kha R.R ina siam fel vek a ngai si a. Chuvangin a har hle mai a, kan chai nasa a. Kan Cabinet Minister-puite leh kan hotute ho hian an hre chiang a. Chutiang chuan a hma amite lo lak pawh ni tehreng se, a tha alawm le tiin remchangah lain lak zui tumin theihtawp kan chhuah a ni.

Chuvangin thil awlai a nilova, hemi service rules siam chu a har em em a ni. Chuvangin R.R kan tia, a dik thova, service rules zawk a ni kan sawi lai kha. Service rules chu kan han siam zo ta a, tunah hianin a taka lak tumin kan han inbuatsaih chu a ni a. Hetiang hianin Pu Speaker, keini lak tur a nilova keini hian duh dan ruangam kan siam anga, kan hriat tlan angin engtinngae kan lak ang tih criteria siam kha, a dan tlangpuiin kan duhdanah chuan thingtlanga mite kha, hmanna kan sawi tawh kha helaiyah hian thingtlangah hian doctor kan hmu thei lo, Pu Speaker, tunah pawh hian kan member zahawm tak Pu Hmingdailova Khiangte zawhna pawh nichin khan ka la chhang lova. Dental Surgeon kha a pawisaa lakna kan nei reng waviinah hian, a mihring kan hmu thei lo a ni. Dental Surgeon hi tunah hian 60/70 vel an awmin ka hria a. Pawnah an thawk hreh hlawm si a, ka sawi tawh ang khanin very very hard post kan siam hnuah kan han siama, chutichung pawhin an lokal duhlo a ni a, an hlawh kan han siam san pawhin chu chu kan harsatna a ni.

Tin, hei tunah hianin Doctor 82 chu kan han ti dawn a ni a. Hetah hian Thingtlang amiten doctor an hmuh reng theihna turin sorkar chuan ngaihtuahna a nei a, tichuan kum khat awm tawh sorkar doctor-te thingtlanga awm tawhte khan engeni, han vawm hlekna tur awm se kan ti a. Kan ruahman a, R.R ah niin ka hria a, tichuan anmahni total mark pumpui 5 % ang vel hi state dangtena an thlir a, high court a min khin pawha min khin zui lohna turin kan ti a, chutiang chuanin tunah hian kan ruahman mek a ni. 2008 a lak a ni emaw, khang hrang hrang kha kan ti ve dawn chuang lova.

Doctor an nih tawh chuan, MBBS an nih tawh chuan an dil thei vek anga, MPSC in anmahni dan neih sain an ti ve thlap turah kan ngai a, amaherawchu hun kal zel turah zokhaw lampang thingtlang lampangte dinhmun hriatna avang zawkin leh ngaihtuahna avang zawkin khatiang khan kan han ruahman a ni. Tin, Saiha-ah khanin.....

\* Speech not corrected.

**Pu K. LIANTLINGA** : Pu Speaker, ka zawhna lai kha a la chhang fuhlo deuhvin ka hria a. Doctor lak dan tur kha Post 82-ah khan 3 F/Regulation kha percent engemaw zat pek ni ta sela, direct recruitment ah khan percent engemaw zah. Tin, PG-ah khan engemaw zah thliarhranna a awm em ? chuti anih loh chuan kum 12 service tawhte leh tuna rawn pass tharte kha an inang mai dawn a, Doctor-te khang kha sorkar leh mipuite tana nasa taka an service lo pe tawh an ni a. Kum 10/12 te leh tuna mite hi, angkhata hrut mai tumna kha a tha dawn em ni ? Doctor 82 lai lak nan hian, a percentage-in emaw, eng criteria emaw hman a ni em ? tih kha ka zawhna a ni.

**Pu LALRINLIANA SAILO, MINISTER** : Pu Speaker, sorkar rilruah chuanin Doctor an lo pass tawh a, dil thei an nih chuan an entitle vek ang a. Amaherawhchu, nichina ka rawn sawi, kan sorkar thuruk sawi ta ila, Thingtlanga lo awm tawhte kha tuna 3 F te hi an ni tlangpui a, mipakhat chiah hi thingtlanga awmlo niin kan hria, kan hriatsual loh chuan. Chuvangin, thingtlanga an lo awm tawh chuan lut vek tur anga ngaih an ni. Tunah hian anmahni duhsak vangin ti hian in ti a ni lo maw, tih hlauhthawn avangin a dan a hi kan thlir zawk a ni a, nilo se chuan hei aia hmawin kan la daih tur a nia. Tin, PG tihah khan a lo latuten Mizoram mamawhna chu an hre zawk turah kan ngai a, keimahni thu a ni tawh lova. Sorkar-ah kha chuanin Specialist an ni emaw, chutiang a awm lova, amaherawhchu an lo luh tawh erawh chuan anmahni khanin advantage an nei a, PG chuan kum ngain seniority a claim chho ang a, tin, specialist an nih chuan kum 10-in tiang khan ruahman a ni a. A lakna chungchangah kha chuan PG pawh, kha kha exam-ah khan a thiamloh zawk miau chuan kan va sawi thei lova, chuvang chuan a thiam thiam kha an la mai dawn a ni.

Pu Speaker, member zahawm tak Pu Thawla kha - Saiha District- ah hian Doctor 15 an awm a, an hming kha chhiarchhuah diat diat kher a ngai emaw ni chu aw, a chian zawk nan ka'n chhiar ang e. Saiha District-ah hian Dr Zatluanga, Pathologist Specialist a awm a, Dr. C. Lalrosanga, Surgery, Dr. Lalliansangi, Pediatrician, Dr. Sangpuia, MO, Dr. Lalmachhuana Hmar, MO, ENT, Dr. Ngursangzuali, Dental Surgeon, Dr. Lalnunziri, Dr. Rosie Heizi, Dr. C. Hlychho, Dr. S. Vabei Hlychho, Dr. K. Lalchhanhlimi, Dr. Mara S. Thansiami, Ayush Doctor te an ni. Tin, C.M.O. kan nei a, Tuipang leh PHC-ah kan dah bawk a ni.

Tin, member zahawm tak Pu Mahima sawi kha bone year hi tih thin a ni a, tunhma chuanin tunah erawh chuan a that leh that loh pawh kan han sawikhawm thin a. Amaherawhchu, C.S lamten bone year hi sign ta se anmahni recruit-na kha kan mawhphurna a ni ang tih hlauhthawwna an nei a. Tunhma chuan Doctor-te kha an tlem a, an indaih lova kan mamawh em em a, a zir chhuak zawng zawng kha appoint nghal zung zung theih a ni a, tunah erawh hi chuan Indian Medical Council-ah hian mi 500 chuang an awm tawh a, keini hian 400 pawh kan la kawl zo lova, kan ti mai ngamlo deuh niin alang a. Amaherawhchu, hei hi chu thil tha tak chu a ni, an zir dawn hian bone year chu sign ta se, an zir man a tamin sorkar a inseng tam si a tih a ni. Tin, sub-standard chungchang kha kan sawi tawh a, Zarkawtah hian web side kan nei a, kan drug controller-te hianin, chutah chuan information engkim kha a hmuh theihin ka ring a, a Department-ah pawh harsatna nei reng reng chuanin rawn zawt se kan lo hrilhfhah zar zar ang a. Tin, thahnemngai takin hna an thawk a ni tih kha ka'n sawi duh a.

Tin, ISO, Lunglei tih kha NRHM ni lovin, a certified-tu an awm a, annin an rawn check a central lam atangin, tling an tih chuanin Lunglei Civil Hospital pawh kha an certified mai ang a, certificate an pe mai ang a. Tling an tih loh chuanin an pe rih lovang, ka lawm e.

\* Speech not corrected.

**S P E A K E R** : Awle, kan zawhna leh chhanna hun a tawp a, wawiinah hian member lokal theilo te - Pu Lal Thanhawla, Delhi lamah a zin a, Pu B. Lalhlengliana damlohna avangin a ni a. Pu Lalrinmawia Ralte hi damlohna avangin a ni bawk a. Pu Hminga kha nimirah khan a rawn theluta, a awm leh bawk si a.

Le, tunah chuan kan thupuih kan lo lut leh tak tak dawn a. Discussion and Voting on Demands kan ti tan tawh dawn a ni. Minister 2 te Demand kan la ang a. A rualin kan sawiho ang a. Hun a heh loh nan kan tih thin dan ang bawkin hei hi kan ti ang a, pakhatin tikhanin darkar bi ti lo khan lak kawp ang deuh khan han kalpui leh mai ila. A tha kan ti mai em? Le, tunah Pu P.C. Zoram Sangliana, Demand No. 18-na, 30-na leh 42-na te, a pawisa mamawh chu Rs. 66,87,72,000 a ni a. Heng hi a changtu Minister zahawm tak House-ah han submit turin i lo sawm ang u.

**Pu P.C. ZORAM SANGLIANA, MINISTER :** On the recommendation of the Governor of Mizoram and with your permission, Sir, I move the Demand No. 18, 23 & 42 for Rs. 66,87,72,000/- only for meeting expenses during 2012-2013 in respect of the following departments, Demand No.18 - Printing & Stationery, Rs. 13,96,78,000/-, Demand No.23 – Art & Culture, Rs 8,22,44,000, Demand No.42 – Transport, Rs. 44,68,50,000, Total– Rs. 66,87,72,000/- only. Thank you, Sir.

**S P E A K E R :** Le, Minister-in a Demand kha House-ah a rawn thehltu ta a. Tunah Pu Lalrinliana Sailo, Minister zahawm tak kha a Demand-te No.24, 28, 44 te, a amount kha Rs. 196,28,81,000 House-ah submit turin i lo sawm ve leh ang.

**Pu LALRINLIANA SAILO, MINISTER :** Pu Speaker, Governor of Mizoram zahawm tak recommend-na leh i remtihain heng Demand No. 24, 28 leh 44 te, Rs. 196,28,81,000 te kum 2012-13 a hman atan heng department-te, Medical & Public Health Services, Rs. 183,79,36,000, Demand No.28 na, Labour & Employment, Rs. 7,75,92,000, Demand No.44-na, Trade & Commerce Department, Rs. 4,73,53,000, a vaia belhkhawm Rs. 196,28,81,000 te hi ka rawn move e. Ka lawm e.

\* Speech not corrected.

**S P E A K E R :** A rawn submit a ni, tunah khan. A rawn thehltu ta a. Keini hianin heng hi mamawh a ni a. Demand a rawn submit ta a, House-ah khan. Kha kha kan han sawi ho dawn a ni. A Demand kha kan pawmpui thei dawn em? Kan grant thei dawn em? Le, Minister te 2 khan an rawn pharh ta a, Bulletin Part II, No.220, Dt. 19.7.2012 ah kan inhriattir tawh a, khang ang ho kha, a figure te, engkim kha. Tunah kan sawiho nghal ang a. Member-tinte 10 mins. inpe ila. Vawiinah hian heng Demand pahnih (2), department lamah chuan paruk (6) heng hote hi vawiinah hian nuai liam ngei kan tum dawn a, 10 mins. inpe ila a tawk kan ti mai em? Tawk mai maw, tichuan 8 mins.-ah emaw khan warning bell kan tiri leh anga. Tikhan kan Minister zahawm tak pahnih Pu Lalrinliana Sailo leh Pu P.C. Zoram Sangliana te Demand hi lo sawiho tan ang le, tunge sawi hmasa dawn le Pu P.P. Thawla.

**Pu P.P. THAWLA :** Pu Speaker ka lawm e. Vawiinah kum 2012-2013 inkara kan Minister zahawm tak takte pahnih Pu P.C. Zoram Sangliana leh Pu Lalrinliana Sailo te department enkawl lai ram rawng an bawlna tur Demand sawihona hun kan nei leh ta hi a lawmawm ka ti a. A Demand lama ka luh hmian lawmthu han sawi ve reng reng ka rilru a awm chu, hmanni khan Bulletin kan hmuh mai bakah kan Speaker pawh khan a sawiin ka hria, Member-te mamawhna hriain kan Assembly lama kan hotuten Ambulance seat 14 nei, mi harsate, mitthi awm nikhua a phurhna tur min buatsaih sak kha lawmawm ka ti hle a, lawmthu ka'n sawi hmasa a ni.

Demand No. 23-naah kan tan anga. Demand 23-na Art & Culture-ah hianin lawmthu han sawi ka duh chu, hmannah he department hnuai a awm tho

INTACH hovin an thil tih lawmawm tak mai pakhat - kum 1908-a Grammer & Dictionary of Lakher Language tih Fred W. Savidge-ina a ziah kha a nei awm pawha ka inhriat loh INTACH hovin a Minister zahawm tak hnena an hlan programme-ah kan tel ve a, kan Minister zahawm tak Pu S. Hiato te, tin, Autonomous lama kan Chairman zahawm tak Pu Hiphei te nen kan tel ve a. Chutah chuan he lehkhabu hi a awm tih engtinngge ni an lo hriat tehreng ni, Lunglei D.C. Office-ah sawn ni 5 ni 6 lai hun sengin sawtilai puitute nen an lo zawn hrep hnuah an hmuchhuak ta a, kum 1908 a published a ni. A lawmawm hlein ka hria a, hetiang thil rohlu tak mai kan hotuten an hmuchhuak kha Intach ho chungah lawmthu ka sawi mai bakah kan Minister zahawm tak pawh khanin he lehkhabu hi re-print te pawh a tumin ka hria a, chuvang chuan kha thil kha a lawmawm ka tihzia thu leh kan Minister zahawm takina a ngaihhlut a hei hi mi tam takin hman tangkai theihna tura min siam thar chhuah sak a tum thu ka hriat khan lawmawm ka ti a, chu chu ka'n tarlang duh hmasa a ni.

A dawt lehah chuan kan Minister hi a zahawmin a chhuanawm a, hmannah khanin a Cabinet Minister nihna te a hmang tangkai a India ram pumpuiaah Young Men Christian Association lama rawngbawlnaa a lo tel tawhnaa Vice President-a thlan tlin a lo ni te kha a lawmpuinaah khan ka tel ve a, ropui ka tiin lawmawm ka ti a. Kan ram roreltute, kan Minister zahawm tak taktena sakhuaa lama rawngbawlnaah pawh a vawrtawp thleng lek lek khawpa inhnawnawihha an tel ve hi lawmawm ka ti a, lawmthu ka sawi duh bawka a ni.

A department bikah hian nuai 201 lai, Art & Culture enkawlina tur atana hnuk hniam a ni a. Sectoral Break-up Out Lay of Annual Plan 2012-2013-a kan hmuh aia nuai 201.56 laia a hniam ta mai hi pawka ti hle a. Hengte hi a hmanna tur tul a tam dawn tehluul nen. Tin, chubakah Art & Culture Department atang hianin bialtu MLA ho tena kan biala thangtharte tana tingtang man tlawm taka lei theih turte, PA set pawh, chutiangan Department atangan kan lo dawng thin kha a ni a, chutiangan tam zawk dawng ila kan tih laia a chan sum tihlem sak duai mai, nuai 200 dawn laia tihlem sak a ni ta hi pawka ti. Tin, heng in thil tihte hi chhunzawm zel pawh tha ka ti a. Pu Speaker khawngaih takin Art & Culture rawngbawlina pawimawh zia leh member zahawm takte pawn kan lo hman tangkai thin dan kha ka han tarlang duh a. Chuvang chuan nuai 200 laia tlahniam ta hi a karah belh leh dan a awm tho ka ring a, chutiangan rilru chu neih a tha tih ka han tarlang duh a ni.

Tin, demand 42-na, Road Transport Department lamah hian sawi duh ka nei nual a. Hei term hmasaah khan Saiha Town chhungah Auto Rickshaw service tir theih nisela tiin ka dil a, min phal a, tunah hian kan hmang tangkai hle. Tun term-ah pawh hian kan Minister zahawm tak hnenah Tuipang town pawhin Auto Rickshaw service kan mamawh e tih thu ka sawi leh a, min phal sak leh a, tunah pawh sawn a service tan tawh a, a tangkai hle a. A town chhung mai bakah a kawngte kan nei tha bawka, Zawngling lamah te, Khopai lamah te nen lam a tlan chhuak thei a. Chutiangan chuan Road Transport hi ram pumpui mipuiten kan lo chhawr tangkai em em a. Chuvangan Saiha District lam tan Taxi permit-te, Maxi Cab permit ka dil te hi min lo ngaihpawimawh sak thei sela tih hi amah leh a hnuai thawk hotute hnenah ka sawi duh a. Vawi tam tak min pe tawh a, tin kan dil leh zel bawka. Kan thangthar hna hmulate ho tan eizawna pawimawh tak a ni. Hemi Department atan hian sectoral break-up a lo lang tawh sa atangan nuai 61.70 laia tihlem a ni hi pawka ti hle a, 60 lek a ni a, a tul hunah chuan belh leh theih mai a nih ka ring a, chu chu ka han tarlang duh a ni.



Tin, Transport chungchangah hian ka zawhnate a la chhuak lem lo va, ka han sawi duh chu, mimalten Bus service te an lo neih tawh avangin sawrkar Bus-te tihlem chu a ni. Mahse waviin thleng hian MST leh Truck Transport Department vehicle-te hian nitin part mamawh a tam em em a, chutiang lo pe turin Approved Firm an lo awm a. Tin hemi atan hian LOC te pawh a khat tawkin a chhuak ve bawk a, sumte pawm awm chin a awm ve a, mahse khang zawng zawng kha tunah hian tihawp sak an ni a, an approved firm tihawp sakna order pawh kan hmu chuang lo a, quotation tihthar thu pawh hriat a ni chuang lova. Chutiang chuan approved firm tam takte eizawna nei lova an awm ta mai mai te hi pawh ka ti a, hei hi department thu chhuak nge ni, officer pakhat thil tih nge tih chu ka hre thiam chuang lova, ngaihtuah that leh nise tih kha ka han tarlang duh a ni.

Pu Speaker, Department 24-naah hian sawi duh ka nei a, Medical Health service-ah hian. He department Pawisa hman tur sectoral break-up-ah hian nuai 607.50 laia tih tlem sak kha ka zirthiam dan tawh a ni a, a thlaphan thlak hlein ka hria. Kan ram tan hian hriselna a pawimawh a, he Department hi a pawimawh em em laia sum hman tur nuai 600 laia tihlem hian thla a tiphang hle a ni. Hemi chungchang thuah ka han sawi duh chu, Member zahawm takten an bial chhunga an hman tangkai tur Malaria dona thosilen 250 theuh pek an ni kha a lawmawm ka ti a. Saiha hospital hi a chhe em em a, a Department hotu nih pawh a zahthlak, khi laia MLA anga damlo va kan ve pawh hi a zahthlakna lai a awm a, hei hi ka sawilo theilova. chuvangin Kan Chief Minister khan District Hospital tha berah kan siam dawn a tih kha kan thlamuanpuuin kan nghakhlel hle, mahse khami chhuah nan khan kum engzatnge ngai ang tih kha ngaituah tham a awm a, chumi karah chuan tuna ding lai khi thuam that dan te a awm lawm ni, khum te, Almirah te, furniture-te reng reng pawh hi inchei nalh fe fe te han thut, han din nan chuan a mawi pawh a mawi tawh vaklo a ni. Kan Dunlop te pawh khi a bed-sheet han hlih te phei chuan khawih pawh a chakawm tawh lo. Chutiang khawpa chhia te a ni hlawm a. Chuvangin, hospital thar tha ber kan neih hma khan heng hi thuam that hram dan tur min ngaituah sak turin a Minister zahawm tak hi ka han ngen duh a.

Tin, Saiha hospital-ah hian Specialist doctor-te kan ngah tawh loh avangin damlo tam tak hi chu Aizawl lamah refer an lo ni zung zung a. Tam tak phei chu an lo thi thin lehngal a, ram hruaitu nih pawh hi a mangan thlak thei thin khawp mai. Chuvangchuan, Saiha hospital-ah te hianin Specialist hrang hrangte dah hi thulh lo ila. Tin, dah turte pawh hian uluk takin nghet takin min awm sak nghal thin sela. Tin, a khawl lampang hmanrua a awmsa si loh chuan chu pawh chu awmzia a neilo thei dawn. Tin, ka bial chhungah ringawt pawh PHC 4 a awm a. Mahse, Doctor leh Nurse an awm chuan si loh chuan, an riah chilh si loh chuan ti khan a ding thlawn mai mai a. Ui leh Kel te Bawng te hoin riahbukah an lo hmang ta mai mai thin kha pawh ka ti hle a. Chuvangchuan, heng zawng zawngah pawh hian a enkawltu tur dah ni hram sela, chung zinga a origin ber leh a senior ber Tuipang PHC-ah te hian Doctor 2 tal te, Nurse te han dah belh ni hram sela, a lawmawm hle ang tih kha ka sawi ve a ni e. Ka pu, ka lawm e.

**S P E A K E R** : Tunge han sawi leh dawn le? Ding vat thin rawh u. Pu R.Lalrinawma, ani hi a sawi hmasa pawlah atang thei zel a, a tilawmawm khawp mai.

**Pu R. LALRINAWMA** : Pu Speaker, ka lawm e. Nichin Session luh hma deuh khan ka mit hi a rawn thak a, ka nuai a, a sen tulh tulh mai a. Chuvangchuan, sawi hmasa lama han tan vat loh chuan a nasa zel ang tih ka hlau a. Ka sawi a tibuai lo turah ka ngai a.

Hei, Minister zahawm tak tak 2 Demand, Department 6 lai mai kan sawi dawn a. Chipchiar taka sawi hman a nilo a, ngaihawh zual leh heng an demand sawi pah hian an lo thawh tawh, department-in tun sorkar thar a, hna tha tak tak an lo thawh tawhte pawh hi sawilan vek sen chu a nilo a. A then then han sawilan ka duh a.

Demand No.18-na Printing & Stationery-ah hian tunhnaiah khawl thar tha tak mai an nei a, tihchangtlun a ni a, he department hi. A Minister chak tak mai hmalakna a lawmawm ka ti a. Hmanni lawka Pu Speaker, i hoa kan Governor tharte nen thla kan lakho pawh kha rang tak maiin, tha tak maiin an rawn print a, min rawn sem vek a. He House kaltlang hian a changtu Minister leh Department chungah lawmthu ka'n sawi duh a ni.

Tin, Demand No.23-na Art & Culture hi nichina ka hmaa member zahawm tak sawituin a sawi tawh ang khan Department pawimawh tak nisi Department ngaihthah deuh leh te deuha an lo dah thin a ni a. Amaherawhchu, Minister zahawm takin a'n rawn enkawl chho va, vawiinah chuan department hriat hlawh tak alo ni chho ta a. Tin, India ram mai nilo khawvel hriata kan hnam, kan culture-te pholangtu department an lo ni chho ta hi a ropui ka ti a. Pu Speaker, helaiah mi thenkhatten tawngka maia inti Mizo bika tute emaw chu Mizo lo bika, hmuh zawngte a inzirtirna kan pek mek lai hian, he department hian a tak takin Mizo kan nihna te pholangin, Mizote nun chawisanna zawngte, khang kan hnam nun zia Cheraw te, hnamdangin min chhuh lek lek tawhte leh kan Mizo inthumna mawi tak tak, tunhnai lawka Commonwealth Games-ah te pawh kan Mizo inthumna pholan a'n ni te kha a ropui ka ti a. A changtu Minister viak thatna te, remhriatna te, a thahnemngaihna te a lawmawm ka ti a. Chutih rual chuan, hei work programme-ah hian cultural meet in rural areas atan Rs.10 lakhs dah a awm a. Hengte pawh hi duhthusam chuan a tlem deuh mange ka tia, hei aia tam hi awm thei se, a duhawm hlein ka hria a. Kan Mizo culture-te kan chawi nun zel theih nan kan pi pu te nunze thate leh culture hi kan zahpui tur a ni lova, kan chawinung tur a ni, hnam anga kan nun zel theih nan. Israel fate pawn Abrahamana hunlai atanga an lo tih thin kha vawiin thlengin zahpui lovin an la practice a ni a. Chutiang chuan hnam fingte chuan an pi pute tih dan thate hi an chhawm nung reng a. Chutiang chuan tilaiah hian demand ka'n neih ve chu Pu Speaker, Sihphirah khian tunhma kan naupan lai atangin Siknieng Kut hman thin a ni a. Veng dangah hian an hman ka hre lova. Thlasik ni mawi tak mai a lo chhuah chhoh hian, Thlasik hun lai remchangah hian Siknieng Kut hman thin a ni a. YMA ten an organize thin a. Tunhma chuan Carnival ang zawnga hman a ni a. Tunhnaiah nikum pawh khan Cultural Programme anga hman a ni a. Nu leh pa atanga naupang te te thlengin mizo thuam inbelin Field- ah programme hman a ni a. Veng dang khaw dang sawm miah lovin Sihphir khua ringawt khan nileng programme an hmang thei a. Tunhma mizo thawnthute kha drama-ah te rawn changin a ropui khawp mai a. Nikum aia ropuiin kuminah hian hman leh turin an inruahman mek a. Chutah chuan kan Minister pawh hi sawm an tum nghe nghe a. Tunah House kaltlang hian kan inhrilh hre nghal ni sela. Heta tan pawh hian sound system tihte eng engemaw mamawh an nei dawn a. Rural Cultural Meet atan khan demand ka'n nei ve nghal a ni. Heritage Conservation atan work programme ah cheng Nuai 300 dah a'n ni te hi a lawmawm ka ti a. Pi pute sulhnu humhalh nachang kan hre chho zel te hi a lawmawm a. Amaherawhchu, an sulhnu humhalh nachang kan hriat a, kan khuaa awm alawm ti a inchuh buai lek lek te pawh a awm bawh thin a. Chung aia pawimawh zawk chu an sulhnute kan ngaihsan rual hian, an nun dan tha pawh kha, an tlawmngaihna te, aia upa zahnaate kha kan vawn nun zel a pawimawhin ka hria a ni.

Tin, Art & Culture hian tunhma khan darkhuang te hi subsidy-in an pe thin a. Ka Bial chhung hi Aizawl khaw hnaite ti lovin, ka Bial chhunga Upa Pawl thenkhat lo la nei lo te pawh an awm a. Upa Pawl te an thihin darkhuang vawi 7 vuak chhung anmahni thlahna

leh zahna entirnan din a ni thin a. Darkhuang neilote chuan ngawi rengin minute 1 i lo ding ang te an ti thin a. Heng tan hian Darkhuang a tangkai thin khawp mai a. Hengte pawh hi tih chhoh leh theih ni se.

Tin, Art & Culture atang hian veng tam takah Library-te sak sak, chutiang chuan hma an lo la tawh a, a lawmawm a. Kan Bial chhungah Zuangtui te pawh khawpui chhung ni si, YMA Library an nei ve a, a building-te a chhe em em tawh a. Chungte pawh chu kan Minister hian min lo hriatsak atan ka'n ngen duh nghal baw k a.

Demand No. 42-na Transport-ah hian tunhmaa kan hriat ngai loh Inland Water Transport lamte pawh kan Minister chak tak hian hma a'n la chho a. Tui lama Transport te hi a cost tlem ber a ni a. Hengte hi tihhlawhtlin a nih chhoh chuan, kan ram tan a la pawimawh hle dawn a ni tih kha ka'n sawilang duh a.

Tin, ka hma-a sawitu khan Chhim lamah Tuipangah te Auto-rickshaw kan dil a, min phalsak zel baw k a ti a. Hmannia General Discussion a ka sawi tawh ang khan, kan hotute hian ram kilkhawr ber thlengin, chhim lam te hi an duhsak bik emaw ni tih tur khawpin an hmasawna tur hi an ngaihsak a ni tih kha tunah pawh sawilan a ni a. Chutih rual chuan, look south ringawt lova, look east a tul ka tih kha Pu Speaker. Kan Bial lam khawpui daifemah hian, Sihphir te, Zemabaw k han tih teah hian Auto-rickshaw hi phal ve ta ila. Khawpui chhunga tlan luh erawh phal lovin, chutiang chuan a khaw chhungah hian an hmang tangkai dawn a ni. Sikul naupangte hla tak takah sikul an kal a, khang ang han hruai tur khan city bus service emaw a awm ve si lova. Chutiang chuan khawpui chhunga tlan luh phal lovin, khawpui daifem, khawpui hmawrah hian Auto-rickshaw te hi pe ve ila. Tam tak tan eizawna kan siam sak bakah mipuite tan hamthatna, hmasawnnate a lo ni dawn a. Chungte chu ka'n sawi lang duh a ni.

Demand No. 24-na Health-ah hian kan Plan atang mai lo pawh hian Central atangtein CSS te leh NRHM kan tih atangtein hmasawna nasa tak thawh a ni tawh thin a, a lawmawm a. Tunah hian Work Programme-ah Construction of Sub-Centre 30 sakna tur a lo lang a, hengte hi sorkar hmasa lama Sub-Centre 300 chuang sak anga lang vawiina khawi khawiah te nge an sak tih Department pawhin an sawi theih miah loh ang chi te hi a awm leh ang tih hi a hlauhawmin ka hria a, khang kha awm tawh lo sela. Khing Sihphir Sub-Centre te, Zemabaw k te saw an Sub-Centre te saw a hlui tawh em em a, sak that ngai a ni a. Tin, Sub-Centre mai lo Urban Health Centre hi Zemabaw k sawn a awm a tul hle a ni. Helai khawpui chhungah kan ti a, Chanmari leh Kulikawn inkar ringawta inbeng kan tum hian kan traffic jam te pawh a nasa a. Chuvangin sawngahte pawh sawn Health Department te hi an pawimawhin Urban Health Centre-te awm se, helama rawn kal kher ngai lovin, tin RIPAN te alo awm a, sawngte sawn engemaw chen an kep thei dawn a. Tin, Zemabaw k 'N' sawn ram tha deuh mai an nei a kawnganah, chu chu V/C ram a ni a, Maternity Centre atan hian pek an duh a. LSC te pawh siam a Health Department hminga LSC nghal a, Land Lease te tih nghal hial an duh a. Amaherawhchu he Maternity Centre hi an rawn din leh si lovanga ram kan pe thlawn ang tih khan hlauva an la inkhap a. Tun tuma Session-a ka Unstarred Question-ah Aizawl East I huamchhunga Health Department hmalakna hrang hrang min rawn chhang a, Sihphir Venghlunah leh Falkland-ah Health Clinic hawn tum anih thute kan han hria a, kan bial mipui aiawhin vawinah lawmthu kan Minister zahawm tak chungah ka'n sawi duh baw k a ni. Tin, kan Minister ram hmangaihtu, viak tha taka hnathaw k anih avangin Health Care tunhmaa buai nuaiha kan lo kalpui a, tute hming emaw tea lo deposit, a pung awma khatianga lo tih te kha vawinah chuan mumal taka kalpui alo ni te hi a lawmawm ka ti a.

Demand No.44-na Trade & Commerce-ah Work Programme-ah hian Agriculture Marketing, Market facilities-te alo lang a. Sawng Zemabawk bazar te saw Inrinni tuk te hian kawngpuiah an bazar a, a tawt em em mai a, motor pawh kal theih lohin an dang thin a. Sawng RIPAN te, Cancer Centre te awmna kawng kaltlang saw an bazar a ni a. Chuvang chuan sawlai bazar sak mek saw tihpuitlin thuai thuai a bazar mumal an neih a tul hle. Tin, Sihphir Vengtharah khian Roadside Market turin hei work programme-ah-te pawh alo lang a. Khilayah khian Catholic Biak In bul khi bazar lun deuh mai a ni a, zirtawpni tlai han tih ang velah te phei chuan motor kal tam baw si nen accident-te pawh hlauhawm tak a ni a. Chungte chu kan Minister-te Demand hi a tha a, pass-pui ka duh a, chutih rual chuan ka demand rawn sawi hrang hrangte kha kan Minister pahnihten min hriatsak ve turin ka'n ngen nghal a ni, ka lawm e.

**S P E A K E R** : Le, tunge sawi leh dawn, ngawih veng veng kha chu a tha lo a nia. Col. Z.S. Zuala.

**Lt. COL. Z.S. ZUALA** : Pu Speaker, ka lawm e. Kan Minister zahawm tak Pu Zoram Sangliana Demand atang hian han tan ka duh a. Printing & Stationery-ah ka hmaa sawituin a rawn sawi tawh ang khan an hnathawh chu keinin a takin kan hmu a, thlalakte pawh rei lote chungin an rawn tichhuak thei a. Tunlai khawvel changkang Technology sang tak ang hian Printing ho hi an kal zel niin a lang a, a lawmawm khawp mai. Kan Gazette zawng zawng leh sorkar thil pawimawh engkim hneh takin an print thei zel te hi a lawmawm a. Tin, Stationery supply pawh hi anmahni kaltlanga tih tur hi a ni a, anni hian heng stationery supply reng reng Department hrang hranga mite hi control leh zual deuh se, a rate leh quality hi a thatna tur zawng hian discipline nei deuhin a kal theih chuan a lawmawm khawpin ka ring.

Tin, Art & Culture hi nichina an sawi tawh ang khanin anni hi khawvel zau zawka kan culture min pho langtu an ni a, a ropui hle a, an fakawm. Nichina ka hmaa an sawi tawh ang khan chapchar kutte pawh hi an organized a, anni hian organized ta lo se, kan chapchar kutte pawh a tiah vai zo mai ang tih te pawh hi a hlauhawm a. Mahse kan Minister chak tak zarah hengte hi nasa takin kan Culture, Mizoram chhungah pawh hian Culture hrang hrang, dance chi hrang hrang neite pawh kan ni a. Hengte pawh hi VIP lo kal changa an han pholang theite hi a lawmawm a. Tin, kan incheinate, tunhmaa kan incheinate tunah hianin an han tilar chho va, a lawmawm hle mai.

Tin, chu lo leha chuan, nichina ka han sawi tak baw Library hi, kan bial chhungah sawn Library tam tak, thahnem tawk tak chu min siam sak a, mahse, hmun hrang hrangah siamna tur kan la ngah mai a. YMA hall khawi maw lai sir leh a hnuai remchang tak tak siamna tur kan ngah mai a, sawngah te pawh sawn hma min lakpui thei turah kan ngai a, nichina ka hmaa miin a sawi ang khan nakinah chuan hengte pawh hi min la pass pui turah kan sawm dawn a ni. Tunah hian kan Minister zahawm tak hianin U.K-a Cultural troupe hruai dan turte pawh a ngaihtuah niin ka hria a. Hengte pawh hi tihhlawhtlin chhoh ngei a beisei awm a. Heng azarah hian Mizo culture hi khawvel ram zau zawkah a lo lar chho zel dawn niin a lang a, a lawmawm khawp mai.

A dawt leha chuan Transport, Transport-ah hianin Railway Out Agency. Tun hma khan kan sorkar hmasak, tuna kan Chief Minister zahawm tak Pu Lal Thanhawla ho khan Out Agency hi din a ni a. Tun hma khan Sipai chhuti leh Mizorama Sipai service-ho hian heti lamah reservation an tih theih loh avangin harsatna tam tak an tawk thin a. A hnai berah Silchar leh Gauhati-ah khan reservation a tih theih chauh va, khami hria khan Out

Agency din tur hian hmalak a ni a. Tunah, he Out Agency avang hian awlsamna tam tak, kan khualzin mite leh Service ho tan a lo thleng ta a. An function pawh hi a tha hlein ka hria. Tin, chumi bakah Serchhipah te, Lunglei leh Kolosibahte an han hawng lehte hi a lawmawm a, hemi avang pawh hian khualzin leh heng lai Mizorama service, ram hla zawk atanga rawn service tante pawh access awlsam zawkin an nei ta a, lawmawm hlein ka hria.

Tin, road Tax hi kan buaipui khawp mai a, vehicle kum sawm panga atana Tax Deposit ngei ngei tur tih ang te. Mahse, hei pawh hi kan hre sual deuh hlek niin ka hria a, Motor hlui a nih chuan tunhmaa an lo pek tawh zat leh a kum zat kha an minus-a, a balance chauh kha an Tax niin ka hria a, chutiang chuan ka lo experience a, hmanna kan budget speech discussed-ah khanin Member thenkhatte kha an hriatsual nge aw ka ti a hei hi, kan Minister zahawm tak khan hei hi wind up hunah min rawn hrilhfiah se a lawmawm ngawtin ka ring.

Tin, chubaka ka han sawi leh duh chu Transport MST Bus service hi Mizoramah hian kan chhawr khawp mai a. Chubakah City chhungah hianin JNNURM Bus te kan hmu a, hengte hi veng pawn deuh laiahte an service tir a, a lawmawm khawp mai. Keini bial bik Aizawl S-11 area-ah sawn Salemah sawn hmannaiah khan trial run an ti a, an tangkaipui khawp mai a. Mahse hei hi trial run mai a la ni a, permit pek pawh a la ni lova. Hengah hian permit pek dan turte kan Minister zahawm tak hian min han zawnpui se kan ti khawp mai a. Tin, chubakah City Bus tlan theih lohna, a la tlantir lohna ti zawk ila a dik awm e, Tlangnuamah te khian kan la neilo a, Model vengah sawn kan la tlantir thei lova, hengah hian JNNURM Bus zangkhai zawk tlantir dante hi min ngaihtuahpui se, tih kha ka'n submit duh bawka.

Tin, motor ruk leh mi motor rawn ruk chhoh Mizoram chhungah pawh hianin mi motor rawn ruk chhoh Mizoram chhungah hian problem kan face thin a, tunlai hi chuan a reh deuh tawh pawh ni hian ka hria a. Hemi tihrehna tur hian All India Level-ah high security registration-te an rawn introduce a Mizoram ah pawh hian tan tawh mek niin ka hria a, hengte pawh hi engtin nge a kal tak zel, hemi an han ti te hi a lawmawm a, motor te hi kawngsirah kan park vel mai mai si a, hetiang registration kan tih hian eng ang takin nge kan hlawkpui ang tih te hi kan Chiang Chiah lem lo a, hengte pawh hi nakinah a remchan chuan min han hrilhfiah thei se a lawmawm khawpin ka ring.

Tin, kan Minister zahawm tak Health Minister Demand hi han sawi deuh pawp pawp ka'n tum anga. Hospital service lampang hi, kan member zahawm tak em chu ka hrelo a, khatiang deuh taka hospital fai nih leh theih tumna hi kan Minister zahawmtak hian a nei em? Tin, nichina zawhnaah leh discussion-ah te khanin doctor harsat dan leh hospital maintain a harsat zia te kha an han sawi a, kan bial chhungah hianin Kulikawn hospital kan neia chumi bakah chuanin Health Centre ITI ah khuanin kan neia, Kulikawnah khuanin a establishment-ah chuanin Medical Superintendent pakhat awm tur a ni a, tah hian pakhat chu kan nei a, medical officer hi 7 awm tur a nih laiin 4 kan nei a, tin, dental surgeon hi 4 awm tur an nih lai hian surplus pakhat ni awmin ka hria a 5 kan nei thunga, tin, Nursing Superintendent hi pakhat kan neia, pakhat posted a ni a, tin, senior Lab technician pakhat a ni a chutiang chu kan nei kim a, Ward Superintendent pakhat neih laiin pahnih min pe a, a lawmawm khawp mai a. Tin, Head Pharmacist hi pakhat hmunah hian 2 an nei niin ka hria a, tin Staff Nurse hi kan neilo a, tin, Ophthalmic Assistant hi pakhat min han pe bawka a, tin X-Ray technician hi pakhat awmna hmun turah khan pathum min pe a, a lawmawm khawp mai. Tin, X-Ray khawl lian zawk hi hman deuh khan kan Minister zahawmtak hian hospital a rawn tlawh a, khatah khan an harsatna an sawi, tunah hian min rawn pe a, amaherawhchu ala

function thei chhiah lo a, function rang thei deuh hlek turin hma min laksak thei se kan lawm khawp ang. Kulikawn hospital khu tunhma building a chhe tawh deuh a, han tihchangkan sak thei se kan lawm khawp ang.

Free medicine hi hman deuh khan chanchintharah kan hmu a, tun kum 2012–2013 ah hian vaibelchhe 100 hi, damlo sawrkar hospital a awm reng reng hi free medicine an pe tur a ni tiin vaibelchhe 100 hi sanction a ni a, hei hi keimahni state maiah bik a nilo a, All India a nih ka ringa. Tin, 5 year plan-ah hian vaibelchhe 2,8,560 hi pek tur a ni bawk a, hetiang hi mirethei zawk hospital a awm te, medicine engkim mai inlei chawp ngai hi alo bo dawn ta niin alanga hei hi khawngaihtakin uluk zawkin kan hotute hian min enpui se a tha khawpin ka ring.

Tin, ITI a kan Primary Health Center-ah khuan doctor pakhat hi min pe a, tin, nurse pakhat a awm deuh ngawk a, khutah khuan tunhma khanin specialist te sawrkar hmasa khanin Health Minister zahawmtak kha khulampang bial enkawltu a nih avang khanin an lo vulh tha bawka, mahse tunah hianin khatiang kha an kiam ta deuh duak maia, khuti laiah khuanin kar khatah wawi 2 tal specialist te emaw minrawn thawn thei se, chuan heti laiah Civil Hospital Aizawl ami pawh hi nasa takin kan chhawk thei dawn niin ka ring.

**S P E A K E R** : Le, duhtawk thei dawn tawh em?

**Lt. Col. Z. S. ZUALA** : Pakhat chiah ka'n sawi leh ang e, Pu Speaker. Trade and Commerce-ah hian Allocation of Business-ah hian Establishment of Market and Trade Centre tih a ni a. Mission Vengah sawn market building tha deuh kan nei a, mahse approach road a that loh avangin kan hmang tangkai lova. Chuvangin, kawngsirah vegetables te an zuar a, accident a hlauhawm a, a hrisel lo bawk a. Sawtilai approach road siam nan sawn kan Minister zahawm tak pawh hian vawihnih emaw chu min enpui tawh a, a siamna turin PWD-in nuai 3.9 min pe a. Kha kha kan NGO-te kutah pein a tul ang angin hma an la a, mimal ram te pawh kan laksak a, phal takin an in surrender a, kan lawm khawp mai a. Hemi chhunzawm nan hian Trade & Commerce atang hian pawisa eng emaw zat tal min pe thei se kan lawm khawp ang a. Tin, an Minor Works-ah hian cheng nuai 30 hmel hi a lo lang a, heng atang pawh hian tlem azawng min han sih chhuah dan awm se. Pu Speaker, ka lawm e.

**S P E A K E R** : Tunge sawi leh dawn? Kan tin leh rih tawh mai dawn em ni? Tunge sawi leh dawn? Vawiin chu kan nuai liam ngei ngei a ngai. Kha, a sawi duh tawh hma khan kan inthut tir si a. Pu Lalthansanga.

**Pu LALTHANSANGA** : Pu Speaker, an sawi hreh riau mai si a, ka'n sawi mai ang a. Vawiinah Demand-ah kan han lut a ni a, kan Demand 42-na, Transport hi ka'n sawi duh a. Vawina kan sawi tur department-te hi sick department deuh deuh mai niin ka hria a. Transport Department ang te hian Plan-ah hianin a phak lohna pawh hi, nikum a phak lohna hi 106.54 velin Plan-ah hian a'n pha lo phawt mai a ni. Chutihlai chuan, Revenue chhun luh erawh chu a sang hle tho mai si a, Minister nih hi tuntum chu a hrehawm awm mang e aw. An Plan Budget a pun lai si hian an Demand ang te tea han en hi chuan Minister-te hi in lawm angem aw ka ti a, in nui tawi riau thin hian ka hria a, in lawm lo deuh ni hian ka'n hria a ni.

Transport Department hi nimin khan ka zawt a, bus-te hi insurance hi tih vek tawh a ni em, te ka han ti a, "Ni e" an tia. Hmannia Vaitin daia bus accident kha han chhui chian deuh chuan kha pawh kha insurance la tih lohva, registration kha lo tih zung zunga,

khilayah fitness pe a han tlan a, insurance pawh kha la awm lo a ni a. Accident claim tur pawh khan claim hleihtheih loh kha a han ni nghal ringawt mai a. Kan Minister hi a chak em em lai hian a Department-ah hian a tui tawh lo emaw ni aw? Khatiang te kha engtin nge a hriat loh aw, tih lai kha rilruah khan a'n awm deuh hlek a.

Chutihruah chuan, ka bial vel te hi chu thingtlang khua a ni a, Transport dan ang hian maxicab te emaw public carrier tan lo phei hi chuan passenger phurh theih loh tih hi in kengkawh lian em em mai a. Hmanniah Sailulak atangin LPK pakhat a lo kal a, damlo mangang em em mai Serchhipah an rawn refer thla a, an rawn chuang thla a. Chu pawh chu Enforcement ho khan Sailiankawnah khian an lo man ringawt mai a. Enforcement hovin an lo man loh leh Traffic hovin an lo man a ni. Tichuanin, hmanniah Hmunthaah mo lawmin an rawn kal leh a, Hmuntha kawng te chu metal reng reng loh, NREGS kawng chhe lutuk mai a ni a, Sumo tan kal ngaihna a awm lo, chuvangin in motor hi passenger carrier motor a ni lo tiin an han chawi tir leh ringawt mai a ni. A rapthlak viau zel mai a, a motor neitu leh a nupui tan khan. Hetiang hi kan tuar nasa em em mai a. Chu lo pawh chu sawi tur hi a tam em em mai a ni. An rawn report deuh nual a. Hmanniah kan Estimate Committee Chairman Pu K. Lianzuala hovin a bialah kan kalin chutiang ang incident chu an lo tawh tih kha min lo hrilh a. Chumiah pawh chuan kan Transport Secretary phone-in kan hrilh tawh thu te kan hrilh a, an thla pawh a muan phah hlein ka hria a, anin hma te min lo laksak a. Khitilai bialah khian khatiang khan an kengkawh a, a dik rual khan kan standard of road khian khatiang ang han kengkawh tur khan a la pha si lo. Chuvang chuan vehicle tax kan tihsan rualin lehlampangah chuanin Vehicle Act pawh hi 1995 hmang hian kalpui leh theih pawh kan nei a. Chuvang chuan tax permit chungchangah te pawh hianin nikum leh kumin chhungin 741 vawiin thleng hian pek a ni ta a, hemiah hian 1995 act hi kan hmang niin ka hria a. Hetianga replacement tih vak vakna hianin kan Minister hian Taxi permit pakhatmah ala pe lo na a, mahse lei tur hi a tam em em mai a ni. Hetianga kan kal si te chuan engtinngge ni ang, mihausa leh nei nungin taxi zawng zawng hi an lei khawm ang a, tiang khan an ti mai dawn a ni. Taxi permit an la pe lo, mahse taxi rawn awm thar ta te leh hming an han thlakah khan nikuma zawhnaah khan 381 a ni a kumin zawhnaah khan 461 a ni a, a belhkhawm kha 741 lai a lo ni reng tawh mai a ni replacement kha. An ti thei tawh lo anih chuan titawp law law mai sela, chumi ti thei tawh lote chuanin, a aiah permit-te kha issue leh ila kan duhsak zawngte pawh kan recommend ve thei ang a, chutiang ni si lova sumdawna ang mai a hman tak a ni hi en chian leh deuh nise tih kha kan Minister hnenah hian ka'n sawi duh a ni.

Tin, Art & Culture-ah hianin vawiina kan plan a tlemna chhan hi chu cheng nuai 13 in a tlem a, nikum aiin, heti chung hian grand-in-aid kha nikum ai chuan tlem mahse nuai 33 ang kha chu ala awm belh niin ka hre deuhva, a lawmawm ka ti.

Tin, Printing and Stationery-ah pawh hian nuai 60 velin an hniam leh ta a ni a, enge a chhan ni aw ka ti a. Hemi department hi kan ngaihtuah nasa viau thin a. Department hote hian an mamawh ang chi, stationery tul zawng zawng hi chu lak ni mai sela tih te kha kan rel thin a, mahse kan sorkar hian a tui loh zawng nge ni ang a Department lam pang hian khatiang lo khanin a ti zawng nge ni, an Department-te hi thlarau thianghlim pakhat an ni silova ti ang zawng deuhva ngaihdan hi a nei a ni nge ni, heti laiah hianin non-plan te kha tihlem tur nge ni, kan budget-ah khan kan Finance Minister khan a rawn ti a, a tlemna turte pawh kha tarlan anih rual khanin hetiang zawngte hian kal ta ila tih te a lo awm deuhva.

Tin, Demand no.24-ah hian han en ta ila, tunah pawh hianin an budget tlemna hi nuai 232.55 hian an tlem ta a ni, Health Department hi sick unit tak tak a ni a, doctor-te pawh lak belh turin kan han tih rual khanin thawhna tlaka siam tum kha a ni a, damna tlakin siam tum pawh nisela kan ti a, vawiinah chuan thihna tlak pawh hi a ni dawn lo emaw ni aw ! PHC leh damdawiin hrang hrangah hian damlo pawh hi admit hman a ni dawn tawh emaw ni aw ka'n ti a ni. Health Department hian vawiinah hian hlau leh khur chung hian an awm tawh niin ka hria a, supply-na tur ang chi pawh hi an nei meuh tawh lo a ni. Chuti khawp chuan an hul tawh a, chuti chuanin kan Finance Department pawhin sanction a pe thei tawh lova, mipuite hriselna lampang kan ngaihtuah nge maw ni, mipuite hi hrisel lo zel sela kan ti zawk aw ! ti khawp hian ngaihdante a awm tawh a ni. PHC thenkhatah phei chuan damlo hi kan admit ngam tawh dawn emaw nile, chutiang khawp chuan an dinhmun hi Health Department hi a chhe tawh a ni a, chuvang chuan kan enkawl nasat lehzial hi a ngai a ni.

Tin, Trade & Commerce-ah hian kan Minister hi zing tin kha a kal thin rual khan Aizawl New market hi han en ve sela, nimin khan NEC te kha a ti a, a la hla em em a nia. Khatiang te NEC emaw DoNER atangin emaw kha chu a la hla deuh hleka, tun chawpleh chilhah pawh khuan han hmalakna tur khu a tam hian ka hriat avang hian tilai hi ka'n sawilang duh bawka. Tin chumi rual chuan Bungtlanga kan Road Side Market khi MAMCO hnuai atanga min han hmalak anih rual khian tunah chuanin Mini Sport Complex an rawn sa a, chu chuanin encroachment hi a rawn ti tan tawh, tuna godown kan han neihte phei khi chu tunah hianin min laksak titih tawh a ni. Chuvang chuan Bungtlang kuthnathawktuten khilai khi nasa taka tlumte thlira kan lo thlir ve, kan lo en ve ngawih ngawiha kha, khitiang khian a thamral mai anga, Sport-hote hian min laksak leh si anga, kuthnathaawktute hi kan hawi hai ang tih hi ava hlauhawm em! khi khi chu ngaihtuah mai ni lovin, a theih dan hram pawh engemaw Plan Fund-te pawh hi han pawh then deuha, min han tihpun sak hram hi chu kan va ngen em tih kha kan Minister zahawm tak hnenah ka'n ngen leh bawka ni. Ka lawm e.

**S P E A K E R** : Ti hian tunge sawileh dawn? Pu Hmingdailova Khiangte.

**Pu HMINGDAILOVA KHIANGTE** : Pu Speaker ka lawm e. Kan insawi tui hmian Pu Speaker thil pakhat sawi duh ka nei a, keini bialtu MLA te hian kan bialah tihtakmeuhin kan kal te hian department hrang hrang hasatna te, an staff te, an building te, kan en thin a, service a kan tihdan te kan zawm lo thei lova, 1-na, 2-na, 3-na tiin point kan siam a, an harsatna uluk taka Tour Note-ah te a changtu Minister zahawm tak P.S ah kan han pe a, a copy hi a concerned Directorate-ah, mahse respond ka hmu ngai lova, vawikhat erawh chu Education Directorate atangin respond ka hmu a ka lawm khawp. Theihtawka, thiam tawka department-te kan puih vena tur leh, kan bialte tana theihtawp kan chhuahna kha min ngaipawimawh lo te pawhin kan ngai thin a, a lawmawm loh khawp mai, kan theihtawp chhuahna kha engmah lovah min siamsak chu vawiinah Pu Speaker, kan Minister zahawm tak takte hmaah hian ka'n sawi duh a ni.

Pu Zoramsangliana demand kan sawi hmasa anga, Stationery demand 18-naah khan. Ka'n sawi duh chu tunhma atang deuh tawh khan Stationery department hian Mizorama department zawng zawng tan tam tak an khawla an dah a, mahse department tam takin kan la lo niin ka hria a, chuvang chuan a chhe khawpin an kawl thin a, heng hi Zoram sorkar hausa viau lemlo tan hian a pawl thamin ka hria a, hengte hi department hian ngaipawimawhin Printing & Stationery-ten an lo lak khawlte hi la ngei thin turin inhrilh ila a



tha awm hlein ka hria tih kha ka'n sawi duh a. Thil tha lamte chu a hma ami kan hotuten an sawi tawh nuala kan sawi tawh lo ang.

Art & Culture chungchangah sawi tur tam tak a awm ang, khawvel huap, khawvel hriatin Cheraw te pawh kan kan tawh a, Minister zahawm tak chungah lawmthu sawi a tulin ka hria a. Tin, internal lam, puandum te kan mamawh hle mai a, thingtlang lam hian YMA-in an mamawh bawka, MUP-in an mamawh bawka, MHIP pawh hian puanchei te an mamawh a, chung chu an nei duhlo viau mai a, keini ho hian subsidised rate a ni bawka, kan lei renga, amaherawhchu quota an siama, mamawh tawh kan lei thei lova hei hi chu kan Minister zahawm tak hian min en sak sela a tha awm mange aw tih ka'n rawt deuh a ni.

Tin, demand 42-na Transport-ah hian sawi tur tam tak a awm awm e, a hmasa berin kan bialte Tlawng lui atanga hla vaklo a ni bawka, Inland Water Transport kan Minister zahawm tak Transport hian khawi atangin emaw a rawn pawtlut ti mai ang, kan chhawr tangkai hle a, khulai Tlawng khu Zoram- a lui sei ber a ni a, a tangkai em em bawh a, a hmang tangkai tak bial te pawh kan ni awm e. Suarte pawh kan siamrem a, a thuk lutuk te pawh kan siam fel a, amaherawh chu kan siam fel hnu nikum lamah khan siam fel lehna a awm loh avangin Suar thenkhat chu tunhma aiin a lo hlauhawm zawk a. Chuvangin lawnglenga kalte pawh kha accident an tawh a. Tin chu lo lehah chuan khatiang ang harsatna a awm chuan misual rualte pawh an awm ve a, chuvang chuan lawng a kal tuan loh chuan misual rualte pawh an lo che thin a ni. Hei hi kan Transport Minister zahawm tak hian a third installment-na tur a niin ka hria a, chu chu a ngaihtuah leh thei thovin ka ring a, han ngaihtuah leh sela, khung lai han siam that leh khu a chakawm khawp mai, Pu Speaker.

Tin, Pu Lalrinliana Sailo Demand han en leh i la, a hmasa berin Medical & Public Health Services 24 na demand. Nichin khan ka sawi zo hman lova zawhbelhnaah khan han sawi tel nghal nual ka duh a. Kawnpui PHC khu a tuallai tawh angreng viau mai a, compound fencing khu a mamawh khawp mai a khu khu min lo hriat sak sela a lawmawm hlein ka ring. Tin Kawnpui PHC khu a lun khawp mai a, accident prone area te kan tia khulai khu, an khawngaih- thlakawm, an indaih lo viau mai a. Tin, Doctor khu hmeichhia a ni a, duh angin khua amiten an mamawh zat angin hna a thawh theih lova, chu chu min lo hriat sak sela. Tin, training in kal a ngai deuh reng a, Aizawl leh Kolasib-ah an kal bawh a. Awm loh chang te hi an ngah em em bawh a. Medical Officer pahnihte hi, Doctor kan la tam dawn bawh a 82 zet, kan la dawn bawh a, min pek belh ula a lawmawm ngawtin ka ring tih kha ka'n sawi duh bawh a ni.

Tin, pakhat lehah chuan Mualkhang (Speaker : Chair kan in thlak lawk ang aw) (Pu Lalthansanga : Sawi zawm zel rawh ) Pu Chairman, Demand 24-na Medical & Puclic Health Services kan sawi mek a, Mualkhangah khuan Health Clinic hunrei tawh tak atang khan a awm a. Quarter pawh a awm lova, Health Clinic in pawh a awm chuang lova, an nupa in kha a ni mai a. Amaherawhchu an lo fel phian a, Mualkhang mite sawi dan chuan malaria pawh hi tunah chuan an vei meuh tawh lo emaw chu le, a fel hle mai an ti. Mahse tunlai tak hian an transfer dawn a, an ui khawp mai, Mualkhang chuan an ui hle a ni. Tin, a pasal khu kohhran mi te a lo ni bawh a, kohhran mi pawn an ui bawh a. Tin, an uina mai bakah lawmlohna an nei a, a rawn thlaktu tur khu tunge anih ka hrelowa, amaherawh chu senior tawh pension hnaih lam Sairang atanga lo kal tur a ni a. Langa lokal tur anih avangin chu chu pawh an ti ber a. Vawinah hian kan Health Minister zahawm tak ka request duh chu, a ngai khu min dah sak thei ula duhthusam a ni a. A theihloh chuan riahchilh ngei tur min dah sak ula kan lawm khawp ang tih kha kan sawi duh a ni.

Tin, nichin khan ka let leh duh lawk a Transport ah khan, Demand 42, Transport-ah khan. Tural bial Kawnpui bial an tih thin khu a ram khu a lo rualrem tawh bawk a. Auto rickshaw hi kan hmang tangkai khawp a. NLUP lam atanga awm pawh kha a tlem lutuk a, kan tawng khawp lo khawp a. Kan Transport Minister zahawm tak hi ka'n request duh chu kan han dil neuh neuh chho leh dawn a, min lo hria sela tih kha ka'n ngen duh bawk a ni.

Demand 44 na, Trade & Commerce. Hei hi chu thui tak sawi lo ila. Look East policies kha Look North tih te pawh a ngai awm hialin ka hria, hei pawh hi. Kan thenawm ramte nen hmanlai atang tawha inhriat thiamna awm sumdawna kha tunah hian kan tan leh dawn tawh a. Zokhawthar Champhaiah engkim peih fel official commission nghak mai a awm tawh a. Tin, kawngte pawh a tha tawh bawk a, tin Lawngtlai lamah Zorinpui pawh buatsaih lai mek anih avangin hei hi puitling ngei turah ngai bawk ila. Minute 2 ka la nei em? (Pu Lalthansanga : aw, Minute 2 ila nei e.) Tin, Kawrpuichhuah, Bangladesh ramriah pawh a hmun engkim enfel leh buatsaih a ni a, hengte pawh hi an puitlin hunah chuan kan thenawm ramte nen sumdawna fel tak, tha tak kan nei ang tih a chiang a, a lawmawm hle a ni. Hengah hian kan Minister zahawm takte pawhin a hmun an tlawh fai vek tawh a, a chhuanawm hlein ka hria. Tin, kan Prime Minister zahawm takin Myanmar a han zinnaah te pawh khan heng Border trade te hi, phurawm tak leh ngaihthatawm takin an sawi a, a lawmawm hle a ni.

Tin, Look East Policy kan sawi ziah mai chu Kaladan Multi Modal Transit Transport kha Sittwa a va thlen hunah chuan South East lama kan thatna tur bakah mithlain an hmu a, West Bengal chungah han rin thla purh mai ila, Kolkata kha Lawngin kan thlengthla thei mai dawn bawk a tih te kha a ngaihtuah theih a, thil ropui tak a ni. Heng zawng zawng hi kan hotute ngaihtuahnaah mai nilovin a taka hna an thawh avangin a lawmawm hle a ni.

Tin, Labour and Employment hi thui tak sawi tur kei chuan ka nei lova, tawite sawi duh ka neih chu - Nimin khan kan member zahawm tak Pu K.Liantlinga khan Lord Krishna Academy hi a lem a ni a tih kha a hriat fuh loh a niin ka ring a, a lem a ni lova, a tak a ni a. Delhi-ah pawh hian tunah hian Coaching class an la kal muah muah a. Keini nena kan inzawmna erawh kha chu harsatna eng eng emaw a awm vangin kan titawp a, sumte kan neih tam tawh loh avangin kum khata sawmnga hi chuan Officer pahnih hlawh leh Staff dangte leh..... neuh neuh nen chuan kum hmasaa nuai 25 leh a kum leha nuai 30 kha chu kan tla thei tawh lova. Tin, kha kha a zirtirtute hlawh hrim hrim a ni a, chu bakah chuan lodging ang fooding kan chawi sak bawk a. Tin, Communication Transport hi 50/50 in kan inchawi sem bawk a, chuvangin kan tlin tawh lova, kan ti tawh lova, a thatna pawh tam tak a awm anga, chu chu kan sawi seng lovang a. Engpawhnise, khu Academy khu fake a ni love tih kha ka'n sawi duh a.

Ka'n sawi leh duh chu kan Minister zahawm tak pahnih Demand te hi vawiinah support tlak an ni a, a support-na tur supporting a kha kan sawi seng lova. Amaherawhchu, support tlak a ni a, kan support a ni tih Pu Chairman, ka'n sawi duh a ni e, ka lawm e.

**Pu LALTHANSANGA, CHAIRMAN** : Aw, minute hnih kan han pek belh hram a nih kha, chuan tunge sawi leh dawn? Pu R.L. Pianmawia i sawm mai ang aw.

**Pu R.L. PIANMAWIA** : Pu Chairman ka lawm e. Hei kan Minister te pahnih Demand sawina hun kan han nei thei a, a lawmawm hlein ka hria a. Demand sawina hun a ni bawka, kan bial tana Demand tam tak awm hi tarlan deuh zung zung mai loh chuan hun a tlem hle mai a, tin, lawmthu sawina tur pawh tam tak awmin ka hria a.

Hei Demand No. 44-ah Trade & Commerce-ah hianin kum thara an thawh tur Roadside Market tihna tur te nuai 30 a ni a, a tam lo hle a, keini bialte ang atana tawh lek awm mange ka ti a. Tun kum kal mekah hian New Vervekah Market in tihreh tawh a. Zohmun, Ratu leh East Phailengah te heng nuai 30 hian min tihsak leh sela, thil ropui tak hi kan beisei pha lova, kan dinhmunten a tlin ve loh avangin, min lo hriat sak se, kan Minister-in ka duh a.

Tin, Demand No. 28-ah Labour and Employment hian an thiltihtheihna thingtlang mite tana lawmawm tak mai keini chuan kan lo chhawr tawh a, kumthar atana an thil ruahman an han ziah chhuahah pawh pawisa tam zawk dahna tlakah ka ngai a. Conducting Mobile Registration to remote Areas atang hian ka bialah, Darlawn leh Sakawrdaiyah min rawn tihsak tawh a. A lawmawm hlein ka hria a, hmun hnih chauh tih kha ala tawh lo hle mai a. Khawtinah min kal sak se tih kha ka ngen duh a. Hmunhnih chauhah chuan kal velnaah harsatna tam tak a awm a, Employment Register tur harsatna avanga mi tam takin an chhawr tawh rual hian hei aia changtlung zawka tih theihna tur hian khawtin min han tlawh sak thei se.

Tin, Health Department chan Demand 44-ah hian a hma pawh khan ka sawi lang deuh tawh a, 2012-2013 a hmalakna turah PHC 5, Sub-Centre building 30, Sub-Centre quarter 7 tih tur tih kan hmuh khan ka rilru a lawm em em a, ka phur em em a. Ruahmanna tarlan tawh thinah khan PHC sak turah hian Darlawn kha a tel ut tawh a, amaherawhchu a tak ram a la thleng lova, tunah phei chuanin 5 chauh a nih hi chuan kan khan hlein kan ring a. Kan Health Minister rilruah pawh PHC 5 sak turah hian Darlawn bakah Ratu hi rilruah a awm reng ang tih kan sawi lang tel duh a. Tin, Sub-Centre sak tur hi ka bialah hian tuna mamawh ngawih ngawih chhe tep awmna chu, Sakawrdaiyah, Zohmunah, North Tinghmunah, Palsang, Vaitin, Thingsat, North Serzawl, East Phailengah te hian Sub-Centre sak ngei ngei a ngai a. Quarter 7 sak tur phei chu kan biala mamawhna a la daihlo fo maia. Chuvang chuan engpawh nisela kan Minister-in rilru nei takin min lo ngaihtuah sak se a thain ka hria a. 'Hmangaihna rose par min thliah la, a bawr bawrin' tih ang deuh khan a bawr bawra min han ngaihtuah sak ka'n ngen duh a.

Tin, Demand No. 18-ah kai leh ila Printing and Stationery hi tangkai taka hman thin a ni a. Amaherawhchu kan hman tangkai ta lo deuh em ni zirilaibu leh Calendar chhut tih velah pawh hian an chang hlei thei lova, kan Minister zahawm tak kaihhruai hnuah hian khawl tha tak tak neih a ni tawh a. Tin, a chhia pawh a thara thlak a ni tawh a, tin, tunah hian khawl tha tak mai chah thlen sa an nei a, a dahna tur In an nei thei lova. Cheng nuai 15 vel an ruahman ve dek dek a tihpuitlin sak an la ni si lova, hengte hi RE ah te tal dah saka, thil tha neih ve si pawna dah mai mai tur ringawt chuan a uiawm tham em em a, khawlte pawh a chhe leh mai mai ang tih a hlauhawm em em a. Chuvang chuan hemi chungchangah hian a ti theitu tur leh mawhphurtute Finance nge Planning lampangte khan ngaihtuahna lo hmang ula a thain ka ring a. Hetianga sum tlemte hmanga enkawl chhoh chaklo taka lo kal thin, tuna kan Minister enkawlna hnuai changtlung taka enkawl chhoh a lo ni ta maite hi a lawmawm em em a, duhsak pawh an phuin ka hria a ni.

Deman No.23-na Art & Culture-ah hian (Chairman : Duhtawk dawn tawh la) e min lo hrethiam teh khai Pu Chairman, chhulkhat chhuak kan nih kha maw. Art & Culture

Department hi thingtlang mite chuanin kumkhata P.A. set 2 vel Group YMA-te subsidy a dilchhuah theihna ni a kan lo ngaih thin kha a ni a, a lang te khawp mai a. Amaherawchu tunah chuan kan Minister chak tak enkawlina hnuaiah hian khawvel huapa Mizote min pholangtu a lo ni ta reng mai a, a ropui em em mai a. Hei vang hian rampumin kan inngahna bulpui pawimawh takte zingah ke pawimawh berte zingah a lo tel ta a, a lawmawm hlein ka hria. Chuvang chuan YMA te tana Grand-in-aid a P.A. set han lakchhuah theihna tur te hi tam zawk sum awm thei se tha hlein ka hria a. Tlemte an nei chung Central lama kan Minister chak takin remhriatna hrang hrang hmanga a zuk dilchhuak thinah hian lawmawm ka ti a, tan la lehzuol se tha hlein ka hria.

Tin, Demand No. 42-na Transport-ah hian tun kumthara pawisa hman turah nuai 72 chuang a awm a, other charges MACT tihah khan, hei hi ka bial Darlawn bula Bus accident a vanduaiana tawkte tan ni ngei turah ka'n ngai a. Kan thil sawite a tak ram chantir tur a ni hi lawmawm ka ti hle a ni. Tin, Booking Station siamthat tur chungchangah hian Vaitin hi temporary tak tak awm silovin mi sumhmunah kharchhawng ho tih ang deuh hian an ti ve mai mai a, chuvang chuan tihputlin ve deuh dan a awm lawm ni tih kha ka'n sawi duh a.

Tin, kan Minister hianin Transport Department bikah Taxi leh Bus permit-te Aizawl khawchhung atan hianin pe miah lova tun hun min thlenpui hi chu a pawl hlein ka hria a, chuvang chuan sorkar hmasa pawhin a mamawhtute mamawhna hriain khawharinah tak ngial pawh permit pe turin an ziahsak a ni a, chuvang chuan kan Minister pawh hian hun lokal turah hian Taxi permit leh Bus permit te hi a hlui renew tawh lovin a thar min pe ve tawh sela tih ka sawi duh a. Tin, hun lokal turah Transport Department hian an ti thei tih kan hriat lemloh black topping project te pawh hi an buatsaih niin ka hria a, ka bial atan pawh DPR te an lo ruahman ni awmin kan hre riail ruai a, a lawmawm ka ti hle a. PWD chauh hi emaw kawng siam tur kan lo ti thin a, Road transport atang hian tih theih an nei a ni tih an rawn inpho chhuak dawn niin ka hria a, a pho chhuahna bial turah kan tang tur hi lawmawm ka ti takmeuh meuh a, Hmuifang leh Chhiahtlang inkar te pawh black top turin ruahmanna an han siam a, kan bial chauh lo pawh hian in chhawr a ni tih ka'n sawi duh a. Chuvangin an hnathawh hlu tak avanga lawmthu sawi chungin khang demand te kha min hriatsaka min ngaih pawimawh sak turin ka rawn ngen takmeuh a ni e, ka lawm e.

**Pu LALTHANSANGA, CHAIRMAN** : Ruling lamin an sawi tawh bawk a, opposition han tih kha a awm ve alawm tiraw, tunah Pu K.Liantlinga lo sawm ang aw.

**Pu K. LIANTLINGA** : Induhsakna bik nilovin, a inkhing tawh deuh kha a tha a lawm ti raw. Pu chairman, hei waviin kan demand sawi tur hi Pu P.C. Zoram Sangliana leh Pu Lalrinliana Sailo te a ni a.

Demand No. 18-na, a hun khi minute 10 chiah chiah a la awm a, pel deuh hret mah ila midang sawi leh an awm thei tawh chuang lova. Hun min pe tha deuh la. Hei budget-ah hian vaibelchhe 13,96,78,000 a ni a, helaiiah hianin Printing & Stationery hi centralize-a department dangte nen tikhawm tur pawisa dah khawm a stationery-te pawh kha control tur tih kha a hlawhtling ta lo niin a lang a, tin, khangah khan deposit money awm thei tura ngaih te pawh kha a ni a, budget hi a sang lova. Amaherawchu, ka zuk ngaih pawimawh chu sorkarin a thil tih tluk tluk ai hian; Private sector lam pang te hi tihlen theih dan kawng hi a awm lawm ni ? Printing Press tamtak an awm a, registration nei vek an ni a, hmanng tangkai sela, 24 hours duty turte pawhin ti sela, sorkara hna thawh tur pawimawh zawng zawngte pawh hi Printing & Stationery through-in Department dang te pawh hian pe se la, department

tin mai hian offset hi an nei kim deuhthaw emaw ni tih mai tur hian Business hi an run deuh vek mai niin a lang a, Printing & Stationery hna ken tur dik tak a ni a, Private firm-te hnenah khan pe sela. Hei hian nasa takin Youth employment-te leh thil dang dang te pawh a hring chhuak thei a, entrepreneursip kha a awm thei a, thil tam tak kha ngaihtuahna awm thei se. Printing & Stationery Department hian khawl tha tak tak te an din a, a lawmawm em em a, sorkar chuan a nei tha tur a ni. Heng angte entawn hian private firm te zirtir that kha a pawimawhin ka hria a, tin, thu pawimawh bik gazette-te, ballot paper te leh heng confidential te chu Printing & Stationery Department-te pawhin lo chhu ta sela, kha kha a kalphung awm deuh niin ka hria a ni.

Tin, Demand No. 23-na Art & Culture hi nuai 8,22,44,000/- an Budget a ni a, an major works-ah hian 150 an dah a, minor works-ah hian 153.6 a ni a. Work Programme hi an siamtha hlein ka hria, a fakawmin ka hria a, Minister pawh a fakawm a ni. Hetah hianin an pawisa hman tur 150 hi chu PWD ah transfer a ni a, 153 atang hianin Work Programme-ah nuai 128.44 an siam pha a, lawmawm ka ti a.

Tin, khawvel hriatin cheraw hnamdangte nena lam kan inchuh lek lek, Manipur nge Thai te nen kan inchuh lek lek 'bamboo dance' te pawh khawvel hriatah Mizo ta a ni tih tarlan chhuahna te kha a lawmawm hlein ka hria a. Tin, Lunglei lamah, chhim lampang hian, keini chhim lampang hi an ti deuh fo mai a, chutiang niloin Aiawl khawpuiah a awm tawh a, Lunglei khawpuiah awm leh selang tih ang zawngin ngaihtuah ta ila. Lunglei atana Cultural Complex and Heritage Centre nuai 150 lai din tura ruahmanna an nei hi a lawmawmin ka hria a, tlemin Lunglei lampang han phunchiarna deuhthe pawh a tireh ang chu. Tin, Library hrang hrang an siamte, State Library te ropui tak tak kan han nei hi, a lawmawm a. Mizo-te hi lehkhachhiar peihlo kan ni a, school zawng zawngah te pawh hian Library hi neihna chang hria kan awm mang lova. Library hi thiamna lo intanna tak tak hmun anih avangin ngaipawimawh a sum tam tak mai an zuk haichhuakte kha a lawmawm tih thu kha ka'n sawi duh a.

Tin, Transport hi a pawimawh angreng khawp mai a, Mizoram hi chuan Transport hi Inland Water Transport te, Railway te, Road Transport te, Air Transport te, a awm a, kan neihchhun pawimawh ber chu road transport hi a ni a, kan budget te hi a tamlo angrengin ka hria a, hmalakna tur hi a lang tam lutuk lova, Work Programme te phei chu engmah hi a langlo ringawt mai a. Tin, Vehicle Tax te nichin khan kan sawi tawh a, ruahmanna an siam kha a tha a, a dik a ni. Amaherawhchu tlemin a pek dan kha a tihdanglam theih lawmni ? tih lai chauh kha a ni a, Vehicle tax hi kan lalut tam tur a ni a, Mizoram hian tax hi kan lalut tlem em em mai a. Anni Department hi chu a va hmangchhuak lam aiin sum laluttu lampang an ni a. Tin, a bikin P.S.V. (Public Service Vehicle) chungchangah hian Aizawl khawpui chung hi han sawi ta bik ila, Taxi kha 741 vel replacement a awm a, replacement hi kei chu ka thlir dan chuan awm sela tha ka ti a, tin a dang pawh hi rawn pek belh sela tun aia tam hi an service tur a ni. Hmanah pawh ka sawi tawh a, Aizawl khawpuiah hian private car leh bike te hi mimal ta a ni a, public service vehicle te hi chu mipui ta a ni, mipui nuai 250000 vel awmnaah hianin private car tam tak a awm a, private bike tam tak a awm a, amaherawhchu taxi te, bus te hi chu mipui chanvo anih avangin a lal pawh an lal deuh tur a ni. Tin, Police-te pawh hian dim deuh sela a thain ka hria. Taxi driver te, Bus driver te an dimlo lutuk hi tlemin ka'n sawisel duh deuh a, kan Minister pawn theitawp chhuahin tan la sela, traffic te nen an thawkho tha a, engkim mai an mawhphur tawna anih avangin, driver te pawh hi training pe tha sela, police te pawh hian polite takin, thawhhopui sela. A chhan chu, mipui conveyance a ni a chu chu kan hriat a pawimawhin ka hria. Tin, Bus-te pawh hi an intlanhhawk hi a tha lova, an intlanhhawk hian Bus te, Taxi te pawh hi pawisa chu an hmu tam, mahse a mamawhtu mipuite hi an

duhna hmun an thlen tha duhlo a, a man to chinah chauh an tlan duh a, taxi hi tun ai hian tam sela hmun tinah an tlan duh dawn a, mipuiin kan chhawr duh dawn a ni. Chutiang zawng chuanin taxi leh Bus permit hi pek belh nghek mai sela a tha zawkin kei ka hria a ni.

Example han sawi lawk ilar, Pu Speaker, Zemabawk atanga lo chhuak saw entirman, Bus No.1 a lo hmasa ber chu Durtlangah chho sela, No. 2 Edentharah, No. 3 Chaltlangah a dawt leh ami Ramhlunah, a dawt leh ami Ramhlun hnuaiiah tite khan Bus route te hi siambelh a ngai a ni. Mipui tana pawimawh a nih avangin. Tin, Kulikawn lama lo kal pawh Khatla lama kal tur te, Maubawk lama kal tur te, Republic Veng lama kal tur te pawh. Tin, Luangmual lama kal tur te pawh sem darh sela, a route hi uluk takin siam sela chu chuan mipui mamawh hi a phuhrukin ka ring a, tun ai hian Bus te pawh hi pek belh sela, a tam thei ang ber hi tlan thei se, a chang chuan route thaah chuan an hlawk ang, route thalo deuhah chuan an hlawklo deuh pawh a ni ang. A tam thei ang leh a daih zau thei ang bera tlan hi mipui tan a ziaawm em em dan a ni.

Tin, Transport hi a pawimawh a, Railway hi kan nei lova, Bairabi to Aizawl ruahmanna a awm a, ka hriatsual loh chuan Pu Speaker Rs.2384 crores (vaibelchhe zahnih sangnih leh sathum leh sawmriat leh pali) a niin ka hria a, hengte hi chak taka hmalak a ni hi a lawmawm hlein ka hria a, hetah hian awlsam te in veivahna kan nei thuaiin a rinawm a. Tin, Pu P.C.Zoram Sangliana demand-ah hian Pu Speaker 3 minutes vel chiah ka la nei a, hun tlem min pek belh la, hei vawiina demand hi sawi tur a tam viau nain ka sawi zo seng chuang lo anga. Work Programme hi sawi ka duh a; kan Budget chu kan hre sa vek tho va, Work Programme Health Services hian an rawn siam ve a, Budget bua a abstract a awm ang kha a rawn tarlang tawp ringawt mai a, hetiang lo deuh hian nichinah khan member zahawmtak khan a rawn sawi tawh a, cheng vaibelchhe sarikh leh nuai sawmnga an nei a, hnathawh tur PHC panga, S.C Building sawmthum, S.C Quarter pasarih a ti a, a hmun leh a hunte leh a estimate kha, a Plan kha tilang sela chuan an Work Programme kha a hriat chian theih deuhin a rinawm a.

Tin, Hospital and Medical Education-ah hi chuan Minor Works-ah nuai 60 chauh an nei a, an siam tha angreng khawp mai a, Civil Hospital upgradation atan chuan nuai 13.96 te, tin, Retaining Wall Saihaah nuai 12 te leh, Retaining Wall Staff Quarter Block 1,2,3 ah hian nuai 7, nuai 9, nuai 8 chho vel an dah a, a vaiin nuai 58.99, nuai 59 ang a dah a, hetiang ang deuh thlap hian siam sela. Health Department rau rauah hian Health Services leh Hospital and Medical Education kha an inang lo a ni, Work Programme kha khati kha chuan MLA te pawhin tupawh in helai ah hian hna kan thawk dawn hma kan la dawn tih kha an hre vek thei dawn a, chutiang ang chuan in helai an sakna tur te hi han tarlang thlap mai sela, han sawi chhuak ilang chuan an khuate an va lawm dawn em. Nichinah khan PHC sakte, kha an dil nak nak a, in khaah kan sa dawn nuai chuti zatin tih kha an hre nghal vek thei dawn a, Work Programme preparation hi tun ai hian uluk deuh sela a thain ka hria. Tin, NRHM fund a ni a, grass root policy hman kha a tha em emin a zuk langin ka hria a. Tin, ICU-te pawh changtlung takin kan nei a, a tha a.

Tin, Health Care chungchangah hianin han sawi lawk ka'n duh chu, Health Care hi Labour and Employment nen in relate tha takin ni sela, work permit neih chin te, tu pawh rawn lut sela work permit emaw in register zawng zawngte kha Health Care hmang hian, tha takin enkawl theih a nih a rinawm a, unskilled, semi-skilled leh skilled labour-te, tin, private-a thawkte private-a thawk lote pawh hian sum lakluh dan Health Care hian ngaihtuah se, ruahmanna fel tak awm sela a tha hlein ka zuk hria a.

Tin, a tawp ber a ni tawh deuh mai ang a, Labour & Employment leh Trade & Commerce a la awm a. Labour & Employment leh Trade & Commerce hi Mizorama Department lian ber pawla awm tur awm hi, a te ber pawlah hian kan dah a, Minister tan pawh a chan chakawm loh khawpin kan dah hi a pawl a. Labour & Employment chuanin (interruption)

**S P E A K E R** : Ngawi lawk rawh aw, kan hun a tawp a, minute hnih khat emaw chu han sawi zo rawh se aw.

**Pu K. LIANTLINGA** : Pu Speaker, ka lawm e. Hetah hianin 70% kan population atangin Labour lam hi chuanin a khawih a ni a. Tin, hei Trade & Commerce lamte pawh sumdawna lam te, kan ei leh bar kawng khawih a ni a. Department tihlen dan hi Planning Department-te pawh hian ngaihtuah sela Plan/Scheme tha tak takte siamin ruahman ta sela a tha lawm ni? tih kha ka'n sawi duh a. Tin, an work programme-ah hianin nuai 244.5 a lang a, amaherawhchu, an budget-ah hian ka hmu lo tlat mai a ka'n en thin a, khawi laiah hian nge ni aw ka ti a, Directorate building sak leh bus 3 lei leh Bolero 1 leina tur a lang a, work programme-ah chuan amaherawhchu, a budget lamah hianin eng nge ni CSS lamah pawh khan a lang chuangin ka hre baw si lova, eng nge ni heti lai hi kan Minister zahawm tak khan nakinah min hrilhfiah theih chuan a tha ang a.

Tin, Lord Krishna IAS Academy kha, Youth Commission chungchang hi sawi ka duh a Pu Speaker, Budget-ah pawh hian nuai 50 chauh an dah a ni. Nuai 50 hi chuanin Mizoram thalai nuai tel tan leh Youth Commission siam tha tur leh ngaihtuahna kalpui tak tak tur chuan a bei tham lutuk deuh a ni. Kei chuan ka thlirnaah hi chuan cheng vaibelchhe 40 emaw 50 emaw dah sela, chu chuanin hna thawk sela, engtin nge kan thalaite kan tirh darh ang, khawiah nge kan zirtir ang a, engtin nge kan tih ang tih zawng zawng hi hetah hian ngaihtuah a ngai a. Tin, Lord Krishna IAS Academy kha internet-a ka en danah chuanin dik tak chuan a din tirh pawh a lang vak lo, tin, an address leh an telephone pawh a mumal vak lo. Tin, tunah hi chuanin kum hnih kum thum chu a lo ni tawh a, tlem chuan a lo in set ve deuh tih ang chauh a ni, a dang zawng zawng Academy-te hi chu dik tak chuanin, chuti zat Central Service an chhuah tawh tih kumtinin record an tilang a, anni hi chuanin tihlan em em an nei lova, chuvang chuan, a lem han tih mai pawh kha kan tawngka, kum 3 vel kal taa kan tawngkam kha, a lo ni ang a, tunah chuan tlem chuanin a ding ve deuh tawh e, tihah chuan ngai ta ila a thain ka hria a. Chuvang chuan he Youth Commission hi niminah pawh ka sawi tawh a, MNF, Congress, MPC, ZNP-in kan sawi huai huai, tlumtea thlir taka kan thlir, a nawr nasa bertu chu MZP-te pawh an ni ve. Amaherawhchu, a ding ringawt a, a piang a mahse, nuai 50-in vawiin thlengin kumtin an la kal ve bek bek a. Kan thalaite exposure pe tak tak tur leh hna zawn leh an hnathawh tur ruahman tak tak a, thil ti tur chuanin ka sawi vek seng lovang a, nuai 50 hi chu a tlem tham lutuk deuhin ka hria a. Awle, Pu Speaker, ka lawm e. Demand Trade & Commerce ka sawi hman lova amaherawhchu, engpawh nise hun a kal thui tawh a, ka lawm e.

**S P E A K E R** : Chuanin Pu Chawngtinthanga em ni kha phar lawk kha.....a a sawi hmasa tur hi ruat lawk kha a tul thin a. Pu Chawngtinthanga kha a phar lawk em kha, a phar lawk chuan kan thut leh hunah khan a sawi hmasa ang,

chuan midang kha chu kan chhinchhiah tho ve. Kan chawl tawh rih ang a, dar 2-ah kan chhunzawm leh dawn nia, i chawl ang u.

**2 : 00 PM.**

**S P E A K E R** : Sawihona kan chhun zawm ang a, kan hun a chep a ni tih kha hria ila. Pu Chawngtinthanga i lo ko ang.

**Pu CHAWNGTINTHANGA** : Pu Speaker ka lawm e. Thui tak ka sawi lo vang, hun a chep bawk a. Kan Minister-te hnathawh han fak chiam pawh a ngai hranpa lo va, kan hre chiang em em a. Thil tih tur leh tur lo chu an hre chiang em em a. Amaherawhchu, keimahni lam mamawhte han thlenna remchangah han hman ka tum a.

A hmasain Demand No. 18-na Printing and Stationery hi kan Minister chak takin hma a lakna hi a ngaihsanawm hlein ka hria. Ministry hmasa lai khan an buai hle thin a, Printing and Stationery kha Sorkar Revenue siamna tur nia ngai khan kan Member thenkhatten an lo sawi tawh ang khan, dawrtu Sorkar Department atang pawh hian a hmu meuh lo, chuvangin siam that a ngai hle a ni tih hriatna nen hna an han thawk chho va, tunah hian Printing Press tha deuh mai kan han nei thar tawh a, a lawmawm hlein ka hria a. Hei hi Revenue siamna tur pawimawh tak a ni tih hriain kan Minister hmalakna hi a ngaihsanawm hlein ka hria a, he demand hi ka han support a.

Tin, Art and Culture Demand No. 23 hi kan hriat theuh angin Department te reuhte, mi hriat loh nia lang kha, tun hnuah hian kan Minister chak takin min han enkawl hnuah hian Zofate khawvel hriata min pho chhuaktu Department ropui tak a lo ni hi hlawhtlinna nasa tak a ni tih kan hria. Tunah pawh hian cultural heritage lam hi kan uar chho zel a, Lunglei lamahte pawh Cultural Heritage Complex buatsaih tura hma an la zelte hi a ropui a. Tin, kan Minister hnenah hian mimal takin lawmthu sawi ka duh a, ka bialah Khanpui khuaah Library turte min sak sak a, a demand hi ka han support bawk a ni.

A dawl lehah chuan, Demand No. 44-na Transport hi a pawimawh em em mai a, Transport-ah hian kan ram hi kan nung a ni a, kan nunna hnar a ni tih kan hre theuh mai. Work Programme kan en khan Bus pahnih leina te, DTO Office, Lawngtlai sakna te, Central Workshop Hlimena mi siam thatna turte leh Bus Station hrang hrang chei thatna turte kan hmu a, a tulin tihtur dik tak an ti niin ka hria a. Tin, Inland Water Transport hi a pawimawh em em a ni tih kan hria a, kan ram chhungah hian. Kan Minister hian chak takin hma a la a, kan hriat theuh angin Tlawngluiah khuan Inland Water Transport buatsaihin nasa takin hma a la zel a ni tih pawh kan hmu. Tuna Work Programme-ah pawh khan Tuirial luia Inland Water Transport siamnan DPR buatsaih mek a ni tih an sawite hi a lawmawm hlein ka hria a. Hemi kan han sawi hian ka rilrua han lang chu, tun hmian Darlawn tlangdung te, Suangpuilawn tlangdung te, khitah Khawdungsei lam pang thleng khian kan chiseh lakna leh kan vai dawrna hmun ber chu 'Tuivawl chhuah' kan tih thin a ni a. Khutah Silchar atanga lokal chhoin Tuivaiah, Tuivawl chhuahah chiseh kan la thin a. Chutiang chuan thalah chuan kan hmang tangkai thin a ni. Tun hnuah hian a harsa ta a, Aizawl atanga han lak kaw a, thil man to taka lei a ngai tawh thin a, tun hnuah hian Inland Water Transport Programme atang hian theihtawpin kan Minister hian tan min lak sak ta se, Suangpuilawn tlangdungte, khilai hmun kilkhawra awm, Phuaibuang tlangdung te, Phullen chhehelte tan khian awlsamna nasa tak mai min thlen mai awm mang e, tih kha ka han sawi duh a. A rilruah min hriat sak se tih kha ka han ngen a ni e.



Tin, a dawt lehah chuan Medical and Health services Demand No 24-na kha han sawi chhoh tum ta ila a thain ka ring a. He Demand hi Work programme an han sawiah khan Construction of PHE 5, S.E 30, S.E Quarter 7 a ti a, Hospital leh quarters renovation te kha items 5 ngawt mai kha details deuhin an rawn siam bawk a, an siamtha hlein ka hria. Ka han sawi duh tak chu Health Minister hi mi viak tha, mi chak tak mai leh ngaihtuahna fing var, thluak tha tak a ni a. Helaia alo lang piah lamah pawh hian eng tin tin emaw NRHM te nena combined-in min tuam sak leh thei ngei ang tiin beiseina sang tak kan nei nghe nghe a ni. Ka bial chhunga khaw hrang hrangah khian PHE ah te, Sub-centre-ah te harsatna kan nei nual a. Sesawngah khian Health Sub-Centre kan nei a, In 800 zet kan ni nghe nghe a, Population khi 4700 vel kan ni. Chutah chuan Health Sub-Centre pakhat kan nei a, thawktu kan nei mumal lo, Nurse pakhat kan nei tlawng ringawt a, chowkider kan nei lova a. Tin, englai pawhin damlo pantu khi an awm ve reng mai si a, tih changtlun ava han ngai em. A building-te khi min sak that saka, chubakah Quarter min sak sak ngei turin kan han ngen a. Kan duhthusam phei chuan PHC hi min pe se, a hmun leh a population pawh khian a zo si a, kan han dil nghe nghe a ni. Tin, Khawruhlian PHC khi a pawimawh khawp mai a. Central lampang atanga monitoring committee te leh miliante an han kal chang pawha khilai khi an han tlawh fo leh an en fo a ni nghe nghe a. Tunah khian IV Grade pathum chauh kan nei a. An hnathawh dan khi 24 hrs X 7, karkhata ni 7 chhunga thawk ngar ngar ni 7 chhunga thawk an ni a, englai pawhin damlo an nei reng nghe nghe a. Chuvang chuan IV Grade 4 tal nei turin kan han ngen nghe nghe a, chutilo chuan thawktute tan khian thawh ngaihna a awmlo em em a ni.

Tin, Sub-Centre building khi khilai PHC building bulah khian YMA in building an nei a, chu chu Sub-Centre atan YMA Khualbuk khi kan ring ringawt mai a ni a. A pawh khawp mai a remchang lova, a hmun tur pawh V.C atangin theihtawp chhuahin kan beia, kan hmu tawh nghe nghe a ni. Chuvangin min sak sak ngei turin kan duh a, kan ngen che u a. Tin, x-ray kan neilo a, Technician kan nei lo a, Ophthalmic Assistant kan neilo a, tin, Hospital fencing compound khi a pawimawh em em bawk a ni. Staff Quarters-te kan Minister pawh hian min hriatpui turin kan han ngen a, tin, Suangpuilawnah khian PHC building hi sak thar leh quarter hi pathum chhe zet mai a awm tawh a, khing te pawh khi rilruah min han neih sak selangin ka'n ti a, ka han ngen bawk a.

A dawt lehah chuan Phuaibuangah khian PHC centre tha deuh mai building min siam sak avangin a hnenah lawmthu ka'n sawi a. Amaherawhchu, Health Sub-Centre PHC building a bet reng lo khian khawchhungah mipuite tana awlsam zawka an pan theihna turin min sak kan han ngen bawk a. Tin, staff quarter 2 tal min han pek belh turin kan han ngen bawk nghe nghe a ni e.

A dawt lehah chuan Labour & Employment chungchang hi RSBY an tih hi kan hmang tangkai em em mai a, tunhmaa kan hriat ngai lem loh, tih nachang pawh a hmasa lamah khan kan hriat loh hi Health Care atan hian tangkai takin an rawn hmang nghe nghe a ni a. Helaia kan han hriat ang hian Medical nena inzawm tak hi alo ni a. Mizoram chuan North Eastern State zinga RSBY Scheme kalpui tha ber nihna ni 9.4.2012 khan Ministry of Labour & Employment, Government of India hnen atangin a dawng an ti a, a lawmawm takzet a ni. Trade & Commerce hi a ropui khawp mai tunah hian Zorinpuiah Land Custom Station sak mek a ni a. Tin, Land Custom Station Zokhawthar-ah peih fel vek, hawn mai tur a ni a, Tlabung-ah Indo-Bangla Border Trade atan engkim a hmunte pawh siam vek a ni tawh a, a hmun hi pek fel a ni tawh a. Tin, India Sorkar-ah hei hi report niin DPR pawh peihfel a ni vek tawh nghe nghe a ni. Chuvangin, Trade &

comer pawh hi a fakawmin a ropui hlein ka hria a, heng kan Minister Demand 2 te hi ka support a ni tih ka rawn sawi e, ka lawm e.

**S P E A K E R** : Tunah chuan Pu T.T. Zothansanga, a dawtah Pu C. Ramhluna a ni ang.

**Pu T.T. ZOTHANSANGA** : Pu Speaker, ka lawm e. Demand No. 42-ah khan ka'n tan ang a. Hei, Mizoramah hian Transport Bus 42 kan nei a. Tin, JNNURM-ah khan engemaw zat kan nei bawk niin ka hria a, tlem lai deuh khanin Champhai District-ah Transport Bus kan chan miahlo laite kha an awm chho va, tunah hian kan mamawh khawp mai a, thingtlang lama kan Bus te hi kan tlantir dan hi mumal deuh zawk hi a awm thei em tih kha ka rilruah a awm a. Tunah khian Champhai khianin Transport Bus kan nei lova, night bus-ah tawt lutukin kan kal kan kal mai a, Champhai Bus kan sawi hi chuan accident kan neih fona chhan pawh hi a ni em aw ka ti hial a, hmannah pawh kan han accident leh kha a ni a. Farkawn Bus leh Hnahlan Bus karkhata vawihnih ve ve kal, khimi lo chang ngawt thin tawh lo khian Champhai-ah khian Bus Station kan neihnaah khian Bus min hun sak ve kha kan duh khawp mai a, kha kha kan Minister-in min lo hriatpui se ka duh a.

Tin, JNNURM-ah hianin khawpui bik tana Bus lokal hi Champhai pawn kan avail ve thei a, tunah hian Aizawl leh Lunglei-ah kan dah fai vek mai a. Champhai-ah chuan kan D.C. Office khi Km 5 zeta hla a ni a, khi khi mimalin Taxi te leh a awm ang ang khian an kal a ni mai a, khimi kan mamawh lutuk mai khi kan Minister hianin tunah min pe nghal theilo anih pawhin he Bus lokal leh tur atang hi chuan min rawn provide ve ngei kha kan beisei tlat a ni tih kha ka'n sawi duh a. Thingtlang mite hi min ngaihsaklo em aw tih hi a nawlpuih hian rilruah hian a awm lek lek fo mai a, helai hi rawn hrutruah hram sela ka'n duh a ni.

Tin, D.T.O. kan neih lohna khi a rei lutuk tawh, Revenue kan han zawt a, Transport atanga Revenue rawn lutuk kha, Champhai a hniam ber, engatinge kan tih chuan D.T.O. kan neih loh vang a ni a, Staff-te pawh an inthlahdah a, hotu mumal neih loh chuan mi kan lo darhsarh a, chuvangin tunhmaa tax kan lo lak thatna ni si kan lo hniam ta lutuk kha helaiah Sorkar lamin a D.T.O. mumal min pek loh vangte pawh a ni thei em tih kha rilru ngaihtuahnaah a rawn awm a. Chutih rualin a building fencing han hungte leh han cheithatte pawh khi a ngai khawp mai a, kan sorkar hmasaah khanin goat proof wire kha a lei teuh mai a Transport atang hian, khangte kha alo la awm mial em tih te kha ka rilruah a'n awm tel a ni.

Tin, Taxi 360 ngawt mai replacement han tih pawh kha ka rilruah chuanin a thalo em aw, ka ti a. Kan tawt a, kan pe thar lo kan tih rau rau kha chuanin ngaihtuahna thuk zawka kan tih kha a thain ka hria a. Chutih rualin Pu Speaker, ZRT kan tih te, ZRM leh Motor hlui lutuk number kan nei fo mai pawh hi tlema siamrem dan awm deuh se chu thain ka ring a. MZ-O1-A,B,C, angin kan kal tawh a ZRT te leh ZRM te a la awm fo hi chu engtin emaw siamthat dan kawng kha mumal tak hian awm sela, kha kha kan that phah angem aw kan ti a, kha kha Transport bikah chuan ka'n sawi duh ni sela.

Tin, Demand No. 18-na Printing & Stationery-ah hian Pu Speaker, Champhai-ah hian Printing & Stationery hi Mizoram-ah kan nei a ni, Department a awm a ni, tihnun ve nan a Office kan nei ve a, Staff pawh kan nei ve a, mahse hei

hi min hnuhthlak sak leh an tum niin ka hria a, hei hi hnukthla lul suh se kan ti a ni.

Tin, Demand No. 24-na Health Department-ah khan Pu Speaker, Drugs & Cosmetic Rules, 1945 hi Drugs & Cosmetic Act, 1940 atanga an rawn siamchhuah a ni a. Hei an licence han tih dan hi ka rilruah tlema rawn sawi chhuah duhna ka nei a. An tih dawn hianin helaia a rawn ziahnaah hian chuan Registered Pharmacist a nih loh pawhin Matric, kum 4 lai damdawi lama lo inhnamhnawih tawh a nih loh pawhin Degree, 1 year experiencing in dealing with drugs a rawn ti kher a. Tuna Mizorama kan kal danah hian kan Pharmacist te hi kan dawrte sawn 2000, 3000, 4000, 5000 te in an ruai chho vek niin ka hria a. Khatianga licence kan pek ngam tawh a nih rau rau kha chuan khami Pharmacist te tel lo khan tih theih dan kawng hi a awm lo'm ni? Anni hi a hmingin an ti ringawt a, pawisa an pe a, dawrah an va en kual ngai pawh a ni si lova. An tan extra expenditure kha kan va siam sak kha a ni ringawt mai a ni. Tin, chutih rualin thingtlang lamah chuan khatianga Pharmacist han rawih tur kan hre si lova. Licence kan cancel sak kan cancel sak mai lehngal a. Chumi avang chuan zokhuate hi helai atangin kan roelna atang hianin a dik tak chuanin an right kha kan deprive ve a ni. An tan chuan Pharmacist rawih tur an awm lo reng reng, an hmu lo. Khami avanga an Drug Licence an cancel sak fo thin hi tha lovin ka hria a. Tin, chutih rualin kan la tibo thei lova, an la engage chho dawn a nih pawhin an fee hi mumal takin sorkar hian ruahman sak se ka duh a. Rs.3000 atangin Rs.4000, Rs.5000, engmah an thawk chuang lova. An hming liau liau khan an thehluat kha a ni mai a. Khami avanga thlatin Rs.4000, Rs.5000 demand ringawt mai chi ang te pawh kha a fair lovin ka hria a, ka rilruah a'n awm a.

Tin, chutih rualin Aizawlah hian Drug Licence nei hi mi 700 chuang zet an awm tawh niin ka hria a. Tin, a dawr hawng tak tak chu mi 300 chuang vel an awm niin ka hria a. Drug Licence kan issue danah pawh hian ngaihtuahna mumal deuh neih a, control theih dan kawngte pawh hi a awm lo'm ni? tih te kha ka'n sawi duh a ni. A nihna takah chuan hemi kan Pharmacist kan han hman dan hi tunhma Pu Vaivenga hunah khan a ni a. Khami kan Pharmacist retire tawh ho si khanin, 'e khai, eizawna mumal kan nei si lova, ka pu, keini tal hi annin min dawr ve loh chuan kan hming tal te hian damdawi te hi enkawl sela a tha ang,' an ti a. Pu Vaivenga khan, 'chuti a nih chuan kan sign mai ang chu,' tiin a sign kha a ni a. Chuta tanga he Pharmacist hi dawr neite hian an la enkawl chho zar zar mai kha a lo ni a. Khalai kha tlema ngaihtuahna han hman leh kha thain ka hria a. Thingtlang lamah Drug Pharmacist ang kha kan hmu pha ve mang si lova. Khami avanga min tihtawp sak fo si kha chuan National Rural Health Mission pawh hi a fail phah ang tih te pawh kha hlauhawm ve tak a ni tih ka'n sawi duh a.

Tin, Pu Speaker, Sub Centre hi Mizoramah 70 kan nei a, 61 zet khanin Health Worker 2 an nei lo tih kha a ni ta a. 61 lek Mizoramah a nih chuan kan bial khi a nei lo nasa ber pawl kan ni mai awm mang e aw, ka ti a. Mahse a chipchiarin ka sawi lo ang a. Kan Minister-in min lo enzui se a thain ka'n ring a. Kan bial chhunga khaw lian ve ber pawla kan ngaih Rabung khianin Doctor hi hei kan sorkar atang hian kan la hmu lo hrim hrim mai a. A hma atang pawhin a ni. A hma atangin Doctor Quarters khi kel leh bawng vel an chawl tawh hrim hrim, kha kha tun thleng khian ngaihsak loh a la ni a. Khi khi min rawn ngaihsak hram hram rawh se tiin ka'n sawi duh a. A chhan chu mihring ve tho kan ni a, a aia khaw te, doctor nei an tam mai. Khami avang khan min rawn ngaihsak deuh hram teh u, ka'n ti a.

Tin, kan khaw hrang hrang Health Clinic mamawhna kan ngah lutuk. Murlen, Lungphunlian, Diltlang, Pamchung kan han tih ang te pawh hi kan mamawh ngawih ngawih

a. Tin, tunah hian kan Health worker, Selamat ami sawn chhuah tawh si, a kal tawh si, a rawn awm tur awm leh si lo, chulai velah chuan harsatna kan nei a. Kar hnih vel vaccine pawh la thei lovin an awm a. CMO te kan phone a, lo va kal hram rawh u, kan ti tawp mai a ni. Kan khua khi a kil si a, Burma hrut vek mai khi kan ni a. Khalaiah khan attention min pek kha rual leh zual deuh se ka'n duh a ni.

Tin, Pu Speaker, Champhai khi Pu Laldengan khawpui hmel in pu, a tih kha a ni a. Khawpui ve taka inngai kan ni a. Doctor hi kan nei thalo thei lutuk mai a. Thihna tlak pawh khi a ni lo. Aizawlah hian kan lo kal a, damlo tak takin ti hian kan lo kal a, kan haw chho a, kan thi kan thi mai a ni. Chuvang chuan han belhtlak ve deuh hian min han thuan ve hram teh u. Specialist hi kan nei chhe lutuk. Khalai kha ka'n sawi leh duh a. Tin, thingtlang ho hi kan khawngaihthlak leh zual a, hetiangah hian. Keimahni hmingin National Rural Health Mission hmingin Central-ah sum tam deuh kan zuk la thin a. Khami kha thingtlang atana hmang lova khawpuia lo hman ang chi te kha kan lo la nei palh ang tih kha ka hlau khawp mai a. Kan sorkar hmasaah khan hei kan chhutna maiah chuan vaibelchhe 1 leh nuai 4 tih angrenge kha, National Rural Health Mission ami kha Aizawl khawpui chhung mamawh lei nan khan an lo hmang a, hei hi CAG Report atanga ka dawn a ni a, chu chu ka rilru a awm tak zawka chu thingtlang mite hming hian thil hi kan zuk la teuh teuh anga, thingtlangah sem leh si lo hian khawpuiah hian hei hi a remchang zawk i ti phawt mai ang, "hei hi a remchang zawk" ti ringawt a kan lo tih kha kan hlau a, chutihlai chuan khi lamah, thingtlang ho kan rum reng mai si a, min ngaihsak leh zual kha ka'n duh bawk a ni.

Tin, Pu Speaker Trade & Commerce, kan Demand 44-naah khanin Unstarred Question-ah khanin question 14-naah ka rawn zawt a. Border Trade item kan lakluh theih leh thawnchhuah theih te item kha eng te nge ni tiin ka rawn zawt a. A item kha a number-in min rawn hrilh a, item 22 a tirah a ni a, item 18-ah a pung chhova, a vaiin item 40 a ni tiin min chhang a. Khami a item kan thawnchhuah theih leh kan lakluh theih Burma atanga kan lakluh theih ang chi a item number a kha, a number nilovin a item kha ka zawh a ni a, kha kha min chhang fuh lo deuhhle k a, kan Assembly chhung hian kan Minister zahawm takin min pe leh thei sela ka duh khawp mai a, kha kha ka'n sawi leh duh a.

Tin, Pu Speaker, Zokhawthar, ka hma ami Member zahawm tak Pu Chawnga khan a rawn sawi a, Zokhawthar tih te, Zorinpui tih te theihtawpin sorkarin tan an la chho mek zela, amaherawhchu, kan beisei ai hianin beiseina hi kan insiam rei deuh hlek hianin ka hria a, kan hawng har lutuk hi ka mang a ang tawh a ni. Sumdawn kan chak ve tawh si a, kan sorkar hma daih atang khan a ri ring tawh lutuk a, tun thleng hianin "ka siam ang che" tih ang vel hi kan la dawn a ni mai a. Chuvang chuan khi khi hawn hma theih dan leh engemaw kawng min zawn sak ka duh a. Tin, chutih rualin Burma atangin eng eng emaw te kan rawn la thla ve thin a, Seling Check Gate-ah sawnin an lo la ve tawp thin a receipt pakhatmah pe silovin, kan Minister-te pawh hian min lo en sak ve selangin a thain ka ring a. Sawlaihah receipt neih silova thil an lo chhuh an lo chhuh ve ringawt saw Central pawh nise Dan a nih loh chuanin dan anga buaipui ve mai turah ka ngai a, chu chu kan sawilang leh hram duh a.

A tawp berah chuan Art & Culture hmunah hian khawchhak khi a hmunpui deuh a ni kan han inti thin a, mizo hmun pawimawh tam tak awmna hmun a ni a, chumi anih avang chuan ngaihpawimawh nih te pawh hi kan inbeisei ve deuh

thin a. Amaherawhchu, kan hnam hminga kan han intirh chhuah leh engemaw nikhua hianin khawchhak lam thlan kan ni ve ngai lo hi pawl kan ti khawp mai a, hei hi kan Minister pawh hian min lo hriatsak ve kan duh a.

A tawp berah chuan Pu Speaker, helai kan Demand kan en kan en hian medical expenses hi a tam hlawm riau mai a, kan hnam hi kan lo va hrisel lo hlawm em em ve mawle tih ka ngaihtuahnaah a awm a ni. Medical expenses hi a tam deuh vek mai a ni, khami avang khanin hriselna hi a pawimawh a kan Minister a tan lehzuah hi a ngai hlein ka hria a. Eng Department-ah pawh hianin kan medical expenses hi a tam tlangpui a, engpawhnisela hei an rawn Demand hi a awm ka ti a, a genuine ka ti a lawm takin ka support a ni, ka lawm e.

**S P E A K E R** : Pu C. Ramhluna.

**Pu C. RAMHLUNA:** Pu Speaker ka lawm e. A hmasa bera ka sawi duh chu nichina hei ka bula thuin lawmthu a sawi ang khan Bulletin Part-II-a MLA-ten kan hman tur atan, ruang phurh nana Bus min han ngaihtuah sak hi lawmawm ka ti khawp mai a. Keiniho hi kan awmna te a hla a, mitthi an awm changing insenso a sang duh viau a, churang chuan tiang anga remchang taka ruang phurhna tur Bus min han ngaihtuah sak hi kan lawm hle a, chu chu lawmthu ka'n sawi ve duh a ni e.

A hmasa bera ka'n sawi duh chu Demand No. 42 kha a ni a. Demand No. 42 Transport-ah khan hei kan hriat angin allocation hi nikum ai khan nuai 61.7 in a tlem duak mai a, hei hi a pawl ka ti khawp a. A chhan leh a vang chu Department-te'n an hria anga. Ka'n sawi hmasak ber duh chu hetah hian DTO Office Lawngtlaiah sak tum a ni ve a, chu chu work schedule-ah khan ka'n en a nuai 3 chauh kha dah a ni a nikum khan Mamitah khan nuai 10 leh sing 5 khan a sa tawh a, Lawngtlai anih tak avanga nuai 3 chauh a DTO Office sak han tum kha eng building nge sak in tum aw ka hre lova. Lehlahmah chuan District neitute kan nihna laiah a zah pawh a zahthlak deuh rum rumin ka hria a, helai hi min tihpun sak thei deuh lawm ni tih kha ka'n ngen duh che a ni e.

Tin, chubakah chuan ka'n sawi leh duh chu, ni e nichina an sawi tak ang khan kan bialte lam atangin Auto Rickshaw permit te, Taxi permit te kan dil ve thin a, khanghote kha min lo ngaihtuah sak thin a, kan lawm khawp mai tih ka'n sawi duh a. Tin, chubakah chuan Inland Water Transport-ah khan Tuichawng dung saw min ngaihpawimawh sak ka duh a, hmanni khan ka va zin a, lawng kal theih chin kha a thui lo khawp mai a, churang chuan awlsam te a tih theih niin ka hria a, kha kha Minister-in min lo chhinchhiah sak turin ka han ngen duh bawka ni.

Tin Demand No.23 Art & Culture-ah kha chuan sawi tur a tam viau na a mahse ka han sawilan duh chu Plan Allocation kha cheng nuai 201.56 a a tlem tlat mai kha. Hei hi chu Department pakhat tan chuan an tuar lutuk deuhin ka hria a, khami kha sorkar hian ennawn leh se thain ka hria a. A chhan chu thingtlang bialtu MLA te chuan hemi atang hian thil tam tak kan beisei a, hei hi a tihpun theih deuh lawm ni tih ka'n sawi duh a.

Tin Demand No. 18. Printing & Stationery-ah khan Plan Allocation kha nuai 75 ngawta a'n tlatla leh kha Minister pakhat Department 3 chana a vai mai a Plan Allocation hniam ta em em mai kha, lehlahmah chuan Minister concerned pawh hian hrehawm a tih ve

deuh chu ka ring a, churang chuan hei hi RBE level-ah te khan ennawn sak leh nise thain ka hria. A chhan chu kumin ah NLUP-ah crore 370 lai kha in dah tawh a, khangte pawh kha enge maw tia han review leh theih lawm ni tih kha ka rilruah a awm a, chu chu ka'n din chhuahpui a ni e.

Tin, Demand No. 24 kha Health Services Hospital & Medical Education kha. A hmasa bera ka'n sawi duh chu Pu Speaker, Health Care Scheme hi Session hmasaah khan kan zawt a, hei aia changtlung deuh hleka kalpui tumna a awm em tih kha a ni a, mahse a chhannaah chuan kalpui tumna a awm chuang lo tih kha a ni a. Bial lama harsatna kan tawh ka'n sawi duh a, nikumah khan ka biala mite chuan Health Care scheme hi kan hmang lo tluk a ni a, a chhan chu Smart Card te kha in lo require a, Smart Card ti turin thlalak te a lo ngai a, thlalatu in lo appoint a, thlalatu (appointee) a kha a zuk kal thla a, engemaw zat a lak hnuah a laptop chawp khan tuiah a tithla a, a thlalak chawp khan a chhia. Tichuan CMO pawh khan midang a tir ta silova thlalak nei lo khan an awm a, Smart Card kha produce theih a ni ta lova, a tu te mah khan ka bial chhungah chuan an hmangt thei ta lova. Tin, chu bakah awareness kha an nei tlem hrim hrim mai a, an hre lova, Sub-Centre a tlem bawk si a, churang chuan hei hi kan ti leh dawn a nih chuan a hmalam deuha inhriattira kan mipuite pawh lo aware tir deuh hlek a, thlalakte pawh lo nei ve thlipthlep sela, tichuan Smart Card te pawh an lo nei ve thei ang a tih kha ka rilruah a awm a. Chu chu waviinah hian kan Minister zahawm tak hian min lo ngaihpawimawh sak sela thain ka hria. Tin han nei chhun te pawh khan Health scheme a RSBY Scheme atanga Health Scheme-a an han luh dawn khan pawisa kha an mahnia pek a ngai ta si, an buai ta em em a, an neih ang ang kha an han pe a, chu chu a reimbursement kha an pe tlai leh si a, waviin thleng khan pek loh tam tak an la awm a, chu chu harsatna kan neih a ni a, min lo hriatsak turin ka han duh a ni.

Tin, kan Minister zahawm tak hnena lawmthu ka sawi duh chu, Sub-Centre tam tak min sak sak a, nikum chung khan election-a a promise te a tihlawhtling ve niin ka hria a, ka lawm khawp a, nimahse thil pakhat ka sawi duh chu hmannah Hruitezawlah ka zuk kal a Sub centre an sak ka zuk hmu a, an buiding sak te pawh ka zuk en a, zuk hmu ve leh sela ka duh khawp mai a. Hruitezawl a nih tawh nakalai a khutiang building han sak khu a chhiat leh a that chu ka sawi duh miah lova waviinah hian , pawisa an pe vek tawh bawk si a, Health Worker han dah chiah sela awmna tlak a ni a ngem aw! tih ka ngaihtuah a. An han sa zo ta cheng a tute mah kha waviinah hian post a la awm ta chuanglo lehngal a. Waviinah hian Hruitezawlah te, Hmunnuamah te, Mautlangah te, Vathuampuiah te, Karluiah te Health Worker kan nei lo fur mai kha a ni a. Tin, a awmsa pawh ka sawi a, hmanni pawn Minister ka hrilh nghe nghe a. Diltlanga male Health Worker awm sa pawh min transfer sak a. In transfer dawn anih pawhin ka bialchhungah hmunruak a tam si a. Min transfer sak lo hram teh u ka ti a, mahse a hla thei ang berah min dahsak kha, engpawhnise, kan Minister zahawm tak hianin, 'kan lo en leh ange', atih kha rilru tha tak a puin ka hria a. Min han en leh sak thei turin waviinah hian ka han sawi duh bawk a ni.

Tin, Pu Speaker, ka'n sawi duh chu Health Worker chungchang thu hi ANM ho hi ka'n sawi duh a. Kum 1999 khan mi 60 lai mai kha appointment pek kha a ni a, hei appointment list pawh kha ka nei a. Hengho hi waviin thleng hian regularise loh kha an la ni reng mai a. A tir taka Government of India-in an hlawh hi a han approve sak kha chu Rs.12,465 kha niin ka hria a. Nimahse, a hnuah khan Government of India bawk khanin a han revise leh ta a, a revision kha a rawn tichhuak leh ta a. Khatiang diak diak kha chu a nilo leh ta deuh hlek a, tlem in a titem ta a. Chu chu a hnuah khan Gov't. of Mizoram khanin a hranpa khanin an hlawh kha an siamtha veleh ta a. Normal Posting Place an siam a, tin, chubakah chuanin difficult area an siam a, tin, very difficult area an siam ta a. Khangho kha Rs.8000

normal-ah, Rs.8500–difficult, tin, very difficult-ah khan Rs.9000 a ni ta a. Tichuan, an hlawh cut sakin India-in pek tura a tih kha an pha talo em em mai a. Chubakah chuanin, relaxation in the form of recruitment of teachers kha P.M.O office atang khan a awm a 2005 ah khan. Heng department-ah leh Education department-ah chuan post creation band kha a awm velo a ni e an ti a. Chuvangchuan, henghote contract-a thawkho regularise tur hianin post hi siamtheih a ni tlat a ni, Government of India tih danah kha chuan. Tunah hianin male post hi 138 a ruak a, male post hi 135 a ruak a. Tichuan, tunah hian 273 post kha an thihsan leh promotion post kha a awm ta a ni. Hengho post against hian tuna contract a kan rawih ho hi an dah thei dawn niin ka hria a. Hei hi khawngaih takin kan Home Minister zahawm tak leh chak tak hianin hma min lo laksak sela a tha hlein ka hria a, chu chu ka'n sawi duh a.

Tin, Pu Speaker, ka'n sawi leh duh chu Homeopathic Doctor ho hi duh angin treatment kan pe tawklo niin ka hria a, hei hi a pawl ka ti a. Ayush hrim hrim hi hei kan hria a, Ayurveda, Yoga, Natural allopathy(?) Udanisida and Homeopathy tih kha a ni a. Tunah hian Homeopathy Doctor hi 21 rawih lai kan nei a. 20 kha contract a ni a, 1 kha chu regular-a dah tawh a ni a. Tichuan, Government of India hianin hemi atan hian Separate Department lo siam ru tih hi vawi tam tak a rawn ziak tawh a. 2006 ah te, 2008 ah te, 2009-ah te, 2009-ah pheih chuan vawi 2/3 lai kha a rawn ziak. Tichuan, Director General Ayush lo dah ula, chu chu officer dang an awm rih loh chuan IFS Officer te pawh lo hmang rawh u tih kha a ni a. Chuvangchuanin, a hranpa a hei Health Services-ah hian stream line an tum avang khan hetiang hian Government of India khan nasa takin State sorkar-ho kha a rawn request kha a ni a. Pu Speaker, minute 1 lawk, tichuanin Mizoram sorkar pawhin initiative kha chu in la ve teh meuh va, kan hria a. Ni 26.2.2009-ah khan Minister hoa meeting neihnaah khan a hranpa a Directorate siamturah khan decision chu siam tawh a ni a, Minute-ah pawh khan a lang a. Tin, chubakah chuan, 10 post of Medical Officer Ayush kha siam tura tih kha a ni a. Hei pheih hi chu in siam tawh niin ka hria a, MPSC-ah pawh khan in thawn tawh nghe nghe kha a ni a chu chu. Tin, chubakah chuan 15 post of M.O., Ayush kha siambelh tura tih kha a ni a. He dinhmun hi kan hre talo kha a ni a. Hei hi Pu Speaker, ka han sawi duh chu Government of India-in a ngaih pawimawh em avangin tunah hian Thenzawlah hian Nuai 367 leh sing 5 lai sengin Hospital kha sak an rawn tum a. Chumi atan chuanin State Meeting Share pawh kha kumina budgetah hian Nuai 135 kha dah kha a ni nghe nghe a. Tin, a foundation stone pawh hi phun a ni tawh a, Chief Minister zahawm tak khanin January ni 4, 2012 khan approved tawh kha a ni a. Tin, a draft cabinet memorandum pawh hi separate Directorate siam tur khan tih tawh kha a ni nghe nghe a. Hei hi kan Minister zahawm tak leh chak tak hianin Ayush hi Department hrana siam turin tan la thuai thuai se a thain ka hria a. Chu mi a nih em loh pawhin tunah hian Directorate hranpa a siam a nih hma pawhin a Wing hranpain dah ve ni phawt ta se. Tikhan, anni pawh an function thei ang a. Tin, kan nula tlangvalte tunah hian zir lai tamtak an awm a. Tunah hian Doctor zirchhuak pawh kha 10 an awm tawh a nih kha, 21 bakah khan. Chuvang chuan, anni hi career an tling ve tlat a. Kan Minister zahawm tak hian tan la turin ka han ngenin ka han sawm duh a ni. Ka lawm e.

**S P E A K E R** : Tunah Pu Nirupam Chakma i lo ko ang.

**Pu NIRUPAM CHAKMA** : Pu Speaker, hun min pek avangin ka lawm e. Tawnglam ka harsat si a, chuvangin, minute 5 min pek belh la a tha ang. Pu Speaker, a hmasa berin ka sawi duh chu Demand No. 28, Labour & Employment hi a ni a. A Department hi major Department-ah promote a hun tawhin ka hria a. Kan hriat theuh angin unemployment problem hi kan Finance Minister zahawm tak speech-ah pawh 10,000 vacant post kan nei chungin, pawisa harsat thute kan hre tawh a. Chuvangin, kan fill up thei lova, mahse, 10,000

post fill up chu kan sorkarin a tum hle a, hun remchanga fill up turin ngaihtuahna hman a ni mekin ka hria a, a lawmawm hle a ni.

Tin, vacant post kha chu fill up ni ngei se ka duh a, tunah mamawh lo mah ila, nakinah kan la mamawh zel dawn a. Ka'n sawi duh pakhat chu Labour & Employment hi state dangah pawh a pawimawh ber te zing ami a ni a, major Department a ni. Chuvangin, kan Budget provision dah danah pawh nakumah chuan tam deuh dah thei ila. An business khawih te chu a pawimawh viau a ni. Employment Service-ah te, Labour Welfare-ah te, Craftsmen Training chungchangah te. Employment Service-ah chuan Scope, Function and Responsibilities, registration of job seekers, submission of name of job seekers against notified vacancy requiring follow up option providing vocational guidance to the job seekers through individual counseling, group guidance, preparation and dissemination of career literature, collection and compilation of statistical data quarterly, half yearly, yearly and conducting biennial occupational survey, conducting mobile registration to remote areas tih a ni a. Nichina Pu Piana sawi ang khan hmun dangah pawh ti zel sela a tha ang. 'Delivering lectures by visiting High Schools, Colleges to prepare the out-going student how to face the world of competition, to motivate employment seekers to take up self employment rather than Government employment in view of the amounting unemployment problem' tih te a ni a. Chutianga hna thawk tur chuan Employment Exchange Aizawlah te, Lungleiah te, Saihaah te Champhaiah te, tin, Sub-Division 3-ah Chawngteah te, Lawngtlaiah te, Kolasibah te kan sorkarin a dah a. Chawngte ami saw han sawi ta ila, a rei tawh a, a function mumal baw si lova. MNF sorkar hma a Congress sorkar lai kha chuan a function a ni. Congress sorkar a tawp a, MNF a lo sorkar a, a function leh a tun thlengin a function mumal lo a ni. He Employment Exchange hi tun thleng chuan a hming chuanin kan dah a, thawktu pawh a awm lo, official awm mai thei mahse Chawngteah kan hmu lo. Hei hi Minister zahawm takin a rang thei ang berin verification la sela ka duh a. Tin, function leh sela, nichina ka chhiar chhuah ang khan eng emaw tal programme nei sela, a bik takin unemployment chungchangah. Aizawl chu sawi loh thingtlangah a harsa zual a ni employment chungchang hi, opportunity kan nei lo, vocational training kan nei lo, programme siam engmah a awm si lo. Chutianga kan kal zel chuan balance of employment hi Mizoramah a nasa ang a, imbalance kan siam ang a, social problem kan siam ang a. Chuvang chuan this is very very alarming situation a ni. Department tam tak pawimawhna chu an nei zel ang mahse unemployment problem hi a nasat chuan social problem a awm ang a, mihausa pawh ni se an building chhungah an mu tha thei lovang. Hetianga problem Mizorama a awm zel chuan a paw khawp ang.

Tin, Legal Welfare Function-ah khan Mizoram Trade Union Regulation Rules, 1992 te kan hmang a, Mizoram Payment of Wages Rules, 1992; Mizoram Minimum Wages Rules, 1992; Mizoram Inter-State Migrants Workmen Regulation & Employment and Condition of sub rules (2), 2003 te, Mizoram Contract Labour Regulation Rules, 2004 te, Building and other Construction Worker Regulation of Employment and Condition sub rules, 2008 te, Mizoram Workmen Compensation Rules, 2010 te. Tin, rules siam atangin Act tam tak kan hmang a, Labour & Employment Department hian an thawk rit a. Chuvang chuan Pu Speaker, thil tam tak kan mamawh rualin hna thawk thei tur chuan pawisa a ngai a, mahse chuti chungin unemployment problem hi kan ngaihthah hi a hun lo. Alarming situation a ni, nitin keimahni In theuhah unemployment problem a awm. Kan fate, kan tute unemployed a kan dah chuan in lamah pawh kan awm thei lovang. Chuvang chuan he thil hi a serious lutuk a, if we don't rise to the occasion than the situation will not be like this, other problem pawh a awm ang. Chuvang chuan ka ngaih pawimawh anih avangin ka han sawi hmasa a ni.



Tin, Pu Speaker, Medical chungchangah khan nikumah Minister ka fak viau tawh a building pahnih pathum chu min pe a ni. Amaherawh chu Rapanchal Hospital erawh chu kan la hawng thei lo chu a pawl ka ti a. Nakumah kan inthlang dawn a kumin ngei a hawn a ngai a ni. Chutilo chu a Minister ber pawh kal kan phal lo mai thei a ni. Council-in lak an duh a, pe mai sela, fund te pawh an nei ve a, Central-ah pawh an dil thei a, engnge harsatna awm ? Mizoram sorkarin kan tih theih si loh chuan Council-in an duh anih chuan pek mai tur alawm. Tin, alo promise tawh a Lawngpuighat Primary Health Centre hi nikumah min drop sak tawh a kuminah min lak sak tawh la a tha ang. Original proposal-ah a awm si, sawtah Deputy Speaker bialah a dah daih a, churang chuan kuminah chuan min dah ngei ngei tur a ni. Kan duhsak viau a, sawti lam pawh kan kal theuh a. Kan Chakma unaute awmna a ni a Rajiv Nagar khu Pu Speaker, medical chungchangah pawh, speech hrang hrang atangin, kan member zahawmtakte thu sawina atangin medical health care, medical facility chungchangah pawh Mizoram State-ah chuan in balance a awm tawh a ni. Hei hi policy matter angin sawrkarin review a ngai, tunah kan position hi. Entirnan, doctor te kal duhlo kan sawia, thingtlang atanga doctor chhuak theilo hi a ni. Keini Chakma phei chuan doctor hi pakhat chiah kan nei Mizoram atanga chhuak.

\* Speech not corrected.

**S P E A K E R** : Chu chu politician ah a inlet leh daih nghal a ni lawm ni?

**Pu NIRUPAM CHAKMA** : Politician-ah a inlet lehngala, hna an hmu thei si lo a, MNF sawrkar lai khan, hun engemaw chen chu RCH hnuaiah a thawk ve a, hna a hmu theih si loh avangin a beidawng tawh a niang. Churangchuan heng harsatnate pawh thingtlangah doctor neilo tih ngawt chu, policy hi thlak loh chuan, kan neilo zel ang. Chawngte chu a mak lutuk mai Pu Speaker, Chakma chu sawiloh Mizo pawh doctor an awm theilo. Chawngte khu Mizo khua a ni a, Lungrang te, Ruallungah te pakhat mah kan neilo. Achhan chu competition ah, entrance te, competition ah kan compete thei silo a, tuna doctor tam tak te, min haw lo sela, milian fate, mihausa fate tam zawk te an ni. Thingtlang atangin opportunity kan neilo.

\* Speech not corrected.

**S P E A K E R** : Nurse leh Pharmacist lam eng nge an dinhmun?

**Pu NIRUPAM CHAKMA** : Nurse pawh kan neilo, Health Worker pawh kan lut thei lo, the same thing, its all the same, Pu Speaker, eng emaw policy thlak loh chuan, thingtlangah Chawngte ringawt a nilo, sawtah Pu Piana bialte, saw Pu Robiaka bialte pawh khatiang an ni mai ang. Churangchuan, the government need base policy pawh thlak a ngai. We cannot go with one policy alone. Merit reservation engati nge India ramah an siam? ST reservation te OBC te, Mizoramah kan vaiin OBC leh ST a ni a, mahse chutah regional mamawhnate pawh kan ngaihtuah a ngai a ni. Churangchuan recruitment policy te, tuna exam dan te pawh review loh chuan Mizoramah chuan problem a awm ngei ang.

Tin, health care chungchangah khan Pu Speaker, kan Ministerin..... subsidiary health center hi upgrade turin a ti a, lehkha kan hmulo a, a ni tak tak a nih chuan wawinah sawichiang ila, min upgrade dawn chuan House-ah mipui hriatah puang sela, Chawngte mipuite pawn tlai lamah kut an lo ben theihna turin.

Hei Art & Culture te Transport te, sawi tur tam tak a awm a, Transport chungchangah pakhat chiah ka sawi duh a. Inland water transport hmang tak tak chu keimahni lam a ni. Hmun dangah an hmang lo, keini chu lifeline tak tak a ni a, chuvangchuan inland water improve theih dan a awm chuan sawtah Tlabung atangin Parva thlengin siam theih a ni a, hei Pu Ramhluna bialte, ka bialte, tunah chuan motor aiin lawnga kal a nuam zawk a, speedboat-in kan kal thin a ni. Khatianga in siam theih chuan Pu Ramhluna pawh Congress-ah a lut duh mai ang. Pu Speaker, ka lawm e.

\* Speech not corrected.

**S P E A K E R** : Le, tunah Pu John Siamkunga.

**Pu JOHN SIAMKUNGA** : Awle, Pu Speaker ka lawm e. Hun a tlem si a, sawi tur a tam si a, tlem tlem ka ngaih mawh ka'n sawi lawr den den ang e. Demand No -19 na, Printing & Stationery kha, vaibelchhe sawm leh pathum zet vawiinah he Demand-ah hian kan sawiho a ni a, helaiah hian revenue kan beisei zat hi tun kan budget tharah hian nuai sawmkua leh pahnih lai a ni a, hei aia thawk tha thei turah hian ka ngai a. Tunah hian khawl tha pui pui an lei a, an nei tawh a. Hmanni lawka Governor hova kan thlalakte pawh rei lo tea zuk print chhuaka min sem nghal thei vek Minister chak tak kan nei a. Mizoram calendar te hi chhut tir ve tawh ni se, hei aia tam revenue state-ah an chhun luh theih ka ring a.

Tin, Demand No. 23, Art & Culture vaibelchhe riat chuang zet vawiina kan sawiho mek hi a ni a. Hei hi kumin chhung kan budget pharh mekah hian nuai 15 leh sing 5 revenue chhung lut tura kan beiseite an ni a. Hengah hian state te, district library te, state leh district museum siamna atan nuai 21.85 a lo lang te, museum hi a pawimawh khawp mai. Ramdangmi lokal apiangin tlawh an tum a. Heng tihchangkan leh tlawh nuam zawnga awmze neia an kalpui hi a pawimawh takzetin ka hria. Tin, Art & Culture hnuaiah hian Cultural Meet hi South Vanlaiphaiiah khian min neihpui tawh a, kan hotute nen kan han hmang a, a hlawtlinthlak hlein ka hria a. Tih leh hunah chuan Cherhlun emaw Thingsai tlangdung emaw min hmanpui thei se tih kha ka'n ngen a ni.

Tin, Demand No. 42, Transport hi vaibelchhe 44 zet tunah kan sawiho mek hi a ni a. Hetah hian revenue an chhung lut tha khawp a, cheng nuai 889 kan beisei a ni. An thawk tha bawk a, duat pawh an phu a niang, an budget pawh hi a tha a. Bus an ngah a, 53, khawpui chhungah 14 a tlan bawk a, 53 kha thingtlang lama tlan an ni. Hemi repair-na atan maintain nan nuai 50 lai a lo lang a. An thawhchhuah hi nuai 150 vel ni khan sawi a ni bawk a, bus atang hian an intum tawk renrawn viau. Thingtlang lam harsatna sukiantu ber an nih avang hian an hnathawh hi a hautakin lawmthu hrilhtlak an niin ka hria a.

Tin, Demand No. 24, Medical and Public Health hi vaibelchhe 183 zet tunah kan sawiho mek a. Medical and Public Health hi revenue kan beisei zat hi a tlem khawp mai a, nuai 25 niin a lang a. Nikum khan nuai 93 a ni a, kuminah chuan 25 kan beisei kha a ni a. Chutihlaiah chuan hnathawh an ngah hle a, lawmman national level-ah pawh pali lai an dawng tawh a, kha kha Private Member Resolution-ah kan la sawi ang a. Tunah pawh hian hna an thawh hi a tam a, PHC pawh panga lai tunah an sa dawn a, sub-centre 30, quarters 7, a vaiin nuai 750 lai dah a ni a. Khalaia ka'n sawi duh lawk chu New Ngharchhipah khian sub-centre building BADP-in kan lo sa tawh a, tha takin. Khilalah khian health worker min dah saka, sub-centre-a min puan sak turin ka'n ngen nghal duh a. Tin, Aithur te, South Lungleng te hi km 8 laia hla a ni a, a khaw lian zawk atangin. An damlo ngunin an harsa ve thin a, nau nei te an lo awm a, natna hrang hrangte an lo tuar ve a. Hengah hian sub-centre han din turin

a mipuiin an pha si lova. Hengah hian a clinic min din sak thei sela, Aithur te, South Lungleng, Khawhri tihah te. Tunhnai mai khan South Chawngtuia kan health worker kha sawn tumna a awmin ka hria a, hetiang hmun thengreng deuhvah hian mi an awm that duh loh avangin a lo awmsa hi chu min khawihchet sak lo turin ka'n ngen nghal bawk a. Tin, lawmawm em em chu PHC pahnih min sak sak dawn a, hei tunah tender pawh an call ta a, chubakah engkim an tifel vek tawh a, Cherhlunah leh Thingsaiah. Thingsai phe chu a thar a ni a, kan Minister chungah hian Pu Speaker, lawmthu ka sawi a, a department ho chungah pawh ka sawi bawk a ni.

Tin, South Vanlaiphaiah khian PHC a awm a, doctor an nei lo rei viau tawh mai a. An neih loh chhan erawh chu sawi a ngai lova. Doctor 82 hi an lak thar hunah chuan helai hmunah hian min han dah sak ngei se, ka'n ngen nghal bawk a. Tin, hnahthial saw a khua te a lo lian vein tlantu an tam bawk a, doctor pahnih an awm ve tawn tawn a, CHC-ah sawn. A harsa khawp mai a, an hneh lo lam a ni, damlo an tam angreng a, sawngah te sawn doctor hi min dahbelh sak thei sela ka duh a ka han ngen nghal bawk a ni. Tin, tunah sawn Sub-dist. Hospital kan sorkar chak tak hian min sak sak a ka lawm takzet a ni. Phase II saw vbc 4 vel la ngai tur a ni a, khangah khan kan Minister hian min lo hriat sak sela a sum awm leh zel dan tur pawh kha.

Tin, Labour & Employment hi vbc 7 chuang zet vawiina kan sawiho mek hi kuminah hian revenue kan beisei zat hi nuai 500 lai a ni, chumi awmzia chu Labour & Employment-ah hian scope a awm a ni. Chumi a nih chuan kan ngaihsak deuhva, kan tihlen a, awmze neia kan kalpui hi a ngai hlein a lang a ni. Vawiina te reuh te a kal teng teng ni a kan hriat lai pawh a cheng nuai 500 lai mai non-tax revenue a rawn chhung lut thei tur an nih si chuan hei aia nasa hian hma la ila, thuan tha ila, awmze neiin kalpui ila kan thalaite tan mai ni lo, kan ram tana hlawkna tilangtu a niin ka hria a ni.

Tin, Demand No.44-na Trade & Commerce hi maintenance of New Markets-ah hian ....estimate hi nuai 30 anih laiin estimate hi chu nuai 60 daih a ni a hei hian an pha lo dawn tih kha a lang reng a ni. Hnahthialah sawn Trade & Commerce hian building lian tak bazar an nei a, saw saw Pu Rualkhuma'n a enkawl thin a, sweeper niin, mahse kum te a lo over tawh avangin an ban ta a; an ban hnuah hian sweeper dah leh a awm ta lova, a hnawk thei hle mai a, a khaw buaiin kan buai a ni. Chumi a nih avang chuan a fanu Helen Zonunpuii hi fund atangin kan ruai ta ringawt a, thla tin Rs.4000 in, chumi chinah chuan bazaar pawh a faiin a rimchhia te a lo reh tawh a ni. Trade & Commerce-ah hian sweeper post 6 lai a awmin ka hria a, chumi a nih chuan saw lai hmun saw min rawn hriat sak sela, Pu Rualkhuma hi a kum alo upat tawh avanga a fanu fund hmanga kan rawih mek hi min dah sak thei mai se tih kha Pu Speaker ka'n ngen nghal a ni.

Tin, Lunglei Civil Hospital transformer hi 1000 KVA nuai 64 man lai hi min dah sak bawk a, chuvangin saw damdawi In saw kan bial atang leh bial dang dang atanga Aizawl lo pan thei lo ten kan chhawr em em a ni a, chuvangin Minister leh Department chungah Pu Speaker, lawmthu ka rawn sawi bawk a ni e.

**Pu H. ZOTHANGLIANA :** Pu Speaker, ka lawm e. Demand No.42 na Transport chungchangah hian lawmthu sawina tur ka ngah mai a mimal tak pawhin, kan mamawh hrang hrangte min tihsak thin avangin lawmthu ka sawi a ni. Pu Thawla pawhin a rawn sawi ang khan Tuipangah te, Rickshaw kan duh ve kan ti a, min tihsak a, Sangauah pawh kan mamawh khawp mai a min tihsak theih chuan kan lawm

hle ang tih kha ka'n sawiin, ka'n ngen duh a. Hemi chungchanga ka sawi tel duh pakhat chu, inthlan lehah hian mak deuh maiin ZNP hi han sorkar ta se Aizawl khawpui chu kan buai awm mange aw tih thu a ni. An member neih chhun 2 zinga pakhat zawk khan Taxi permit pek hum hum tur tih lam hawi khan thu a rawn sawi a, ka lo ngaihtuah zawm ve a, vawiina Taxi hmanga eizawngtute tan chuan ZNP an sorkar ang tih hlaua tawngtai tawngtai mai a awl awm mange ka ti a ni. Tunah mah heti hi kan dinhmun anih tawh laia, khatiang ang an han rawt mai kha a mak kalo ti ve deuh a. Kan Minister zahawm tak Transport changtu a fakawm kan lo tih vena em em chu, amah mimal ngei pawhin duhsak tak tak Taxi permit han pek chak mi sang tel a nei ang tih kan ring thiam vek chungin, tun sorkarna kum 4 dawn kan kalpui chhung pawh a, insum tang tanga mipuite harsatna siamtu nih hlau tak mai a, he a Department a enkawl hi a fakawm ka ti a ni. Thingtlang lamah Sangau, Lungtiante leh hei kan hotu dangte bial Chakhang lamah te Bus service hi kan mamawh khawp mai, ka sawi ve ziah a. Tumkhat chu kan Minister zahawm tak hian Christmas dawn lai velin Sangau lamah te Bus min tlan tir sak ve a, kan lawm khawp mai a, nimahsela indaihlohna avangin rei an tlan thei lova an harsatna hi chu kan hrethiam tho nachungin Minister chak tak, rem hre tak kan nei a, kan mamawhna te hi sawi sawi ila eng tin tin emaw tal min ngaihtuah sak thei mahna tih thuah ka han sawi nawn ve leh duh hrim hrim a ni.

Demand N0. 23 Art & Culture chungchangah kan Minister fakawmna thute ka'n sawi belh zel lo mai anga, heritage conservation atan 13<sup>th</sup> Finance Commission atangin cheng nuai 300 vel lai mai kan hmu dawn niin alanga, a lawmawm kati khawp mai a. Kan Member zahawm tak Pu T.T. Zothansanga khan chhaklamah khian pi pute sulhnu a tam, heritage conservation lamah hian ngaihven kan phu a ni a tih kha ka tawmpui thlap rualin chhimlamah pawh sawn hetiang lam thil pawimawh tak takte hi a tam ve mai a, hna thawh tak tak hunah min lo hreve reng thei se kan duh hle mai tih ka'n sawi duh a ni. Entirna pahnikkhat lekah chuan, Mampui bul Lawngtlai atanga 18 Km a hla bul maiah chuan 'Milu Puk' kan tih a awm a, chu hmunah chuan tute nge an nih pawh kan hriat phak chiah loh, mihring ruh a ni ngei tih erawh chu hriat chian theih, ruh hrawl tak tak, lian pui pui, sei pui pui mai a awm rei rui thin a, vawiinah erawh chuan a humhalhna kawngah keini lam saw kan bengvar lo ve bawk te pawh a ni awm e, a bo zo deuh ti tih tawh a, vawnthat, humhalh zui a tul hlein ka hria a ni.

Tin, Zoram dung leh vang pawh a thawnthuah pawh kan hriat lar tak mai, Phawngpui tlanga 'Tialpari Puk' kan han tih ang te pawh hi humhalh that, enkawl zui phu tak a ni a, tiang chuan a dang te pawh a awm a ni. Art & Culture demand ka han thlir ve khan ka hriatthiam ve loh vang nge ka hre chiah lova, MLA-ina kan beisei ve, kan bialte pawhina an lo thlir ve tang tang thin subsidized instrument eng eng emaw entirnan P.A. set han tih te, Guitar leh thil dang dang te, tlem te te tal kan han dawn thin ang min han provide leh theihna tur kha kuminah hian kan Minister zahawm tak hian a nei ta lo emawni aw ka ti a, a uiawm mange ka ti a, tih hram hram dan kawng dang te pawh a zawn theih chuan kan lawm hle ang tih kan sawi tel duh a ni. RRRLF (Raja Ram Mohan Roy Library Foundation tih emawni) Matching share atan nuai 15 kan nei a, hetah hian YMA lamte library chungchangah Zoramah chuan rilruah an lang lian lo thei lova, chutih rualin keini lamah pawh sawn YMA counter part YLA (Young Lai Association) kan neia, chutiangin MZP-te kawppui Lai Student Association te, LWA (Lai Women Association) MHIP counter part te kan nei ve a, anni ho tan te pawh hian hmanna a thusawi atang khan kawng a inhawng niin ka hria a, kan inbe nual tawh a, an rawn dil ve dawn a, a theih chin chinah min lo duhsak thei hlawn sela, kan lawm hle ang tih ka rawn sawi tel duh a ni.

Demand No. 24 Medical & Health Services chungchangah hian lawmthu sawina tur kan ngah khawp mai a, pakhat lek han tarlang ta ila, kan bial chhungah leh kan bial pawnah leh kan Zoram hmun tin maiah kan Minister chak tak hian nasa taka hma lain Health Sub-Centre-te leh Clinic tam tak min sak sak a. Lawngtlai West lam bialtupain a sawi ang lo deuh khan keini lamah chuan a hmun kilkhawr ber pakhat Tuipui kan ti a, Vartekai kan ti bawk a, chumi hmunah chuan clinic centre an sak hi keimah ngei pawn ka zuk hmu a, a tha khawp mai a kan chhuang a, kan lawm hle a ni. Vawiina kan thlir tak chu sak zawh fel thlep thlawp a ni ta a, engtikah nge kan Minister chak tak hian a function tir ang le? Engtingge staff te hi min pek ang? thawktu an mahni phak taw theuhvah chuan a hmun amite hi duhsak dan an awm dawn lawm ni ? tih hi nghakhlel taka kan thlir a ni e tih hi ka'n sawi duh a.

Doctor leh Staff hrang hrang indaih loh dan te chu kan hre reng a. Nimahsela kan indaih emaw indaih lo emaw kan harsatnate kan sawilo thei bik lova. Ka bial chhungah han ti leh thin ila Bualpui NG ah chuan hun rei tawh tak atang khan Doctor kan nei lova. South Lungpherah chuan Doctor kan nei a kan lawm hle a, mimahsela supporting staff pakhat mah a nei lova. Doctor in peon atanga chowkidar, clerk, nurse, health worker engkim mai a kawp vek ringawt mai a. Doctor fel tak kan neih avangin mipui mamawh zualpui chu a phuhru hram hram a kan lawm khawp mai. Nimahsela kan mamawhna te hi kan han sawi nawn ve leh duh a ni. Keimahni lamah chuan Saiha Hospital tuam thatna turin kan Minister zahawmtak hian Rs. Nuai 20 vel zet mai mamawh hrang hrang atan min han dah sak te pawh hi a lawmawm kan ti em em a ni. GNM training na tur atan te, Saiha, Serchhip, Kolasib leh Champhaiah te hmun min ruahman sak dawn a. Chutiingin Lawngtlaiah pawh ANM Health Worker Training School-te pawh min buatsaih sak dawn a. Hei hi kan nghakhlel hle mai a, heng ang te hi tih puitlin thuai thuai kan thlahlel takzet a ni tih hi ka'n sawi tel zawk duh a ni.

Mizoram Health Care Scheme RSBY avanga lawman kan dawn te hi ngaihthlak a nuam hle mai. Hun hmasa lama Health Care Scheme Vbc.10 zet mai a ni lo lo a thehthang te nen kha chuan a inanglo ta hle mai a, a lawmawm ka ti. Kan nau pakhat hian Insuarance Company-ah Agent hna a thawk ve thin a, kei pawh hian ka tih pui thin a. Rs. Nuai hnih khat lek lek insurance policy an han hmuh pawh hian an commission hi a tha viau thin a ni. Rs. Vbc 10 zet atanga an commission hi chu a tha hle ang tih hi a chiang khawp mai a, chungte avang chuan kum 3 hnu laiah pawh Rs. Vbc 10 atang hian interest kan hmu tlem hle a ni, Vaibelchhe 1 leh 1.2 erh awrhah khan kan tawp ta niin ka hria a. Khangte nena han khaikhin chuan wawiina kan sawi kan Minister zahawm tak hmalakna hi chu a chhuanawm mang e aw ka ti a ni.

Labour & Employment Demand No.28 chungchangah khan Lawngtlaiah site office angreng kan nei ve a, hman atangin wawiin thlengin thawktute an awm tha lova. A hminga an dah chhunte pawh an kal thalo khawp mai tih kha he House zahawm takah hian ka sawi a. Ka sawi lai tak kha TV ah a thawktuten an lo thlir a, an awmthat phah khawp mai a, wawiin thleng hian an tet ang angin hna an thawk tha chhova a lawmawm kan ti hle a ni. Min tihlen sak pheise chuan kan lawm leh zual ngawt ang.

Trade & Commerce Demand No. 44 chungchangah chuan Kolodyne Multi Modal Transit Transport Project hnuuia sumdawna lam a opportunity lo inhawng turah hian Lawngtlai saw sawti lama a hnaivaia kan Khawpui neih ve ber a ni a. A Lawngtlai hmun anih loh pawn a hmun tak anih loh pawn a bulhnaiah sawn eng eng emaw ware house emaw, facility dang a chhehvel amiten kan chhawr tangkai theih tur ang hi kan Minister, Trade & Commerce, zahawmtak hian min han ngaihtuah sak se kan lawm awm mang e ka han ti bawk a ni e. Pu Speaker, ka lawm e.

**S P E A K E R** : Tunge sawi leh dawn, kan windup tir tawh mai dawn em ni? Tunge sawi tur kha ? anni chu sawi tur kha an awm vak tawh lo Pu Thangtea'n a sawi loh chuan Pu Duhoma'n a sawi kha a ni ringawt tawh. Heti lam chu an la thu thuap, in sawi dawn anih chuan sawi thuai thuai rawh u. Pu K. Rina te, Pu Zualtea te, Pu Mahima te, Pu Robiaka te in sawi dawn a nih chuan sawi zung zung teh u. In sawi dawn lo anih loh chuan thudang nisela. Le sawi tawh mai rawh Pu Duhoma'n a sawi dawn lo a ni ange.

**Pu LALDUHOMA** : Pu Speaker, hei niminah Budget General discussion kan zo chiah a. "Kumina kan budget hi a pung a, amaherawhchu, department chan tur erawh chu a pung chuang lo a ni", tih kha a ni tlangpui a. 'Hei, i hlawh ka pun dawna, mahse, ila tam dawn chuang lo a nia' tih ang deuh a ni. Chutianga pung chuang lo Department zinga miin demand an rawn pulut a ni a, a puluttu Minister-te pawh hian a ruk tak chuan, an rilru a hahin an lungawilo ru deuhin ka ring a, chuang chuan tihhlum te pawh an thain ka hria a, lawmthu han hrilh te pawh a thain ka hria.

Health Department atang hian han tan ila. Hei keini bialah Rangvamualah Health Clinic kan Minister zahawmtak hian min tihsak a, kan lawm khawp mai. Raipuar chung a chhoh kal vak te kha a ngai tawh lova, awmhmuna mahni khaah naute an hring thei a, lawmthu ka'n hrilh duh a.

Tin, kan Health Minister zahawm tak hian hei Award pali lai dawn tur a nei niin kan lo hria a, ka'n congratulate duh bawk a. Amaherawhchu, a dawn tur zinga pakhat 'TATA Memorial Award' hi chu Population leh Family Planning lam atanga dawn tur a ni a, hei hi chu lawmpui harsa ka ti deuh a. Mizoramah mihring kan tlem a, hei hi chu India sorkar policy a nih pawhin a lak dan tawk i thiam ang u, i ti vak lo ang u, kan ti deuh tawh niin kan hria a, mipui mimir pawh hianin. Hei NEIHGRIMS-ah te pawh hian North East State-ah seat kan nei tlem ber a, nikum nge ni, nikum hmasa a Subject Committee-ina kan zuk tlawh tum pawh khan, an hotute nen kan han inbiak khan "Engatinge kan seat hi a tlem bik em em", kan ti a. "A, in population a tlem alawm, population base-in kan ti a", an ti a. "In thu kan awiha, Family Planning tha takin kan ti a, Seat min pek tlem nan min hmang leh si a, hei hi chu a fair lo a ni", kan han ti ve thla ngawt a. Tikhan kan population tlem avanga kan tawrhna hi kawng hrang hrangin a lo awm chho ve a, hengte pawh hi zuk in-justify ve ila, seat-te pawh hi i dil pung ve tawh ang kan ti thin a, tun sorkar pawh hian 'kan dil mek e', an ti khan ka hria a. Vawinah hian khang seat te kha kan han dil pung thei dawn ta em tih te kha han hriat chakawm ka ti a. Chuvangin a inti tlem zawng, thenkhat pheichuan Pathian thu kalh ni hiala an ngaih a ni a, Family Planning hi, hetu zawng hi chuan kal lo ila, Kohhran ngaih dan pawh a ni tawh lova. Helai TATA Memorial Award bik hi chu kan Minister zahawm tak hian dawng lo ngam se ka duh khawp mai.

Tin, India sorkar leh India ram mipui, hmasang atanga an in chhuan vena thin chu Homeopathy leh Ayurvedic hi a ni a. Hei hi Central-in a ngaipawimawh em em tih kan hria a. Pawisa pawh a ren lova, a pe tlawrh tlawrh a, a nawrin min nawr a, a building leh material leina pawh min rawn pe a, kan lei tawh bawk a. Amaherawhchu, Ayush atan chuan hman a la ni mang lova thil dangah kan hmang tangkai thova, a lawmawm a. Directorate hrang te pawh nei turin a nawrin min rawn nawr a, kan la nei thei lo cheu a. Hei tun hnaiah hian PAC-in Ayush building, avai chuan a ni lo deuh a, Mizorama a tam ber hi chu kan tlawh chhuak vek a ni. Chutah chuan kan notice chiang tak mai chu side selection-ah hian a lungawi thlak vak lo a ni. A kil sir a lawilen rem lo lai deuh

zel hi Ayush tan hian an lo thehchhuak a, han en a, common sense a han ngaihtuah pawh a, mita han hmuh theih pawh a site remchang zawk awm reng chung pawha a remchang lo deuh laite OPD-ah te khan an han pe a, mipui tan kal ngaihna awm lova, Lunglei amite saw, chuvang chuan quarter-ah an hmang ringawt a nia. Chuvang chuan tlemin Ayush hi kan nek chep deuh emawni chu aw a tih theih a. Hei sevice-ah pawh hian a pum tlema tlem hi chu a rei tial tial a, an chan hi a chau tial tial mai a. Khatiang deuh khan anni pawh hi a tir te a la ni bawk a, puih deuh leh chhan deuh, an thlavang hauh deuh hi chu kawng hrang hrangah hian a ngai a nih hi mawle ka'n ti a.

Tin, damdawi In te building tha deuh deuhthe kan han hmu a, damlo awmna tur ward te pawh khumte nen, Matress te nen, a thar tha tak mai a awm a. Damlo pakhatmah an la enkawl lova, an la admit lo a ni. A infrastructure lama chu kan nei tha tawh hlawm khawp mai, engvangnge kan tih chuan, thawktu an awm lo, staff an awm lova, damlo an admit ngam flat lo a ni. A building te leh khatiang zawng zawng min rawn pek tawh chuan a staff te hi chu state sorkarin lo tum ve thei turah te pawh min ngai a ni mai awm e. Kan thei ta bawk thin si lova, chuvang chuan kan Ayush Doctor-te hi kan hmuh tam tak chu Doctor ringawt, mahni ringawta dispenser hna thawk tel bawk, Chowkidar hna thawk tel bawk, sweeper hna thawk tel bawk Doctor te kan hmu a ni. An indaih ngang lova, henga damlo in admit duh ve ngawih ngawihthe pawh staff awmluh avanga admit theih lohvin capacity utilization hi zero angin tunah chuan a kal a, a pawl em em a ni. Tin, damdawite a free a pek a nih avang hian mipui tan a tha em em a ni. Chuvang chuan helai hi uar lehzualin sorkar hian han kalpui sengin a tha hlein ka hria a.

Tin, Nationalised Aids Control organization hian kan damdawi In tan hian eng engemaw hmannah min rawn pe tawh niin kan hria a. Chung zingah chuan Aizawl Hospital ami thisen test na kha min pe niin kan hria a. Mahse a hman tlak loh a ni, hmantlak se chuan a rualin mi za thisen pawh vawikhatah a en theih niin sawi a ni a. Chu chu RKS fund atang hian repair tum a ni a, repair a ni ta em ? Engatinge heng khawl te hi kan dawn tirhah te kan enchiang lo nge ni, hmantlak mangloh khawl, min pek thar ni bawk si te hi kan neih le tih kha ka'n point out duh bawk a.

Tin, NRHM sum vaibelchhe 6.5 bo thu hi chianguang taka hriat a hun tawhin ka hria Pu Speaker, wawinah hian wind up-naah heng thil te hi chianguang taka hriat theih ni tawh se a lawmawm hle anga. Tin, Medical College din kan tum a, Central pawhin min saawihmuh a. Chutah chuanin 2009 ah niin ka hria, kan Chief Minister chairman na meuh hnuaiah Medical College kan neih dan tur hi ngaihtuah a ni a. Hei term a tawp chho mai dawn a, tuna kan hriat chu DPR siamna tur cheng nuai 50 kan dil mek tih vel mai mai hi a la ni. Hetiang a nih chuan khua kan tlai zo dawn alawm mawle, hei aia chak deuh hian kalpui ni sela. Tin, a project pawh hi, Referral Hospital te pawh a tirah chuan kan duang te lutuk a, kan buai a ni. Vaibelchhe za tel takmeuhin hemi kan Medical College tur hi chu DPR te pawh hi siam sela ka duh a, eng angina nge an siam kan hriatpui ve lova. Ropui tham deuh hlek law law, ro tling tur khan han siam se ka duh khawp mai.

Tin, kan College of Nursing hi a building te kan la neih loh avangin P & Sons building-ah an la awm nawk nawk a ni a. Hei hi Falkawnah sawn tur a niin kan lo hria a, building sakna turte pawh tunah hian crore 3 zet min pe tawh niin kan lo hria a. Pu Speaker, Indian Nursing Council hian he kan Institute hi a la recognize lo niin ka hria a, nakumah an rawn endik dawn chauh a ni awm e, endik an dawl dawn em, a thawktute recruitment rules pawh tunah an la neilo niin sawi a ni a, chuti anih chuan endik hi kan dawlllo palh ang tih ka hlau a, endik kan dawlllo a recognize kan nih loh palh hlauh chuan an Certificate zawng

zawng kha cancel leh a, engmahlo a chang tur a ni. Miin kum li an zir a, batch khatah sawmhnih, sawmthum, sawmli an lut a, khang zawng zawng zirna kha a thlawn thei a ni tih hriain endik dawl ngei turin kan sorkar hian tan la se ka duh hle a ni.

Pu Speaker, hun a va kal chak ve le, Trade & Commerce hi kan sawi leh ang. Kan sorkar, tuna mite sorkar tirh khan Berawtlangah Trade conclave kha min han neihpui a, kan phur tlang hle mai a, MoU-te kha pali ngawt kan sign nghal mai a, vawiinah hian enge kan thawnchhuah a, enge kan lakluh pawh kan la hre ta chuang lo, thil hi a muang lutuk deuh hlek a ni. Zokhawthar te pawh sorkar hmasa atangin a thawm kan hre zing lutuk tawh a ni, tunah inaugurate a ni tawh tih a ni ringawt a. Engte nge kan insumdawn tawn nan kan hman tawh, enge hlawnka kan tel tawh tih kan sawi a hun tawh. Zorinpui te pawh a site kan select fel tawh tih a ni leh ringawt a. Kawrpuichhuah te pawh Integrated check post atan DPR hi 2000 kum khan an buatsaih daih tawh a ni. Tunah hian a hmun tur Land Acquisition kan tifel tawh tih kha a ni leh lek mai a ni. Khatiang speed a kan kal chuan kan Ram hian hma kan sawn chak thei dawn lo reng reng. Trade Facilities Centre Tlabung te pawh commission tawh a ni a, commission tawh anih chuan kan insumdawn tawn tawh em tihte kha ka hre duh a.

Term hmasa khan kan member zahawmtak Pu Sailothanga Sailo khan zawhna a zawt a, chu chu October, 2006 khan chhan a ni a. Chutah chuan Bangladesh nen kan inremnaah khan mau pum Tone khat & 32 in, a chip hi American Ton 1 & 48 in kan hralh dawn tiin he House hi hriattir kan ni daih tawh a ni. Chuti anih chuan tunah hian tone khat tal kan thawn chhuak tawh em ? Sorkar hmasa hmalaknate chu a tawp leh ta vek em ni tih kha ka hrethiam lova. Khatih laia kan Chief Minister kha Bangladesh-ah a zuk zin a, Prime Minister Sheik Hassina kha a zuk kawm a, a rawn haw lam chuan a sawi ropui khawp mai a, kan sawhthing hralh theilo kha kan buaia, BSF an duty a, kan buai lai kha a ni a, an lehlam hawi hlanin kan thawn thla dawn alawm a ti a, tichuan, engeni a rawn hawn ber tih an han zawh kha chuan, “Sawhthing kan thawn thla anga, annin chi min rawn supply dawn,” a ti a. “E, chi chu a renawm dawn loh hle anih chu vawkpui kallai pawh phul tlawrh tlawrh mai tur anih chu”, kan ti a, chi lo deuhthe hi kan lalut thei em ? kan mamawh dang a aia tangkai zawk deuh tur. Khatih lai khan kan sorkar hmasaah khan fiamthuon, “Min hruai telve lo a ni”, ka ti a. “Sheik Hassina te chu an vahvaih laiin Delhi-ah an furniture te, Fridge te, an fate school kalna tur zawng zawng buaipuitu ka ni ve a, London-a an pem dawn pawha Airport thlenga thlahtu ka ni ve a, min lo hruai telve se chuan chi lo deuhthe pawh hi kan sawichhuak thei anga”, te ka ti nghe nghe a. Hengah te pawh hian chak deuh zawkin kan kal tur a ni ang a. State level Import and Export Development Board-te pawh kha kan han nei a, meeting leh thingpui in man te pawh kha tamtak a kalral leh tawh ang a. Engemaw heng Board te hian an thawh tawh aw tih te pawh kha ka’n hre duh a. Tin, hei Reiek Aieng te pawh hi i buaipui sak teh ang u a. An khawngaihthlak em mai tih te pawh kha ka’n sawi tel duh a ni.

Pu Speaker, hei transport ah hian kan kal lawk ang e. 1980 inthlan dawn khan MPCC President hian Driver Union te nen hian thuthlung an lo siam a, point 11 lai a ni a. Public Driver te hlawn hniam lutuk hi Skill-I te hlawn zat a tihsan a ni ang a tih kha, tihsan a ni tawh em tih kha ka han zawt a. Driver-te mi hnuaia an inhlawn reng loh nan motor mahni eizawna an neih ve theih nan loan awlsam taka ngaihtuah sak an ni ang tih a ni bawk a. Loan la an awm tawh em tih kha ka zawt duh bawk a. Foreign-a motor khalha eizawng duhte tan International Driving License ngaihtuah sak an ni ang tih a ni bawk a, International Driving License pek an awm tawh em tih te, Driver te mantlawm zawka an life insure-na tur ngaituah sak a ni ang tih te, Driver ten harsatna an tawh huna a thlawna an rawih tur advocate pek a ni ang tihte, hmun leh ram neilo hnenah hmun leh ram ngaihtuah sak an ni ang tih te point 11 lai a ni a, sawi vek lo mai ila. Hei term a tawp dawn tawh a,



tihhlawhtlin sak an ni em tih hi kan zawt duh bawk a, (Speaker : Hlawmkhawm deuh tawh rawh aw )

Point khat chauh Pu Speaker, Art and Culture ah hian hei Waterloo laipuite pawh helaiah resolution ka putluh lungrual taka min pass pui avangin a hmun ngaiah kan sawn leh a, kan dah leh tawh te hi lawmawm ka ti a. Hetiangah hian sapho sulhnu wawiin thlenga vawnthat tlaka kan ngaih kan vawnthat mai piahlamah hian rawtna ka'n siam duh chu, zir a tha ka ti. Septic tank an siamdan te kha Pu Speaker, tunah te hian an la hman tlak reng a, a lem min rawn pe ve tawh a. Tuna kan Engineer-te thiamna ai hian a tha zawk fe a ni an ti a. Tak tak anih leh nih loh keini laymen chuan kan sawi thei lova, an septic tank siamdan te hi i zir the ang u. Khatih hun lai ami khu Sairang damdawiin te pawh 1910 a sak a ni a, Ceiling pawh ala tha vek a nia, mau kha engatinge khati khawpa thaa an tih theih bik, a va tha rei tih ringawtah khan tawp lo ila, i zir ve teh ang u. Heng monument-te hi kan preserve piah lamah hian an techque-te kha entawn ilangin, khatih hun lai, communication pawh a chhiat em em laia, tiangang thil an lo ti thei anih chuan, tun ang lai facility tha zawk kan neihna hnuaiyah hian hengte pawh hi kan copy ve thei lawm ni tih kha a tlangkawm nan ka'n hmang anih chu. Ka lawm e.

**S P E A K E R** : Dr. R. Lalthangliana

**Dr. R. LALTHANGLIANA :** Pu Speaker, ka lawm e. Niminah khan General Discussion-ah khan kumin kan budget pharh kha Ruling lampang pawhin Vote on Account anga kan kal chuanin nakumah phei chuan kan Budget hi ruling lampang pawhin a hman vak theih tawhlo tur ang te khan ka'n han sawi nawk nawk a. A dikna lai chinte pawh a awm a, kan ngaihthlak ang khan kum 10 dawn lai Vote on Account-a kan kal avang hian July thlaah a Main Budget Session kan thu ziah a. Chuvang chuan wawiina kan Budget han sawi mek Department chante kan han sawi hi kawng lehlamah chuan a tak taka an han hman tur kan Minister zahawm tak takte pawhin a full deuha an hman tur ang deuhah kan ngaihsak a. Chuvang chuan kawnglehlamah uluk deuha thlir pawh a tulna lai a awmin ka hria a, nikum lampanga Plan Budget phalo Department tuna kan ngaihthlak ang khan an ni fur mai a, wawiina kan Minister zahawm tak takte demand hi. Entirnan Priting & Stationery-ah hian nikumah nuai 185 a nih laiin kuminah 110 a ni a, 75 lakhs in a'n tlem ta a. Art and Culture ah nikumah 480 nuai a nih laiin kuminah 278 crore 2 nuai 201 in a tlem a. Tin, department pawimawh em ema ka ngaih Hospital and Medical Education hi nikumah nuai 4195 kuminah nuai 3588 in a tla dawr a, nuai 607 tawpin an phalo ta a.

Trade & Commerce a hi nikumah 238.97 anih laiin kumin-ah 130.17 chauh niin 108 tawp maiin an han phalo ta a. Kawnglehlamah chuan duhthusam ve deuh bial tana han sawi dawn pawhin a inthlahrunawm ka ti khawp mai a. Hnathawh pawh an tum pawhin ka hria a, kan Minister-ten, amaherawhchu thawhna tur hi a awm meuh dawnlo ni tein ka'n hre deuh a. Hei Department 46 te hianin nikum kha Pu Speaker, an phalo vek mai a, chuvang chuan nimina kan sawi zawk ang khan kan NLUP hian helamah a tikiar huar a, kawng lehlamah Government of India atangin kan Plan Budget an rawn allocate-ah hian earmark hian tam si a. Vaibelchhe 2300 ah hian earmark a kan neih a hi vaibelchhe 1605 bawr a lo ni a, a bang earmark loh a kha crore 694 alo ni a. Chutah Sorkar hnathawk hlawh tih bawr velah khan crore 400 chuang a ral leh ta a, 250, 270 bawr velah khanin Department-in an han insem ta a. Chuvang chuan tuntum kan Budget sawi mek hi, a then lai a kiar huar a, a then laiah chuan rek chhum lek lekin kan awm in ka hria a, sawi thiam pawh a harsa ka ti khawp mai a. Chuvang chuan mahni bial lam pang han hawi dawn pawhin heng kan bial Buarpui, PHC lama services awmlo rei lutuk tih te, Clerk kan neilo tih te, Nurse kan neilo tih

te, Health Supervisor kan nei mumallo tih te, Doctor Quarter leh Staff Quarter kan neih a tul zia han sawite pawh kha ka inthlahrung deuh hlek a, amaherawhchu, nakin zel atana min lo hriat sak atan te pawh a tulin ka hria a chu chu kan tarlang duh a ni.

Tichuan Health Care Scheme chungchangah hian Pu Speaker, tawite ka'n sawi duh chu vaibelchhe 10 kha Health Care Scheme pawisa mi 17 hminga Bajaj Allianz-a dah kha kan sawirei hle thin a. Aenga pawh nisela, hei ACB te pawhin engemaw zawhna te pawh an va zawt a ni te pawhin ka hria a. Tin, RTI hmang te pawhin mi thenkhatin heng hi zawhna an zawt a. Chuta hei Deputy Chief Executive Officer ti mai ang ina a rawn chhanna Health Care Society-ah hian he zawhna hi a rawn chhanna hi kum 2010 December ni 9 khan a ni a. Tah hianin, Bajaj Allianz-a Vaibelchhe 10 dah kha 'tun' atih chu hemi a chhannaah hian engzat chiah nge a pung tih a han sawi hian a rawn tarlanah hian Vaibelchhe 5 in a pung tawh a ti a. Engatinge hetih hunlai hian sum harsat tehreng nen kan switch mai loh? Allocate period-ah 2011 ah pawh a ni mai thei; hei hi a fello deuhin ka hria a. A kalphung leh engemaw chu diklo chu a awm a. Amaherawhchu, tunhnai lawka hei Pu Liantlinga, kan member zahawm takin a zawhna chhannaah khan Vaibelchhe 1 leh nuai 20 bawr vel chauh pung ang khan a rawn sawi a, a dik pawh a dik ang. Amaherawhchu, engatinge khatih hunlai khan a san lai khan kan switch mai loh tih hi ka zawt duh a. Tin, Charge-sheet te pawh waviin thlenga la fel theilo te pawh hi kan Minister-in sawifiah sela a thain ka hria a. Thil hi a nih dan rawt rawt hianin kan hriat law law kha a thain ka hria a, ka'n tarlang lawk a ni.

Tin, chumi rual chuanin kan sawi leh lawk duh chu Pu Speaker, KVI hianin hetiang deuh bawk hian an pawisa nuai 40 leh sang 7 leh za 5 hi premium deposit-in 2009 March ni 28 khan an dah a. Tahchuan, allocate period a kha kumin April ni 29 khan a tawp a. Tahchuan, anni chuan an switch avang khan nuai 62 lai an lachhuak tih hi kan lo hriat dan a ni. Chuvangchuan, heng hi kan enchian kha thain ka hria a. Tute emaw kan Minister hmasate puhmawhna lutuk ang chi khan thil kha a kal ve thei a. Amaherawhchu, khatiang a nihna karah sum a harsat tehreng nen heti zawnga ngaihtuahna hi kan sorkar hian engatinge a neih loh tih kha kan question ve deuh a ni.

Chumi rual chuan hei ka'n kalpuat anga, Ayush kan tih hi a pawimawh khawp mai a, hei eng eng emaw lehkha kan chhiar a, Mizoram Chief Minister te pawh an lo dawr tawh a, helaiah Directorate hran neitur ang chiin. Tin, kan Chief Secretary pawh hi wavi engemaw zat lehkha an rawn thawn a. Gov't. of India atanga funding harsa si lova thil tih dan kawng tam tak a awm a ni tih kha an rawn sawi a. Amaherawhchu, waviin thleng hian mumal taka positive response hi kan la pelo emawni chu aw ka ti a. Chuvangchuan, hei hi ngaihtuah thain ka ring a, sum ruahmanna harsa lutuk lova kan neih theihna tur ang chi scheme niin ka hria a, hei hi ka'n tarlang duh a ni. Chumi rual chuan, Pu Speaker, hei kan Aizawl Civil Hospital hi a vei awmin ka hria. Kan Capital, kan khawpui bera kan Hospital-ah nimina ka zawhna chhannaah chuan CT-Scan hi hei nikum June thla atanga chhe tawh tunah kum 1 a ral tawh a. A la thalo reng reng mai a ni tih kha chhanna ka hmu a, a fello ka ti khawp mai a. Tin, MRI takngial pawh hi hei kan la nei thei lova, Private Hospital ka hriatsual loh chuanin an neiin ka hria a, Trinity hianin 1 chu hengte hi chu neihve a hun tawh mawle ka ti deuh a ni. Tin, heng bakah hian hei Ortho department hianin an rei ve hle tawh a.....an tia maw ni an khawl man to em em lo pawh hi neih kan duh ve hle a ni an ti a waviin thleng hian kan la pe thei lova a fel lovin ka hria a, hei hi kan Minister zahawm takin Health hmasawna tur atana thil pawimawh tak a ni tih hi min hriatsak sela ka duh a, a hre sa thoin ka ring a. Tin, kan Hospital-te leh PHC te, SHC angah hian kan harsatna lian ber ni a ka hriat chu, a thawktute an ni. Hei Lunglei-ah Hospital tha tak kan neih laiin specialized doctor pakhat den den kan nei a, pakhat a dam loh

chuan;- entirnan, nimiran pawh kan hnimhlum doctor chu a pa a dam loh avangin Aizawl-ah a lo kal a, tunah sawn operation ti dawn ila a theih miah loh Lunglei-ah sawn, chutiang khawp chuan harsatna kan tawh tlat mai a ni. Chutiang chuan practical tak taka harsatna kan tawh ang chi hi a man power hi a ni tih a chiang a, hei hi Sorkar hian kan enchak a ngaiin ka hria a. Tin, chumi rual chuan Doctor bakah Nurse indaih lohna te, IV Grade thleng hian a nasa em em mai a, chung chu kan Minister hian a hriat tawh sa ni mah sela min lo chhinchhiah sak leh sela. Hei kan Lunglei Hospital hi ka tlawh zeuh zeuh va, Civil Hospital hi Casualty a nih dan tur ang pawh hian kan la function thei lo reng reng. Doctor-te hian an hna pangngai bakah remchangah tiin a loh theih bawh si lova ti sawn kan ti naw naw rei tawh khawp mai a kum tam tak, chuvang chuan hei hi ka ngai pawimawh khawp mai.

Tin, thil dang ka'n sawi leh duh chu hei MBBS zir tur engemaw zat Sorkarin kan la a, Government of India atanga quota pawh engemaw zat kan nei tih ka hria a. Chutih rual chuan vawiin thleng hianin Government of India atang hian kan quota-ah min rawn release-na hi kan la dawng miah lo, August thla hian class tan a ngai tawh bawh si a Pu Speaker, a buaithlak hle mai, inchinfelna atan hian hun a tlem hle tawh mai a, chuvang chuan, hei hi ngai pawimawha tihraan a tulin ka hria.

Tin, Demand no. 28-naah hianin Labour & Employment-ah hian pahnih khat lek ka'n sawi leh duh chu Pu Speaker, Youth Commission, Sorkar hmasain kan term tawp lampanga ruahmanna an siam a kha kan tithisawn a ni ringawt ta mai fel lo ka ti khawp mai. Kan tunlai khawvel hi thalai khawvel a ni tawh a, chumi avang chuan thalaite tihphurna tur atan leh eizawna mumal an neihna tur atana ruahmanna he Youth Commission hmanga kan siam hi vawiinah hian a function hleithei ta lo hi pawh ka ti khawp mai a, kan Minister-in helai hi min sawifiah sak thei sela ka duh khawp mai a. Tin, Labour Law te leh Rules-te kha eng nge ni kan thlen chin tih te kha ka'n sawi leh duh a ni.

Trade & Commerce lamah khan khawchhak lampanga kan trade center-ah kan kal tha viau kan tih lai khanin Kawrtuichhuah lam hi tlemin kan hnufum deuh a ni lo maw ka ti a.

Tin, Demand no. 42-naah hian Transport kan hmu a, nikum aiin nasa takin pawisa an budget a tlahniam a. Sorkar hmasain a restructuring a sawi thin a kha tun Sorkar hianin a bawhzui ta lo nge ni tih kha ka question duh a. Tin, chumi rual chuan an Revenue Collection, Transport Department hi kum thum chhung hianin an rawn tarlang a, 2009-2010, 2010-2011, 2011-2012 helaiah hianin thil mak angreng tak chu Pu Speaker, MST bika an lakluh zawng zawng hi kan belh a kum thum chhungin nuai 649.78 a ni, chutih chhung chuanin MV Wing lama an lakluh hi a sang khawp mai a nuai 3495.03 a ni. Chuvang chuan, Transport Department helai kal dan hi enchin te pawh hi a tha viau mai ka ti a, MV Wing hian a hmu tam viau mai a, chutih lai erawh chuan MST lampang hi kan chau rau, a va in balance lo ve tih hi kan question a ni, min clarify theih chuan a lawmawm khawp ang.

Tin, hei nikuma kan Budget Session khan July thla khanin kan Minister zahawm tak khanin Amendment Bill pakhat a putluh kha a awm a, eng nge ni one time tax pek dan tur tih ang chi te kan hre vek a. Khatah khanin a thusawi pakhat khatah khan Transport Vehicle, a bikin Public Career bikah hian tuna kan hman lai atang hian 20% vela sangin revise a ni a ti. Hei kan buaina em em chu Lunglei lamah chuan Aizawlah chuan a nive lo maithei a. Autorackshaw hi Lunglei khawpuiah sawn 700 atanga

800 inkar kan nei a, hetah khawpui lian lutuk loah an nei deuh fur baw k a. Tuna Autorackshaw te hianin vawiina tax an pek hi kumkhatah cheng 850 a ni a, a existing rate a hma ami kha Rs 250 a ni a, 20 % ang chuan pung ta ang sela kan Minister zahawm tak sawi ang hian cheng 300 kumkhatah an pe tur ni awm tak a ni. An buai khawp mai hotute pawhin minrawn phone thin a. Chuvang chuan vawiina cheng 850 an pe hi a siam danglam leh theih dan kawng a awm em tih hi ka'n sawi duh a ni. Kan Minister-in a commit te pawh a ni maithei a, hei helaiah hianin a speech-ah khan sawilan a awm avangin chu chu min chhang thei sela tih kha ka duh khawp mai.

Chuan Pu Speaker, ka tawp tep tawh a, Transport thoah hian ka'n sawi duh chu hei kan kawng hi a tha em em tawh mai a, keini bial hla deuh Lunglei lam kawngpui te tlemin a lo tha deuh tawha kan Driver-te hi tlemin an fimkhur deuh ngaiin ka hria a. A bik takin Sumo Driver te, kan insu thuk thuk zel mai a. Hei hi driving test-te hi mumal takin kan pe lemlo nge maw ni aw ka hre chiah lova. Chuvang chuan Highway-ah te a changin an driving test ti lai te ka hmu thina, Sairang kawngah te a tha ka tilo khawp maia. Chuvang chuan driving test-na tur atan hian a bik takin driving test ground te hi kan nei thei dawn ta em ? Tin, Inspection ground te pawh hi nei a tulin ka hria, tin, kan Aizawl khawpuiah a bik takin hei motor a tam em em tawh mai a. Two wheeler phei chu a tam a tamin a tam tawh a ni. Motor khalh tan phei chuan kan fimkhur tawp emaw kan tih lai hian Hmeichhia hlei hlei hi ka'n ti teh ang an khalh huaiin ka hria, min su teuh khawp mai a, ka khalh zauh zauha. fimkhur hianin a tlin loh chin a awm a. Chuvang chuan thihna a thleng zeuh zeuh tih kan hria a. Chumi rual chuan hetiang hi engtinngge ni kan tih ang tih hi ngaihtuah hi a ngai tawhin ka hria a. Tlem lai deuh khanin kan Minister khanin engemaw a han sawirik kha a awm a. Garage neilo phei chu engeni motor registration tih theihloh nge ni engemaw kha a awmin ka hria, khangte kha a reh ta khawp mai.

Tin, hei kan Deputy Speaker pawh hianin a ngaipawimawh vein ka hria a, min lo hrilh a, garage nei reng kan nih laia kan garage kawt lai tak maia motor zanah anrawn park emaw chhunah an park emaw motor kan han la chhuak tur driver bo tawh baw k si a mobile no kan hre tawh baw k silo tihte hi a tam khawp maia. Chuvang chuan heng zawng zawng hi helai kan khawpui kan administration leh kan kalpui danah hian enchian tur thil hi chu ala tam deuh a nilo maw tih kha Pu Speaker, ka'n tarlang duh a ni. Tichuan a tawp berah chuan pawisa kan hmuh ang ang a tlem a tlem hian tha tak hian kan Minister zahawm tak takte hianin kan department enkawl kaltlanga kan thawhna turah hian thawk ila tih hi ka duh khawp mai.

Vawiinah hian hei tuna medical college kan han sawi bakah khan kan MBBS quota hi tihpun dan kawng hi kan ngaihtuah hi a thain ka hria a. Hei thla 2 kalta khanin ka thianpa ka ti mai a. Professor Dr Rishana minrawn phone a, hei Mizoramah Indian Council of Medical engeni a hming ka hre chiah ta lo, meeting pawimawh deuh maiin min tir a. India ram pumpuiiah hian Board of Directors 7 kan awm a, chumi zingah chuan ka tel ve a. Ka thianpa kal a tum a, mahse Mizoram ka rawn thlang a ni a ti a. Zanzariah zankhat pawh ka lo eipui nghe nghe a. A hnenah pawh chuanin ka lo sawi a, kan quota 40 baw r vel hi 60 velah chuan kan pun a hun tawhin ka hria a, chuvang chuan tawngkam tha a ni pawhin min hnutchhiah ve ngawta, hei hi tih tak taka vawiinah hianin kan nawr a tulin ka hria. Thalai lehkhathiam vawiinah hian ram tana ro hlu tling thei tur kan ngah a ni, chuvang chuan vawiinah hian khati zawnga tan kan lak hi a tawp ber atan chuan a tul hlein ka hria a. Kan Minister pawh a fakawma, thil tam takah kan Health Minister a ni emaw Transport Minister emaw amaherawhchu heng rual hian thil tamtak kan ngaihtuahna karah thil thenkhat erawh hi

chu kan ngaihthah ang tih ka hlahu thilah thahnem ka ngaihna thilah ka'n sawi ve duh a ni.  
Pu Speaker, ka lawm e.

\* Speech not corrected.

**S P E A K E R** : Tunah chuan Minister-te kan ko tawh ang a, sawihona lam kan duhtawh tawh ang a. Minister zahawm tak Pu P.C. Zoram Sangliana sawm ila wind up pahin passrawn dil nghal rawh se.

**Pu P.C. ZORAM SANGLIANA, MINISTER** : Pu Speaker, vawiih i remtihna leh Governor-in a recommend-na kan dawn angin Department pathum Printing & Stationery, Art & Culture leh Transport Department-te kan pawisa hman turte pharhna kan han nei a, chutih rualin member-ten thahnemngai takin in sawi a. Printing & Stationery-ah member sawmin an rawn thailang zauh a, Art & Culture-ah member sawmpathum-in, Transport-ah sawitu zawng zawng member sawmpangaten an sawikim vek a. Member tinin an sawite react ai hian kan Officer-te vawiih heng Department zawng zawng ami Directorate leh Secretariat lam amite keimahina kan member zahawm tak takte thusawi ka lo chhinchhiah bakah khan min chhinchhiahpui vek a, chung chu nakinah kan la thlirho leh ang a, a tul ang te. Chungah chuanin member zahawm tak khanin ti khan a sawi a engtinngie tia kan la sawiho lehna tur atan khan a vai vai khan rawn react lovin kan Department-in kan hmalaknate hi rawn sawi ila chuta tang chuan member zahawm takten hriatchian duh an neih chuan

**S P E A K E R** : Khatiang ang ringawt kha member-ten an satisfy lova, kan Minister-ten floor-a an rawn sawi ngei mai in chhan theih theih in chhan kha an duh zawk. A policy-te hi chu a lang vek kan Budget buah hian, khami lo kha a ni an beisei thin ni, tih hram tum teh u.

**Pu P.C. ZORAM SANGLIANA, MINISTER** : Kan han sawi pah khan member-te sawi kha kan react tel dawn thova, tahchuan member-te khan kan sawi laia chulai chu enge ti a an rawn zawh kha a leng tho thin bawh a Pu Speaker, chutichuan kal ila ka'n tan a tha zawk lawng maw kan tih vang a nia.

A hmasa berin Printing & Stationery Department hi ka sawi ang khan member sawm ten an rawn sawilang vaih vaih a. Kan tarlan ang khan Rs. 13,96,78,000 hmanna turah hian a tlangpuiin a fakna lam ri hlir kha a rawn ri a, helaia kan sawiduh leh kan budget-te pawh nikum aia alo pun chhohna dan hi member-te hriat atan a tulin ka hria a. 2011-2012 khan non-plan-ah deduct recovery paih hmain nuai 888.59 kan nei a, plan-ah nuai 185 kan nei a, centrally sponsore scheme leh pawn lama kan hmuh atangin nuai 330.38 kan hmu a, a vaiin nuai 1403.97 kha kan nei a, deduct recovery nuai 100 kan han paih tak hnuah kha chuanin nuai 973.59 kha kan neih a ni a. Kuminah hi chuanin non-plan-ah nuai 1286.78 hemi a rawn nih tak nachhan te pawh hi kan sorkar tantirh atanga kan lo sawi thin Department ang pawha kan buaipui nghal char char 'strengthening of Government Press and Establishment of first Printing Institute in the North East at Aizawl' tiha a hmung pawh khatih laia Union Minister Mani Shankara'n min phuah sak ti a kan sawi thinah chuan hmalakna a lo lang chho ta a. Hemi project hi nuai 875 man kan thelut a, nuai 875 atangin nuai 842 min pawmsakin 1<sup>st</sup> Instalment-ah nuai 330.38 min rawn sanction ta a, quotation-te tihchhuah a niin tunah phei chuan member zahawm tak takten an rawn sawi angin khawl hrang hrang bun a ni tawh a, bun chhoh mek zel a ni a, tun atanga reiloteah hian 2<sup>nd</sup> Instalment pawh hmu turin dawng turin kan inbeisei a ni. Hetianga khawl kan han bun rual hian Ministry

tharin sorkar officer-te a koh khawm tuma kan Chief Minister zahawm takin a sawi, 'kan hnathawhna reng rengah quality kan compromise tur a ni lo', tih hi kan department-in a bikin kenkawh kan tum tlat a ni a. Kan pawisa neihah hian kan Plan chhungah a ni emaw hetah hian Stationery supply-na turin pawisa awm reng mah sela, Demand a awm si loh chuan kan pe ngawt ta lo a ni. A hmaa lo chhek khawl tam takte kha sem turin Chief Secretary atangte leh Finance atangte leh keimahni Secretariat atanga kan tih mai bakah tihchhuah reng a ni a. Chungte avang chuan Demand awm lo hi chuan stationery supply ang te hi kan pe ta ngawt lova, chutiang chu kan kal dan hi a ni a. Chuvang chuan heng ang kan hnathawhna tur chungchang pawh hian kan khawl bun turte hi printing lamah chuan kan bun mek leh kan bun zel turte hi khawvela tha ber ber, German siam Hydelburg an tih te, USA siam leh Japan siam te a ni a. Amaherawhchu sawi angin he project printing khawl hi 1<sup>st</sup> installment leh 2<sup>nd</sup> Installment ami tur hi thawk ho, hman ho ngai a nih avangin 1<sup>st</sup> installment atana...kan han hmanralna tawh te pawh Planning Department-in Ministry-ah min theh luh sak a. Hengte hi tun atanga ka sawi ang khan reilo teah lo kal tur a ni.

Tichuan company dang lamte nen pawh allotment chungchang sawi hovin kan mithiam neih sa te nena tang tlangin Printing lama training-na hmun pawh hi ruahmanna siam mek a ni a. He training-na tur Printing Institute, Central lam pawhin min duh pui leh tha an tih em em, India hmarchhak pawha pakhatna ni tura min ruahman sak leh chumi hawia min han sanction sakah pawh hian kan mithiam lo chhuak thar zel te tan pawh kawng kan hawng nghal a ni tih hi ka'n sawi tel duh a ni. Office building pawh thuan that chhoh zel a ni a. Revised Estimate chhungah pawh khan kum kal ta khan enggemaw zat state sorkarin a neih ang ang atangin a sum neih a tlem, dukhawp te chu tuman kan nei lo nachungin, chuta tang chuan min buatsaih sak a. Hemi atan hian pawimawh em em mai chu kan khawl neih hi A/C thahnem tak mai install mek a niin khawlte hi dust-free a ngaih hlawm avangin flooring leh partition lam pawh uluk taka kalpui a ngai a. Heng khawl tharte hi kan bun fel hunah chuan printing lama harsatna kan neih thin kha Mizoram pumpui ang hian phuhrukin kan awm ang a, phai pan fo a ngai lovang a. Colour chi hrang hrang kan chhu thei ang a. Sorkar leh Printing & Stationery hnuaia private Press te tan pawh chhawr nahawm tak a ni dawn a ni. Vawiihah hian private te chhawr tir dawn pawhin phaiah an kalpui a ngai tho a. Quotation an han chhang ve thin a, chutah chuan a hlawkna tam tak hi phai lam amiten an tel thin kha Mizoram chhungah hian a revolve tawh dawn a ni tih hi kan tum dan a ni a. Sikul text book te, colour calendar-te, Greeting card-te leh lehkhabu dang dang a kawmte pawh duhthusamin a chhu thei tawh a.

Hmanni lawkah MLA zahawm tak takte nen Budget Session, Vote on Account kan neih tuma kan thlirnaah pawh khan lehkhabu kan han barh lut a, an han set a, a inchilh sa vekin pheh 100 pawh nise, pheh 50, pheh 200 pawh nise a rawn chhuak tawh a, khatiang kha tunah chuan kan han chhawp chhoh hi a ni ta a ni. Hemia kan hmasawn zelna tur atan hian Aizawl khawpui thang zel tur thlir ranin Luangmual leh Chawnpui lama Department-ten a ram kan neih sa, Construction of Modern Printing Centre Rs.Vaibelchhe 10 leh nuai 5 chuang hreta concept paper, Urban Development Ministry-ah kan theh lut a. Anni min kawhhmuh angin DPR theh lut rang turin min ti a. Hei hi PWD lamin min buaipui mek a. Anni lamin an peih veleh hian a concept paper min remtihpui tawh a nih avang hian hmu leh mai turah kan inngai a ni. Hetianga kan tih rual hian Private Press neitute hi hman tangkai leh tihchangtlun hi kan tum em em a ni tih pawh hi ka'n sawi tel duh a. Mizoram chhungah hian Printing lam hna hi a tam ve khawp mai a. Chutih rualin kan khawl neih te hi a chak tawk loh avangin kan printing tam zawk, za a 80 zet mai hi phai lama chhut a ni a. Heng phai lama lut thla te hi kan ramah hian private emaw, kohhran leh NGO emaw Press- ah hian chhu thei vek ila kan sum tam tak hi ram chhungah a revolve thei dawn a. Chu chu keini pawhin kan han

ngaih pawimawh em em lai hi a ni tih ka'n sawi tel duh a. Tin, chu mai bakah department tinreng hian chhut tur kan neih hian Printing & Stationery ah hian....Printing & Stationery-ah hian rawn dawr nise Member thahnemngai tak takten an rawn sawi chhuah ang khan, chuta tang chuan quality kan control anga, kan control mai bakah khan a supply pawh kha a tha dawn a ni tih hi ka han sawi tel duh baw k a ni.

I.T. lam hmang tangkai turin theihtawp chhuahin department lam an inbuatsaih a, chumi atan chuan tunah hian kan Mizoram Gazetted Website kan peih thawkhat tawh kan tih kha duhthusamin a tha taw k lo deuhhle k a, ennawn leh a, hman awlsam friendly zawkin anih theihna turin hmalak mek a ni a. Tin, kan Stationery lamte pawh tihchangtlun a hmalak niin Planning lam pawhin hemi atan liau liau hian cheng nuai 10 lai mai min han phalsak a, hengte pawh hi House-a Member zahawm takte ka'n hriattir duh a. Costing leh billing lamah pawh computerize tura ruahman vek a ni. Revenue collector, engnge ni earning department-ah tan tumin hma kan la mek a, chung chu ka'n sawi tel duh baw k a.

Tunah hian tihtur tam tak kan neih zingah hian Annual Plan hi nichina Member thahnemngai takte rawn sawi ang khan tlem angin a rawn lang naa keini department hi chu State Plan chhung atang ringawt lova Central leh Doner Ministry lampangte, Urban Development Ministry a Printing & Stationery Directorate-te tin, Doner Ministry atanga te, a haichhuak tur kan nih avangin kan lawm thona chu kan staff thawktute hlawh daih dah a ni hi chumi chuan phurna kan hnathawktuteah a siam a, chumi piah lampangah chuan hmun danga thil tih turah pawh khan tha takin hna an thawh theih phah a ni tih hi ka'n sawi duh a. Pawisa hi dik leh fel tha takin kan han neih ang te hi tangkai taka hman chhoh kan tum leh a, a tam ber hi publication leh supply material atana dah an ni tih pawh kan sawi duh a ni. Stationery lamte pawh tihlen chhoh zel niin hetiangin hma kan la chho zela, hetiang hi kan department Printing & Stationery kan enkawl chungchang bikah hi chuan ka'n sawi duh a ni a.

Notification hrang hrang leh Service Rules leh Mizoram sorkar in Dan a siam reng rengte leh sorkar hnathawk Recruitment Rules-te hi Mizoram Gazetted-a chhuah vek a ngai a, hemi avang hian Press materials-ah hian mamawh a sang em em mai a, Department tam takten duhsak zawng private Press-ah an booklet leh form hrang hrangte an chhut tir thin avangin Government Press hian revenue a hmuh tur ang a hmu thin lo a ni tih hi ka sawi nawn leh duh a. Hemi hi vawiina Member thahnemngai tak taktena an rawn sawichhuahah pawh khan a tel baw k a. Khawngaih takin Government Press kaltlang hian rawn tih hram hram nise tih hi ka sawi duh baw k a ni.

**S P E A K E R** : Dar 4:00 a ni a, kan sawi ang khan kan Minister khan a wind-up-naah khan write-up a chhiarchhuak tho thova, a harsa chuang lova chawlhsan pawh khan a chhiar bak kha a chhunzawm leh mai anga. A chhiar bak chinah khan a rawn chhunzawm leh mai anga dar 4:00 a ni a khawngaih in thu rih rawh. 'Chuanin kan chawl anga, hei kan Minister-ten thingpui min buatsaih sak niawm tak a ni a ka hre ve miah lova, tilai lehkha them vel kan en hian kan inpeih tawh e tih lampang hi a rawn lut tlat mai a. Inpeih tawh anih kha chuan inpeih tura inbuatsaih an awm anih hmel a, kan chawl rih anga dar 4:30 P.M. ah kan thu lut leh anga tichuan, Hon'ble Minister khan a wind-up-naa a hmabak chin kha lo chhinchhiah mai selangin, a chhunzawm leh mai dawn nia, thingpui i in teh ang u aw.

**4 : 30 P.M.**

**S P E A K E R** : Chuan Minister zahawm tak Pu Zoram Sangliana khan windup kha tunah lo chhonzawm leh nghal se la.

**Pu P.C ZORAM SANGLIANA, MINISTER** : Pu Speaker, Printing & Stationery chu zoah inngai mai a, Member zahawm takten kha lai kha an rawn lut thuk vak lova kan hmasawnnate leh kan hmalak mekna te min lawmpuina thu leh induhsakna, kan hmalak zelna turah te pawh induhsakna kha an sawi ber a ni a. Printing & Stationery kha chu kan duhtawk mai ang a.

Art & Culture Department bikah hian nikum khan Non Plan-ah Nuai 473.12 a ni a, Plan-ah Nuai 600 kan nei a. Tin, work transfer kha Nuai 120 kan han nei a. Khatiang nen kha chuan 953.12 lakhs ang a total-ah khan nei kan ni mai a. Kumina kan han pharh takah hian Non Plan-ah hian 544 a ni a, tin, Plan-ah hian 128.44, tin, 13<sup>th</sup> Finance Commission atangin nuai 150 a awma, avai hian Nuai 822.44 a ni a. Member zahawm takten an han sawi ang khan helaiah hian kan Plan-ah te tihlem angin an lang a. Amaherawhchu kan hriat tur chu helaiah hian nichina kan chawlh hmaa kan sawi ang khan hemiah hian kan hnathawktuten an hlawh phang lova an awmna tur hi dah a ni tih ka'n sawi duh a. Hetih rual hian he Department hi Department te reuh te tiha hriat thin a ni a. Nichina kan Member zahawm takten an sawi angin engeni kan tih ang, P.A. Set leh guitar-te sem emaw, VIP lo kal nikhua pawha han lam tleng tleng mai thin ang a ngaih hi a ni a. Mahse chutiang ang chu a ni hauhlo mai a Pu Speaker, Mizo thalaiten he Department kaltlang hian 2010, March thlaah khan World Record, Cheraw, hnamlam mawi tak hmangin kan lo siam tawh a. Chumi rah kal zelah chuan khami kum vekah khan October 3 a Common Wealth wawi 19-na India ram khawpui New Delhi-a awmah khan, kan Cheraw kan thiamte mi 80 lai kan zuk tirh thlak bakah, Indian delegates te hruaitu tur khan Mizo nula incheia inchei, vakiria khim, kawrchei ha, puanchei bih khan, nula hmeltha tak khan Indian delegates 1500 rual hma kha a hruai a ni a. Chutiang chuan India ram chhungah leh helai bawra min han chuhpui ve rum rum te tana chuh a chuh chi lovin kan awm a, kan hlim hle laiin a tukah chanchinbuah khan Naga dress te min han tih sak a, khang zawng zawngte pawh a hmuna kan awm lai a ni a, kan han bei nghal a. India ram hmun hrang hranga thalai rual te chumiin a tihnatte chuan an rawn Complaint chur chur baw a, a tukah khan siamthatna an rawn siam zui ta.

Chumi anih ang chuan Pu Speaker, he House zahawm takah hian hemi kaltlanga malsawmna kan dawn hi han sawi chhuah tel ka'n duh chu Alnwick, (I wick tia lam tur niawm tak a ni,) International Music Festival-te hian kumin August ni 4-11 hianin ..... New Castle atanga Km 200 chuang vel bawr a ni a, London atang pheii chuan 400 chuang lai a ni awm e. Chumi hmunah chuan hemi Guinness World Record siamtu Minister leh Cheraw kan thiamte hi he hmunah hian he 37<sup>th</sup> Music Festival leh Praise & Worship programme hmang tur hian sawmna min rawn pe a. Tah chuan chanchinbute pawha an rawn tarlan ang khan April thla chhungin passport nei, Cheraw kan thiam mahni sum intum theite tan dil theih a ni tih ka han chhuah a. Dil an rawn awm lova a hnuah khan kan han bawh zui leh a, May thla chhung kan han hawng leh a, tah chuan thlan ngai khawpin an rawn dil ta a. Tunah hian practice mek a ni a, dama Pathianin rem atih chuan tun ni 1-ah hian chungte chu chhuakin ni 4-ah helai hmun hi thlengin ni 4-11 August 2012 hian hman tur a ni a. Kei ngei pawh hi, hemi kaltlang hian he kan Cheraw kaltlanga kan hnam lam kan zuk puan hian zai leh chawimawiin kan Pathian kan fak ang a. Keimah ngei pawh hi a hminga thusawi tura ruat ka ni ve te hi, kan hnam lam mawi tak hmanga Pathianin a inpuan duhna, a inchawimawi duhna hi ropui ka ti a, kan sawi tel talh talh duh ani. Chutiang tur chuan kan Chief Minister pawhin min remtih sak tawh a, tin, chumi bakah political clearance pawh kan nei tawh nghe



nghe a. Hengah hian kan thalaiten kan hnam lam mawi tak hmangin an zuk puang chhuak dawn ani tih kan sawi tel duh a. Hemi hi Department te reuh te ani chungin... ..Puang chhuak dawn a ni tih hi ka han sawi tel duh a. Hemi Department te reuhte a ni si a, a thawm hi a na ve hrep mai a, tih kha ka'n sawi tel duh a ni e.

Vawiin hian Pu Speaker, Member zahawm tak takten thahnemngaihna thu bawk an han sawi rualin an thahnemngaihna leh duhnate an han sawi a, ka lo chhinchhiah vek a, chung ka lo chhinchhiahte chu han react pah leh kan achievement-te han sawi pah khan hrilhfhiah kha a remin ka hria a. Chutiang chuan han sawi hram hram kha ka duh a. Tun tumah hian District Library Champhai hmunah kan han hawng thei hi lawmawm kan ti khawp mai a. Hei hi kan district khawpui pakhata District Library han neih lehna hi January ni 20, 2012 khan RRLFF atanga kan fund hmuh hmanga kan sak chu kan han hawng ta a. Tunah Saihaah sak leh mek a ni a, duh ang chuan District-tinah hian luh chhoh zel kan tum a, Sub-Division hmunah pawh luhtir kan tum a. Hemi ka han sawi chian leh duhna chu, hemi sum min petu RRLFF-te hi an inhuam angreng khawp mai a. Atirah pawh khan, "Nuai sawmnga kan han ti ang a, a bak min han tum ang che u," kan han ti a. Annin 90 an tum a keinin sawm kan tum ang kha a ni a. An phur hle a, kuminah pawh hian tam tak thahnem tawk tak mi pek leh an tum a, Library sawmhnih panga bakah eng emaw zat mi pek belh an tum a. Chutia an tum lai chuan Central lam atanga pawisa hmu ve tho kha an ni a, an hmuh tum ang chiah kha an hmuh tak si loh avangin tlema kan tum, Library sawmnga chuang sa tura kan inngaih kha kan thleng pha lo a nih pawhin engemaw zat chu kan sa thar leh dawn a, hetah hian a criteria a awm a. Pu Speaker, kan sawi duha chu Library an lo din tawhnaah khan eng pawl hming pawh ni sela Registrar NEO an ni ang a, chutah chuan kum thum chhung Audit statement fel takin an nei tur a ni. Tin, Library-ah building kan va sak sak turte chuan a tlem berah khawpuiah chuan bu sangthum an nei ang a, khawdangah chuan sangkhat zanga an nei tur a ni tihte khatiang khan dan kha a awm ve thlip thlep a. Khatiang kha MLA zahawm takten in Biala mi kha in rawn duhsak dawn a nih pawhin khang dan kha in rawn zawm ve thlip thlep dawn a ni tihte kan sawi duh a ni. Tun kum kal ta chhungah mai khan nuai ruk zela tanpuiin khaw rukah Library kan sa a. Tah hian Government Library hi paruk kan nei a, NGO Library 459 kan nei a, Lehkhabute Library-ah kan nei thahnem ve ta khawp mai a. Tin, Almirah-te kan sem a, tin, Computer-te kan sem a, chumi bakah Computer-te kan sem a. Pu Speaker, i bial Chaltlangah pheh chuan kan Computer sem dan an ni ve a, an Library Computarise chu min hawn tir nghe nghe a, a lawmawm ka ti khawp mai a, Mizoramah a hmasa ber a ni nghe nghe a. I bialin a hmasa ber an han ni kha a lawmawm ka ti a. Khang kan han thlante kha pahnih theuh kan pek rual khan anni chuan puitling tan 1<sup>st</sup> Floor leh ground floor-ah naupang tan, an Library-ah thliar hrangin an Computarise ta nghe nghe a, a lawmawm hle a, keipawh chutiang chuan member-ah ka han inpe ve nghe nghe a ni.

**S P E A K E R** : Ka bialte chu theu neu lo tak an ni.

**Pu P.C. ZORAM SANGLIANA, MINISTER** : A lawmawm e. Chutiang chuan midang ho pawh kha kan han beiseina lai tak chu Library Computarise turte hian kan han ti a, chutiang chuan a pek pawh kan han pe a ni. Chutichuan heng State Library leh District Library hrang hrang kan neihte hi tlawh tu pawh an pung ve ta viau kan tih laiin, kan sawi angin kan Secretariat bul lamah Library kan han nei ta dawr a, hei hian a hmun a laili loh avangin tlawhtu kan tlahniam deuh em maw ni aw!! kan tih laiin tlawhtu kan lo thahnem ve zel a.

**Pu LALDUHOMA** : Pu Speaker khawngaihtakin khami Library nuai 6 a sak tur kha chutiang khatiang chu an qualify tur a ni tih kha a tirah min hrilh si lova, kan Minister

zahawmtak hian commitment min pek angin ka bialah khaw hnih kan lo tichho ve a, tikhan an thlang lo an thlang lo a, tun hi kan thlang ta a. Khawtlangin an hrevak tawh a kan Minister commitment kha, khatiang khan an lo tling chiahlo a nih pawhin India standard ang kha kan phaklo a nih hi maw le, Health Sub Centre-te pawh an tih lohna hmunah kan dah teuh a, khatiang ang deuh khan commitment lo siam tawh kha chu min kaltlangpui thei a ngem aw? Pu Speaker Sairang Library kha a tel dawn e, Sihhmui nen a ni a, kan Officer-te pawhin min hriatpui tho baw a, tikhan kan lo en dawn nia.

Tin, heng Library mai bakah hian Museum-ah te pawh hian hmasawna kan nei a, hei pawh hi han sawi tel ka duh a. Mi luh lohna deuh hlek a ni a, mahse kan hmasawna hi sawilan ka'n duh chu Kolkata Museum ah kuan Mizo hnuhma a lang tlem hle mai a, ti zawng chuan sawi ta ila, engemaw tlem a zawng incheina leh thil then khat a lang a ni mai a, kan Lo neih dan te ti mai ang mihring size a siam mai ang monograma ti mai ang chutiang ang chi te chu tun Financial Year chung ngei hian dah kan tum a, thlak Mizo Pa Incheite, Mizo Nu Incheite, Mizo Naupang Inchei te, khatiang ang chi te kha kan thawn thla vek tawh a, chutiang chuan tunah hian hmalak mek a ni a, tun Financial Year a ral hi chuan India Museum Kolkata-ah in len hunah pawh Mizote pualin Room pakhat hi a awm ve tawh dawn a ni tih hi ka'n sawi duh a. Mizoram chungah chauh ni lovin, Mizoram pawn Museum-ah te pawh hma kan la a. Chutiang chuan India Museum-ah an Director-te leh hnathawktute pawh an inhuam em em a ni.

Helai kan sawi lai mek hian Pu Speaker nidanga kan sawi thin ang in, kan inchoon vena deuh pakhat awm leh chu kan Department hi a te ang ang in nidanga la awm ngai miahlo High School naupangte tana excursion kan han buatsaih thei hi lawmawm kan ti a, tunah batch 7-na thlang kan kal tir tawh a, tunah hian fur tui a tam avangin kan han chawl rih a, hei pawh hi chhonzawm leh tur a ni a, batch khatah hian naupang 38 te kalin, kan bial hrang hrang ami High School hi an kal kim tawh thawkhatin ka hria a, kal lo an awm tawhlo mai thei e, MLA bial 40 chung a tang hian. Chutiang chuan School naupangten an zirilaibu ami an chhiar thin a kha, a takin thil hluite leh thil pawimawh te, an zuk thlir thei hi a lawmawm kan ti a, chu chu tun Sorkar tharah Change chu a ni tel a ni, Mizoram Plan pawisa ei hek lova kan tir thei hi lawmawm kan ti hle a, naupangte tak hian lawmawm an ti a.

**S P E A K E R** : Israel ram kal pawh an hnaih thuak tawh a ni maw?

**Pu P.C. ZORAM SANGLIANA, MINISTER** : Pathian zarah a la theih mai theih a sin, London chhakah Cheraw kan turin kan kal dawn a nia, chuvangin a bak pawh hi thil hi tih tur hi a lo awm zel mai a, tin, heng zawng zawng kan tihnaah hian kan sawiduh chu kan Chief Minister hian hma min lakpui zar zar zel a, Chief Minister-in hma min lakpui avangin a chak thin tih te pawh hi ka'n sawi tel tal tal duh a ni.

Tin, Cultural Programme hi Mizoram chungah chauh nilo hemi kan Plan Budget bakah hian NEZCC hnuaiha te Programme tam tak kan nei a, chuvangin nichina Champhai North bialtu zahawmtakin culture centre hmun keimah phei chuan Mizoram Cultural District hmun a ni e, ti hial a kan sawite a ni a, khatiang kal khat ni awm taka an sawi kha kan lo chhinchhiah a, hun remchang hmasa lamah anni ho pawh kal tir dan kan lo zawng ang tih hi ka'n sawi duh a ni. Tahchuanin, he mi keimahni plan pawn lamah NEZCC atangtein wavi tam tak kan tir thei a. Chung ang te chu kumin-ah pawh hian tirh leh kan tum a ni tih ka'n sawi duh baw a ni.

Tin, Chapchar Kut hi kan Kut pawimawh ber a nihna angin kan ngaipawimawh hle a. Kumin bikah pheih chuan kan Secretary zahawm tak kaihhruaina hnuaiyah NGO hrang hrangte leh Department Officer-te nen Chapchar Kut lo thlirlawktu Committee kan din a. He mi kan Plan sum awmzia kan hrechiang a. Tin, chutih rualin District Capital tinah, Aizawl khawpui bakah District dang 7 ah kan han hmang a. Hei hi Mizoram awm tirh ata District tina vawikhat hmanna awm chhun a ni tlat a ni. Chu chu kan chhuanna em em a ni bawk a. Tunah chuan, District-ah mai kan duh tawk lova, Sub-Division-ah te kan duh a. Tin, ram pawnah te thleng pawhin Shillong lam te, Manipur lam, Churachanpur lam Group YMA-te pawhin Sum leh paia tanpui dan a awm em anrawn ti ve reng mai a. Bangalore, Kolkata leh New Delhi lamah te, Mizo tamna deuh apiangah chuan hengte hi an beisei ve thin te a lo ni a. Chutiang deuh chuan Aizawlah pawh changtlung deuh zawk leh District Capital-ah te, a theih pheih chuan Sub-Division-ah te chutiang chuan hmang turin a kawng zawn ni se kan ti a. Kan Plan chhung atang mai ni lovin, mite tana malsawmna ni turin, chutiang chuan an thukhawm a. Hetah pawh hian beiseina kan nei sang hle a ni tih pawh hi House-ah hian ka'n sawi tel duh nghe nghe a. Nikum chhung khan heta tan hian Aizawl Capital leh District 7 a kan hmanna atan khan Rs.17,00,000/ kha kan han hmang a. Kumin-ah chuan kan hriat angin kan Plan sum te a tlahniam angin a lang na-a, hetiang thil tul kan hnam par chhuahna leh kan hnam pawimawh ang thilah hi chuan kan hotute hian tih dan kawng an zawng zel dawn niin kan hria a, kan lawm em em a ni tih ka'n sawi duh bawk a ni.

Tin, 13<sup>th</sup> Finance Commission hnuaiyah hian hmalakna kan nei a. Calendar ah pawh khan arawn lang a. Khang kha chu chipchiarin karawn sawi lo mai ang a. Heta kan han tum ber chu thil vawn that hi a ni. Pi pu sulhnu-te ni satliah ringawt lovin, Mizorama hmarawn hruaitu nichina Aizawl West I Bialtu MLA zahawm takin arawn sawi ang chi te, Bangla te leh thil pawimawh chi hrang hrang ang chi te pawh kha tah hianin humhalh kan tum a. Pi Puii Bangla, Durtlang te, Sairang Police Outpost te, tin, Chief Saihleia residence, Samlukhai amite leh a dang dang te pawh humhalh chhoh ngei kan tum zel a ni tih hi ka'n sawi duh bawk a.

Tin, chutih rual chuan Khawbung khua-ah khian Hla Kungpui Mual an nei a. Chutah chuan Mizo hla phuah thiam leh thu thiam ho zawng zawng hi an mut tlar tir a ni ber mai a. Kha mi ringawt duhtawkt lovin helai hmunah hian Mini Museum tal dah a tha lawm ni ti a khilai khawtlangin an lo rawtna te chu Department leh Sorkar ang pawhin awm kan tihpui a. Khilayah khian Mini Museum te pawh kan sa dawn a ni tih hi ka'n sawi duh bawk a ni. Chutiang chuan, Mizorama thil lo thleng thar pakhat a awm leh ta a. ASI in Vangchhia a Kawtchhuah ropui chu waviinah chuan India rama Historical & Heritage Site-ah min puan sak ta a. Keimah ngei pawh a hmunah te han kalin leh ASI atanga hotu lo kal, Guwahati amite kan officer ten han hruaiin, chutianga hma lain, a hmunah an han en ta a. Khilayah kan hnam thil ropui tak tak, kan pi pute sulhnu chu India Sorkarin min humhalh sak dawn a. Tin, Border Area Development Fund atangte khualzinte leh mi zin vakvelte an chawlhna tur atan Rest House-te pawh Champhai DC-in min sak sak dawn nghe nghe a. Tichuan, keimahni Plan Fund atang maia a theih loh pawhin hmun dang ami pawh kan zawng zel a ni tih hi ka'n sawi duh a.

Tin, Culture hi Pu Rajiv Gandhi khan a sawi angin hnam inpumkhatna atan a pawimawh ber a ni tih hi kan hmu chiang em em mai a. Chuvang chuan, hemi NEZCC hnuaiyah hian Mizoram chhungah pawh hian nikum chhung ringawt khan Programme 10 kan nei a. Chungah te chuanin Bishwa Festival, Riang Community Festival tih te an sawi tel a. Bawngthahah te kan nei a. Tin, Zolentu Kutpui Kolasib-ah kan nei a. Kolasib YMA Sub-Headquarters chhung amite tana hman a ni a.

Tin, 'Marriage and Dowry in Mizo Society' tih te Chanmari YMA Hall ah nikum May ni 19 khan kan hmang a. Tin, Seminar cum Workshop on Folk Arts & Traditional Arts tih te Beraw Tlangah kan hmang baw a. Heng hunah hian Guwahati atang te, Jorhat atang te, Resource Person 3 Aizawl ami nen kan nei a, Co-ordinator te. Chutiang chuan hman an ni baw a. Tin, Indigenous Games hi Serchhip YMA Sub-Hqrs.-te nen tangkawpin kan hmang ho a, hlawk kan ti em em mai a. Umang Festival kan ti mai a, hemiin a tum chu Physically Challenge Person-te tan bik a ni a. Chutiang chuan Physically Challenge Person, naupang duhawm tak tak 29 lain an thiam thilte an rawn show leh siam vel te han hmuh chuan lungte hi an tichhiain Pathianin an hotute, zirtirtute kaltlanga a thiam tirtte kha mit a tlaiin a hlawhtling hle nghe nghein kan hria a. Tin, Exhibition cum Live show on material culture kan ti a, hengte hi kan hmang a. A rawn chhimtu ringawt pawh hi 2600 chuang lai rawn tlawhtute hi an awm thei a. Tin, Karna phuli Festival, Tlabungah te nikum November thla khan hman a ni a. Contemporary Music Festival of the North East te kan hmang a, chutiang chuan a ramchhungah pawh kan hmang a. A vaia kan sawi chuan a rei lutuk ang a Pu Speaker. Benglut tak tak, Drums Clubs leh khawilai Cultural Club hrang hrangte emaw hmangin hmun 13 laiah nikum chhung khan kan hmang a. Heng hmang hian kan hnam lam te leh kan ziate hi India ramchhung hmundangah te kan pholang nasa em em baw a ni tih ka'n sawiduh baw a ni.

Tin, nichina kan sawi ang khan Heritage Tour-te siam a ni a. North East India Indigenous Trade and Festival, New Delhi-a Indira Gandhi National Centre for the Arts-ah ni 1 atanga 11 April, 2011 khan Drama on Lianhnuna leh Tlanthangi, Mizo nula leh tlangval ngei mai kha kan artist 33, kan translator leh Leader te telin kan zuk show a. Hmuhnawm an ti em em a hei hi, an sawi uar ve hle a, keini pawn kan chhuang hle a. Tin, November ni 9 atanga 12 khan NEZCC leh WZCC sponsor-in Goa hmunah Octave 2011 kan zuk hmang a "A Mid summer night's Dream" tih te an zuk chang thei a ni. Tin, chumi bakah chuan Aizawl hmunah hian India Puppetry Festival, April 29, 2011 khan hman a ni a, hetah pawh hian State 9 lai atangin an lo kal a.

Tin, langsar vak lo han tarlan talh ka duh awm ve chu, Mizo Folk Artist thenkhatte hi zirtirtuah (Guru) atana appoint an ni a, mi 3 lai kan appoint a. Chu mite chuan senior guru an nih chuan thla khatah honorarium Rs.5000 an dawng a, anmahni puibawmtuin Rs.2500 dawngin, an student-ten thla khatah Rs.1000 an dawng a, hemite hian zirlai 4 an nei thei nghe nghe a. Tin, young talented person i ti mai ang, Artist-te hnenah chuan Award pek an ni a, North East Zone Cultural Centre kal tlangin. Chung angah te chuan Mizo thalai naupang 5-ten prize money Rs. 10000 leh TA Rs. 1000 leh Certificate-te an dawng baw a ni. Pu Speaker, 2011-2012 chhunga Art & Culture Department ruahman zat chu ka sawi ang khan Non-Plan-ah Nuai 544, Plan-ah Nuai 128.44, 13<sup>th</sup> Finance Commission atangin nuai 150, a vaiin Rs. 8,22,44,000 te hi a tangkai thei ang bera hman kan tum a ni tih hi House-ah hian ka'n sawiduh a. Tin, Member-ten thahnem min rawn ngaihpuina lai tak heng YMA leh NGO hrang hrangten tanpuina an han hmuh ve theih thinna ang chite pawh kha tunah hian awmlo angin ngai lo ila. Hengte pawh hi a tul ang chuan inpe thei turah inngai ila a thain kan ring a, chu chu ka'n sawitel duh a. Hetiang thil hrang hrangte hi vawiinah Art & Culture Department bikah chuan ka han tarlan duh te a ni e. (Interruption - Pu Joseph Lalhimpuia) Pu Speaker, khalai kha chu kan venthawn lai ber a ni a. Chumi tak avanga humhalh duh pawh kan ni a, a nihna originality bo khawpin khawimah hi khawih kan phal lova. Entirnan – Lamsial Puk ami sawi ta ila, chumiah chuan ruhro te an lo la fai takngial dawn a. A chhan ni awma kan hriat chu thahnemngaiin a bul thleng deuhthaw khan motor tlan theihnain an lo siam pek a, siam nawn tawh reng reng suh u kan inti nghe nghe a ni, a vel a mite. Chutiangin

Thasiama Se no neihna te pawh tunah chuan dawihzep deuh tan pawh awlsam deuha kal theih khan step te leh a chhipah te khan hriatreng nan lung angreng deuh te an lo phun a. Hengte hi pawh kan ti takmeuh meuh a, a originality bo lo thei tur ang ber hian heng hi tih kan tum.....

**Pu JOSEPH LALHIMPUA** : Heritage chungchang kha kan Minister khan hmalakna chi hrang hrangte a han sawilang a. Nizan hmasa mai niin ka hria Face book-ah thlalak pakhat an rawn tarlang a. Saikuti hlapuuh thiam thlan kha an rawn tarlang a, an chei tha angreng khawp mai a. Originality bo deuh thak khawp khan an zut mam a, khatiang chi kha hmundang dangah pawh awm theiin ka ring a. Entirnan- Thasiama Se no neihna tih ang chi te. Remchangah ka ngaipawimawha ka rawn sawi ve zawk a ni. Pu Speaker, khatiang kha heritage a nihna ang tak hian hetiang ho hi a originality bo loa humhalh theih hi a pawimawh khawpin ka hria a. Saikuti, hlapuuh thiam Thingsai khuaah a thlan an zalhna a awm a, an zut mam mawi angreng khawp mai a. Khatiang chi kha chu a fuh ber lo a ngem aw ka ti, hmalakna zelah ka rawn tarlang zawk a ni.

**Pu P.C ZORAM SANGLIANA, MINISTER** : ...Lung chhiat duhna, enge ni lung ang chi deuh te kha an lo phun a, hengte hi pawh kan ti takmeuh meuh a, chutiang chiah chuan originality bo lo thei ang ber hian heng ang hi tih kan tum a ni e. Heta tan hian a bik takin, keimahni department a inngai leh kan ngaih, INTACH kan nei a, hmanni lawkah nichina Palak bialtu MLA zahawmtakin a rawn sawi ang khan INTACH-te hmalakna atangin Lakher language & dictionary tih kum 1908 a lo chhut daih tawh kha, chung angte chu hai chhuahin a awm a, chhut belh turte min han hlan phal te, kan han chhu belh thei tur te hi kan lawm a, hei hi Printing & Stationery lamin kan chhu anga, te kan ti a, ti khan a inkaihnhawih bawh avangin chung ang te chu House-ah hian ka'n sawi duh a. Lakher, Mara naupangte tan, nakin zel atan a pawimawh a, hetah hian Lakher District Council Chairman zahawmtak Pu Hiphei`an a sawi dan chuan, 'He dictionary hi a dik hle a niang, A hi chi thumin kan tiri a, chumi chi thum rik dan chu a tilang vek a ni. Tunlai thangtharten an hriat loh pawh hi a awm a ni,' ti ten a rawn comment a, kan lawm hle a, chutiangte chu vawiinah hian, heng kan department kaltlanga malsawmna kan dawnte a ni a.

Chubakah chuan Archive, nichinah kan sawi hmaih dawn a, Archive-a a thil ro kan dah khawmna lai hi Pu Speaker, han sawi leh lawk ka duh a. Thil hlui tha, District Council hun atangte, hun hlui tak tak amite, thil hlui dahkhawmna tha kan nei tih hi ka sawi nawn leh duh a ni. Chuvangin department hrang hrang pawn in thil hlui in paih mai tur te hi khawngaih takin kan Archive-ah min rawn pe ula, nangmahniin Archive in lo neih loh pawn, kan lo vawng tha anga, kan lo dah tha ang e. Mi thenkhatten khawilai maw an lo dah tha, an lo remkhawm that diam te, an lo paih a ni tih kan hriat te hian pawh kan ti thin a, chutiang vawngtha tur chuan kan awm a ni.

Tin, Tribal Research atangin vawiinah hian hmalakna thui tak kan nei a, chung atang chuan lehkhabu published te leh thil la awm ngailo leh vang han tihchhuah leh te hi kan tih dan a ni bawh a ni. Chuan sawi tur a tam a, Pu Speaker, kan neih ang ang hi lawm takin kan ti a, chutih rual chuan Mizo hnam tana malsawmna ni tura theihpatawpa kan hnam ze rang leh kan nih phung te hi zak hauhlo a, chhuang taka pholan zel hi kan tum a ni, tih pawh hi kan sawi duh a ni.

Transport department-ah khan sawi ang khan Pu Speaker, member 15 te khan min rawn hawlsak vek maia ka lawm takmeuh meuh a, an thahnemngaihna a bik takin kan group leader pahnih te pheih chu an thahnemngaihna kha zahawm ka ti a, lawmawm ka ti a.

Khanga an thil beisei leh duh te kha kan han chhinchhiah ve bawk a, duh angin kan chhang kimlo ang tih ka hlau hle a. Heng ang thil hlui kan vawn that rual hian an method zir dan te hi, zawng ıla a tha lawm maw, ti a kan lo sawi kan lo sawi ve te a ni a. Entirnan,.. Kolasib-ah te chuan tun hma kum 1903 a an septic tank sak khu ala tha em em tlat mai a ni, chung angte chu vawiinah hian kan engineer te hian an zir atan thain ka hre khawp mai a kan mithiam te pawh hian, ( SPEAKER : Paih ala ngailo elaw) ngai lo reng reng. Khatiang khawp khan mite an thleng tam tawh a, an inthiar hnem tawh tehluul nen, khatiang ang deuh te kha a ni a, engtin nge khang technology te kha chhui nawn leh a, history repeats itself, tih ang zawng deuh hlek hian repeat tlat ang chi te hi chu repeat tura tan an lak a ngai niin ka hria a, kan sawi tel duh lawk bawk a ni.

Transport department bikah hian ka sawi ang khan mi 15 laiin an rawn sawi a, a hnunung ber kha han sawi hmasa ta lawk ıla, Pu Thangtea ka'n ti mai ang e, a niin a rawn sawi kan driver te fimkhur a ngai tih hi kan pawm ngawih ngawih mai a ni. An pualin, two wheeler driver emaw, taxi driver pualin emaw, driver chi hrang hrang pual hian awareness emaw, training emaw pek kan han ti thin a, Vanapa Hall ah te emaw, khawi remchangah emaw, an kal duh tlat thinlo mai te hi pawh hi kan ti a ni. Chuvangchuan, he House kaltlang hian department-in hetiang hi a buatsaih a nih chuan a bik takin two- wheeler te, chu ang chu training pek che u, department lam leh traffick lampang hian kan duh hle mai a, chutiang hunah chuan lo kal taima turin leh a bikin hmeichhe khalhthiam huaisen tak tak te hi kan han sawm duh bika, mipa ai mahin an huaisen tih hi comment kan dawn hi a ni deuh vek mai a, chutiang a nih avang chuan fimkhur a ngaia,khalhthiam rikngawt kha a ni lo a, traffick sign an hriat a ngai a, engkim an hriat a ngai a, chutiang tur chuan tih a ni.

Tin, Aizawl West-I bialtu MLA zahawmtakin a rawn sawi kan manifesto, kan Party manifesto,intiamna, enge ni, thawhhona thuthlung ti zawng ang leh kan manifesto ang te...kan manifesto min rawn highlight sak a, min rawn remind sak a ni a, kan lawm a. Khami kawngah khan tunah hian theihpatawpin hma kan la a, achievement han puan mai tur kan nei hleithei lo erawh hi chu hrehawm kan ti khawp mai a. Keimahni driver hote pawhin min nawr ve reng an ni a, theihpatawp hi chuan tan kan la a ni tih erawh hi chu ka'n sawi duh a.Foreign Driving licence neite hi chu an awm ve ngei tawh a, a zat chuti mai chuan ka pe thei lova. Khang kha chu mimal thei bikte an ni a, kan va train chhuah avanga ti an ni lo tih erawh chu kan pawm tho a ni. Hemia kan hmalak chhohna Member zahawm tak takten in sawina zara ka han sawi ve duh chu Transport Department kan nihna angin, nimin lampanga sawina engah khan, General Discussion-ah khan, kan Finance Minister zahawm takin Transport Department pawisa awm zat, Rs.335.23 crores a awm a ni tih han tarlan laiah khan han tarlan chian ka'n duh chu, khalai tak kha PWD lama 'Roads' lama kal nen hian head khatin a lo kal a, khatiang sawinaah kha chuan. Hemi kan Demand tihnaah hi chuan a hranpain a lo kal ta a ni. Chuvangin, vawiina kan rawn pharh nuai 4,468, cheng vaibelchhe 44 leh nuai 68 hi vawiinah chuan keimahni budget bik chhunga mi a ni e.

Kan han hmalak chhohnaah, Additional Central Assistance hnuaiyah bus 15 lei tur han tih hi, kan bus neih tawhte hi over-age te an ni a, tam tak kan tiral tawh a. Chuti a nih lai chuan, mamawhna a sang zel a. Tin, a bik takin nichina Champhai North bialtu MLA zahawm takin a sawi ang khan thawkkhat lai phei kha chuan, telephone-a min rawn hrilh dan takin, Champhai District pumpui hian tun sorkar hnuaiyah hian State Transport bus hniak hi an lo hmu lo a lo ni a, pawh kan ti hle mai a. Chuvangin, a mi rawn ngenna angin Department hotute nen kan sawi khawmin Farkawnah te, Khuangbungah te, Hnahlanah te kan han tlan tir leh thei ta a. Tin, a rawn sawi ang khan Champhai khi an DC Office khi han dawr tur khian kal a har hle a, khawpui atang pawhin, Bus emaw Sumo emawin Khuangthing atanga an lo

kal a, sumo-a an chuan man aia tam mah khi Champhai town chhung atanga DC office-a, Bawrsap office dawr tura an kalna chawi leh a ngai a. Chungte a nih avang chuan, hmanna kan kal khan Champhaiah chuan 'bus kan pe dawn che u a ni' tiin kan han puang a, vawiinah pawh hian ka han sawi nawn leh a, an pe tawh hial em, ka hre chiah lova. Bus pakhat chu Champhai tan hian pek tur a ni tih kha ka'n sawi duh a ni.

Hetiang hmalak chhohna han awm zelah hian hemi bus 15 neihna tur hi proposal kan han theh lut leh ta a. Hei hi Director, State Plan Division, Planning Commission, New Delhi ami tena min sihhmuh atanga ti kan ni a. Hei hi tun atanga rei vak lovah dawng turin kan inbeisei a ni. Chumi bakah chuan, khawpuiah te, district capital-ah te, a vai chuan la hma thei hrih lo mah ila, National Highway-in a tan tlang Kolasib leh Serchipah te hian bus terminal, nuai 390 seng ve vein sak turin kan tiin DONER pawhin min retain sak tawh a. Hetiang hi vawiinah kan ngah mek a ni a. JNNURM atanga, Ministry atanga bus 25 leina min pek atang khan 17 kan lei tawh a. Chumi chu first installment nuai 146 lo kal atang khan kan lei a. Kan state sorkarin a share tur kha a lo tum ve bawk a. Hengte hi tunah chuan Lunglei khawpuiah leh Aizawl khawpuiah kan tlan tir a ni a. Min pekna danah chuan khawpuia tlan tura tih a ni a, city han tihah hian. Amaherawhchu, mamawhna avangin, kan indaih loh em avangin, tulna avangin second capital Lungleiah pawh hian pahnih hi pek an ni tel bawk a. Heng bakah hian second installment nuai 179 hi a lak chhuahna tur pawh tunah hian Ministry-ah a awm a, reiloteah kan dawn kan beisei a.

Tin, kan Central Workshop hmun kan tih, South Hlimen-ah sawn driving institute changlung zawka din turin hma kan la a. Tunah hian a concept paper-ah chuan min pawm sakin DPR rawn tithla rang vat ula an ti a. DPR chu PWD-ten min han buatsaih sak leh mek a. Hemi kan siam ang hianin Central Ministry-ah lehkha pawh thawh tawh a ni a, Central-in hei hi min pek tura kan beisei, kum tharah a ni. Kan Plan hi hemi Plan chhung rau rauvah tlemin lang mah se keini Department hi kan vanneihna chu Central lampangah zu hai chhuah tur tizawngin sawi ta ila .....khatieng kha a awm leh hlahu thin hi kan vanneihna pawh niin ka hria a ni.

Tin, Directorate kan hmun ngai Tuikual South-ah kan sa mek a sak zawh ngei pawh kan tum a ni. Priority list 2011-2012 a kan rawn dah zingah hian Establishment of Driving Institute South Hlimen nuai 1021.50 kha pakhat a ni a, tin, Driver leh Conductor Training Center leh short training programme District hrang hrang amite tana buatsaihna tur te. High Security Registration Plate vuah hi keimahni state maiin kan tih a ni lo tih hi House kaltlangin Mizoram mipuite kan hriattir duh nghal a. India ramah motor ruk a tam em em mai a, chutieng a awm tawh lohna tur leh a rutu tam takte phe chu hel te an lo ni a, chung helten an khawihnten Supreme-ah thlenin India ram state tin te High Security Registration Plate hmang turin min ti a, MNF sorkar hunlai khan tender-te chhuahin a ti turte pawh lo thlan fel tawh a ni a. Tun sorkar-ah hian Cabinet pawhin vawi 3 lai mai a ngaihtuah tawh hnuah sorkar hmasaten an lo thlan ngei kha negotiate thla zelin India Hmarchhakah chuan a hniam berte zing ami i ti mai ang niin tunah hian he high security plate hi kan ti ta a, tun dinhmunah chuan motor thar 1200-in an vuah tawh a, motor hlui 950 laiin an vuah ve tawh bawk a ni. Chu chu member-te ka'n hrih duh a, a man leh mual kha chu hriat chian a nih tawh kha.

Tin chumi baka kan hmasawn lehna chu Smart Card Driving License leh Registration Certificate-te kan ti ve tan thei ta hi a ni. Helai bawr hi kan luh tirh atanga kan han sual ngar ngar kha a ni a, chumi a chu vawiinah kan han ti thei ta

a. Driving leh Registration certificate laminated print paper document-a pek mai thin kha 18.May.2010 atang khan Smart Card Base-a siam a lo ni ve ta a, he Smart Card Driving License/Registration Certificate hi copy khat Rs.94.50 man a ni a, Smart Card-ah hian micro processor chip dah a ni a, visual-a chhiar theih chin bak pawh chipah hian machine a chhiar tur information-te smart card-ah hian data a awm a, smart card siam hna hi M/SA-ID System (1) Mysore-te tih tir a ni a, chung ang kan hmasawna chu ka'n sawi duh a.

Tin, permit chungchangah hian a thenin pek teuh mai nise an ti a, sorkarin a ngaihtuah chho mek a ni a. Permit renewal hi a tihtawp ngawt theih loh tlat mai a ni, dan hmanngten engkima dana hung thlap hi a nih avangin miin dan hmanng khan an rawn dil thin si a, khami dan paihna kha kan la nei silova, chung tak te pawh chu dante pawh hi zir chian a ngai a, kan thiamloh pawh a ni a, Consultative coard-te pawh kohva kan thlir ho tura kan dah a ni a. Chutiang karah chuan record kan neih dan chu Pu Speaker, sorkar hmasa han tih hi indemna lam ni lo se, khaikhhin nan pawh a tha ve a, a tha lam inkhaikhin te pawh hi a tha ve a nia, sorkar hmasa kum 10 chhung khan kawng hrang hrangah hian 13107 permit hrang hrang an lo pe a, chung zinga 6088 hi local taxi permit, 471 hi Aizawl city Bus permit pek a ni. Tun sorkarah hian permit hrang hrang 3741 kan pe ve tawh thova, chu chuan Aizawl khawchhungah permit pekthar a awm lo thung a, amaherawhchu permit han tih thar ang erawh kha chu telh a ni.

Tin, chumi bakah chuan Department hia petrol pump kan nei a ni tih ka'n sawi duh a ni. Khi Chaltlangah khian kum 30 chuang lai kan lo hman tawh kha a hlui tawh a, siamthat te kan han tuma kan bawhzui char chara, tunah chuan hman alo ni leh tawh a, June ni 5 2012 atang khan he pump hi hawnthar niin diesel te a tul angin pek chhuah a ni ve tawh a ni.

Member-ten an rawn sawi ang khan kan Department in kan lawmna ber pakhat chu Inland Water Transport a kan hmasawna hi a ni. Tichuan Member zahawm tak Tuirial bialtuin a rawn sawi ang khan hemi hi a bik takin Bairabi leh Hortoki inkar amite phei hi chuan an hmanng tangkai em em tawh a, Hortoki a an thlai tharte hi hetah kawngpui lama rawn phurhchhuah ai chuan lawnga phurh thlak hi a awlsam tawh zawk a ni. Tunah hemi kan han hmalak chhohnaah chuan Tlawng lui hi zo thawkhat iti ang, an pawisa min rawn sanction atang chuan, amaherawhchu hei tlang rama awm kan ni a, kan lui te han thawk hi a na thin em em mai a, nichin chawhma lama kan ngaihthlak ang khan hetia pialtlep kan tifel vek tawh emaw kan tih kha a luikawr rawn luan dan te kha a rawn tidanglam leh tlat mai a, chung ang han enkawl lehna tur atan chuan Department-in hma ala chho mek a, hemi atan hian nuai 527.93, 100% assistant a ni a, hei hi a that em em bikna chu, chu chu kan hmu a, tunah hian sanction zo tawh a ni a, hemi hi zawngchhang tlat kan tih avangin Tut atan leh (interruption)

**Pu LALDUHOMA :** Pu Speaker khawngaihin, tunhnaiah hian mi thenkhat ten JCB hmangin Tlawng Luia balu khu an la a ni, manuala an zuk lak phak loh a chhungril ami khu an zu la chhuaka, chu chuan lui kawng khu a tichhe nasa em em a, eng nungcha pawhin a tuar em em a, accident pawh a hlauhawma, chu chu YMA-te hian an han khap ve ngawta, a department atangin, sorkar atanga khap ni selangin chuti a nihloh chuan kan suasa chhe lutuk dawn a, Inland Water Way atan pawh hman theih lohin lui luan dan a tikhawlo vek thei a ni, chu chu kan Minister hian lo hre tel sela tha hlein ka hria. (interruption)

**Pu P.C. ZORAM SANGLIANA, MINISTER :** Pu Speaker a lawmawm khawp mai kha kha, kan lo en anga, keimahni atanga kan titheilo anih pawn a ti theitu Department lamah kan



lo refer dawn nia, chu chu thil pawimawh tak a ni. Chu chu hemi Tlawng Lui bakah hian tunah hian DPR buatsaih mek,..te hmangin, Central a min rawn titutena hman tura min phalsak angin...Kan hmanga chu mite chuan Tut leh Tuichawng leh khawthlang tuipui tunah hian kan ti mek a, chu chu RITES Company-in min rawn phalsak angin. (interruption)

**Pu K. LIANTLINGA** : Pu Speaker tuna Inland Water Transport-ah khan nuai 500 leh engzat nge a tih kha? (interruption) lan tho tur awm, calumn a awm tho si a, a chhan chu CSS leh NEA leh CLRP a awm tlat lo a, chuvang chuan tah hian a lan naah hian budget-ah hi chuan minor works leh other charges tihah hian 5 lakhs chauh a lang si a, engatinge tihlan anih loh? Tuna sawi theih si, sanction awm vek tawh si, budget a khung lovin engtia hman tur nge ni ang tih kha ka'n zawt fiah deuh teh ang.

**Pu P.C. ZORAM SANGLIANA, MINISTER** : Tunkum ami a ni lova, kumhlui ami a ni a, khami kha maw, Pu Speaker, kumhlui ami a nih vang a ni e, kumhluiah chuan a lang ang ka ring. Chu chu tunah chuan ... thawh zawha kan tih tak tak theih chuan low class vassel fit 8 a zau, fit 21/- a sei, lawng hian 15 horse power khawl hmanga nawr kal, quintal 50 atanga quintal 100 phur thei hi service tir turin Bairabi leh Sairang inkarah hian kan inbuatsaih a, nakinah chuan permit dil theih tih hun te kan han hawng anga, khatiang kha helaia kan inbuatsaihna a ni a. Chumi kan zawngchhang avang chuan kan sawi ang khan RITES Company-in min phal sak angin hei hi Central sorkarin DPR siam tura thlang tura a rawn tih te an ni a. Vawinah hian Tut leh Tuichawng leh Khawthlang Tuipuite hi min ensak tawh a, tha tawkah an ngaia hma lak hmasak tur an rawn ti a, chu chu kan department chuan kan bawhzui nghal a, Central leh State sorkar atangin a detail project report siam phalna kan hmuh angin tunah hian EIRI ten an siam mek a, hei pawh hi kan beiseina a sang hle a ni. Engineers India Research Institute (EIRI) Pu Speaker, target khum tih lampang hi chu han sawi vak hian a dik takin a ngaihthlak pawh hi a nuam hran ber chuang lova, chung ai zawk chuan hei kan pawisa neih dan hi kumin atan hian Non-Plan-ah, (**Pu LALTHANSANGA** : Pu Speaker, lawkin pawisa kan han titan tawh mai si a, nichina kan tih passenger, transport ni lo hote khitiang laia harsatna kan tawh lai kha min rawn reflex ta miah lova, kha kha engtinge ni min han ngaihtuah sak dawn tih kha ka'n han hre duh a. Tin, chumi rual chuanin khimi transport Office vela parking fee khawn khi a kal vel hian an ning riau mai a, Office chung em ema parking fee khawn khi a, target khum nasat lutuk hi in tum deuh emaw nile tih kha, khitiang lai te chu a tih loh theih deuh lawm ni tih kha ka'n ngen nghal bawka ni.) Tuna Hrangturzo bialtu zahawm takin a sawi kha Pu Speaker, dan anga kan kal dawn hian harsatna kan tawka fo thin a, inhriatthiamna dan hi a awm fo thin a, chulai tak mai chu kan Officer hote hnenah pawh a theih chin chin chu hmang tura kan inbeiseia kan inngen te a ni thin a. Public Carrier Vehicle reng reng hi dan ang chuan passenger kha a la thiang tlat lo mai a, mahse, an thi si a, Mo lawm kha a ngai si a, chung hunah chuan kea kal kha kan peih tawh bawka si lova. Chulaitakah chuan hengah hi chuan harsatna awm lo turin lo tihram hram teh u ti tein ziaka dah ngam si lo hian kan inhrihlru de de a ni e. Vawin pawh hian kan inhrihlru de de ni leh mai rawh se, khatiang chi kha chu. Dan kalh khan kan ti ngawt thei bik si lova, chu chu ka han sawi duh a. Dan ang chuan Public carrier te reng reng hian passenger an la thiang tlat lova, Damlo rawn phur thla tur pawh nise, a theih loh kha a ni zel mai a, khami dan strict lutuka han tih kha harsatna tawka thei a nih avangin (**Pu LALTHANSANGA** : Pu Speaker, four wheel-te lo ngai ngawih ngawih a ni a, imperial dangah hi chuan road condition avang mah mah kha a ni a, tin, motor van vante leh khatiang ang kha a ni deuhva, chuvang chu a nia kan han ngen luih deuhna chhan).

Hei Transport Department bikah hian nichina kan sawi tak ang khan Road safety hi India ram sorkar hian a ngaih pawimawh em em leh keini sorkar pawh hian a ni a. Chumi anih avang chuan Central Union Minister Road Transport and Highway Dr. C.P.Joshi chuan July ni 31 zing dar 11:30 hian India rama State Minister zawng zawngte Road Safety chungchangah khami Sub-Committee kan dintena an report final-pui tur hianin mi a sawm khawm nghe nghe a. Pu Speaker, i remti anih phei chuan hengte pawh hi zu kal ve ngaihna tur a ni dawn a. Chung ang zawng zawngte chu a theih angin mi State kal rualin emaw a theih chuan anni aia advance deuh zawkin kal kan tum a ni. District Transport Office-ah a ni emaw, thil chi hrang hrang vawiinah a hmunhma kan la zawh lohte, entirnan, Lawngtlai ang te pawh a token Provision-ah min lo ngaih sak sela. Hetia pawisa kan neih ang ang atangte khan indaha khang sakna tur kha a hmunah kan han dah chhuah a, hetia token provision-ah nuai thum chuan sak ngaihna a awm lova, i hria a **(Pu C. RAMHLUNA** : Pu Speaker, engzat tur nge ni reng reng a, entirnan, Mamitah chuan nikum khan 10.5 lakh khan i sa a, tunah khan three in dah ta a, la sa lo maw? mahse budget-ah khan a awm ta a. Kha kha chu in la sa hman lo a ni mai a, khatiang deuh kha a ni ve dawn em ? engzatnge ni ve ang tih kha ka'n zawt duh a ni?) A, a tha tawk ang, a zat chu ka sawi thei rih lova, a tha tawk ang. Mamit pawh hi a hmun hi a bialtupa nen kan han zawng a, kan han ti a, a sakna hmun te, engemaw tlema han pelh relh a awm thin a.

Tin, Transport Department bikah hian Pu Speaker, ka sawi duh chu hei kum thum leh a chanve kan sorkar a nih hma khan Director paruk leh Secretary pasarih hi kan nei hman a ni. Chulai tak mai chu kan harsatna hi min hriatthiampui Department ang pawh hian ka duh a ni. Thil an lo kalpui mek kha Director thar a lo kal a, emaw, Secretary thar a lokal a, min lead-tu tur zawk kha, an lokal dan tur zawka kha inhrilh te a ngai zawk thin a. Tunah erawhchuan hei kan han tluang chho viau ta a, khatiang kha anih avangin reilote te Director leh Secretary te kha kan nei thin a, chutiang karah chuan hetiangte hi kan han kal dan a ni a. Chuti chung chuan vawiinah hian Pu Speaker, member-ten kan Department kan chaklohna te leh kan tih hmaihte min en kan vek a, a thatna tur leh suggestion tha tak tak a constructive zawng hlir maia min han sawipui hi a lawmawm ka ti takmeuh meuh a. Ka sawi ang khan a assure-na pawh nisela member zahawm tak takten in sawi kha Officer-te nen kan lo chhinchhiah vek baw a, Department pathum em ni kha ?

**Dr. R. LALTHANGLIANA** : Pu Speaker, khatia i sawi lai khan nichina ka han sawi zawk nikum tun ang huna kan session a hemi transport vehicle bika Auto Rickshaw bik kha a particular deuhin ka han sawi bik kha a ni a, a rate hlui ang kha chuan 250 a ni a. Chu chu 20% in hei hi chu revise a ni a ti khan kan Minister zahawm tak hian a sawi a, tunah 850 in an pe si a. Aizawlah chuan a awm lova, Lunglei te, Lawngtlai te leh Kolasib te leh headquarter dang tam takah a ni a, kha kha an buai a ni tunah hian. Kha kha engtin nge ni an tih dawn tih kha ka zawhna a ni.

\* Speech not Corrected.

**Pu P.C. ZORAM SANGLIANA, MINISTER** : Pu Speaker, a percentage- a chhut han tih kha chuan nia a ni lo a, amaherawhchu helai vawiin chawhna lama zawhna ka chhanna ang deuh khan, khami sub-committee pawhin khilai tak kha kan tihsual lai an rawn hmufuh a, an rawn recommend zingah pawh khan a tel nghe nghe a ni. Amaherawhchu, Central-in hman mai tur Rajya Sabha pawhin a pass tawh, Lok Sabha pawhin ordinance a tihchhuah a tum tih kan hriat reng avangin khangte kan nghah avang khan hmanni lawkah Lunglei mai ni lovin Mizoram pumpuia Auto Rickshaw Association hruaitute pawhin min rawn hmu a, chutah pawh chuan thil awmdan kan inhrilhfiah nghe nghe a. Khalaiiah khan a C.C a lak a nih avang khan, a C.C a an chhut khan a hma zawng ai khan tuna a C.C. lo tam

siah khan an lo chhut sang a, chuvang chuan helai thil awmzia hi a ni a. Chuvang chuan helaiah hian seat capacity kha 9 in an lo chhut bawk si a an han chhut lai tak hi, kan tihsual lai kha kan pha hauh lova. Chutihruual chuan a dang te nena a rual veka siamthat kan tum avang khan Association hotute pawh min lo hrethiam ula hei zawng, tih kan tum ran a ni tiin kan inthlah nghe nghe a ni. Nikuma House-a ka sawi zulzui chiah khan anni pawhin min rawn ti a, in tana a dik chiah sawi tur ka nei love, in sawi dik e. Amaherawhchu kan lo chhut sual a, seat capacity 9 a chhut a nih avang khan a ni a, en that tura tih zingah khan a tel a ni. A dang pawh kha member-ten kan kim vek lo tih ka hria a, amaherawhchu min hriat thiam ka beisei a Pu Speaker, hun ka hmang rei ta angreng viau a. Heng ka Deman Printing & Stationery Demand No.18-na Rs.13,96,78,000, Demand No.23-na Art & Culture Rs.8,22,44,000 Demand No.42 Transport Department Rs.44,68,50,000 te hi a belhkhawmin Rs.66,87,72,000 te hi House-in lungrual taka min pass sak turin ka han dil a ni e.

**S P E A K E R** : Awle Minister-in Demand a rawn wind up a, pass a rawn dil bawk a, kan buk mai anga. Tuna Demand No. 18 te No. 23 te No.42 na te kha a vaiin Rs.66,87,72,000 a ni a. Hei hi pass remti apiangin 'remti' ti rawh ule, remtilo kan awm chuan 'remtilo' ti rawh ule, awmlo maw. Awle Pu P.C. Zoram Sangliana, Minister zahawm tak Demand, Demand No.18-na Printing & Stationery-ah cheng 13,96,78,000, Demand No. 23-na Art & Cullture ah cheng 8,22,44,000, Demand No.42-na Transport-ah cheng 44,68,50,000, a vaiin cheng 66,87,72,000 te hi House-in lungrual takin a pass ta a ni.

**Pu P.C. ZORAM SANGLIANA, MINISTER** : Pu Speaker ka lawm e.

**S P E A K E R** : Awle tunah Pu Lalrinliana Sailo, Minister zahawm tak chu a Demand-te wind up-na han nei a, tin, pass te pawh han dil nghal turin i lo ko ang.

**Pu LALRINLIANA SAILO, MINISTER** : Pu Speaker ka lawm e, vawiiinah kan han chanvo ve Demand kan sawiho a, 28-na te 24-na te 44-na te kan sawikhawmna a lawmawm hlein ka hria a. Member 15 in an sawi a, an sawina atangin keimahni pawh lo inenletna tur tam tak a awm a, that duhna tak tak leh ram leh hnam tana thahnemngaihna tak tak niin ka hria a, lawmawm ka ti hle a. Tin, Pu Speaker an sawi zawng zawng kha ka rawn.....veklo mai anga, i dinglama thu member-te phei chu office inhnaih zawk leh office khata lawi te kan ni a, nitina inhmuh thei zawk kan ni a, a tul chuanin office lamah te pawh inumzui ni se. Tin, veilama mite pawh chutiang thovin kan in.....vek sen loh a awm pawhin englai pawhin office-ah kan lo welcome a, kan lo ngaichang dawn a ni. Tin tunah hianin kan Secretary-te kan Officer zawng zawngte an awmin kan sawi.....veklo anih pawhin kan lo ziaakin kan lo chhinchhiah vek a, chung chu englai pawhin office-ah lengah te sawmin sawiho turin kan insawm a ni tih ka'n sawi duh a ni.

Demand 28-na, Labour & Employment hi sawi hmasa ber ila thain ka ring a. Nimin lamah general discussion-ah te member-ten thahnem ngai takin an sawi a, a bikin ZNP Group Leader Pu Duhoma te, tin, vawiiinah pawh hian Labour & Employment a pawimawh zia leh tihlen a tul zia te, member pali pangain an sawi a, a lawmawm hlein ka hria a, he Department hi technical deuh mai, amaherawhchu department te tak te leh hriatthiam mangloha ngaih thin kha a ni a. Amaherawhchu tunah hian kan sorkar lu ber berte a bikin kan Chief Minister leh kan Finance Minister-ten min hriatthiam avangin Officer-te pawh engemaw zat kan la a, chung hna han thawk chho chuanin hma min sawnpui hlein ka hria a. Tin, member-te rawn sawi ang khanin kan hmalakna tam tak kha, ka'n kawp deuh thuai thuai mai ang a, chumi khami thusawi han ti bek lovin nichin khan Pu Speaker, i duhdan niin ka hria a, chumi thusawi ti kauh kauh lovin an sawina tho kha ka rawn sawi chho ang a. Tin, hriatsual leh hmaih palh a awm pawhin inzawh that leh ni mai se thain ka hria a. Hemi skill

development kan tih kha, 2009 session hmasa berah pawh khan kan sawi tawh a, amaherawhchu phat rual lohin he department hi a thangduang lo tih hi kan pawm a ni. Kan tum ang leh kan han ruahmanna helai hmuna kan sawi ngei pawh kha duhthusamin kan ti zung zung thei lova, tin, tidawn pawh ni ila kan hriatsa vek chu sum leh pai harsatna sorkar angin sawi ta ila, min tuam a duh angin thil a tih zung zung theih lova, chuti chung chuan Chief Minister leh DP & AR te Planning-ten Officer tha tak tak min laksak a, chumai ni lovin Central atangin hetah Pu Thlenga te leh Pu Ramhluna te leh member dangten an sawi ang khanin RSBY kan zuk pawhthlak takah khan chutiang atan leh kan thangtharte, thalaite hmakhua min sut sak tura thaa kan hriat, keimahni helaia lo awmte bakah khan Pu Darsiamliana a hming pawh sawi ta ila hei a hun a tawp dawn a pension tur anih avang khan min haw thlaksan leh dawn a, thla hnikkhat maiah hian a haw thla leh dawn a ni a, chung chu kan Planning te leh DP & AR leh Chief Minister ten min phalsak a, tin, RSBY a hemi kan Health Care han khawihitu Insurance a mithiam leh thawk mek Labour & Employment ami, Central ami tho kha Doctor Para kan lachhuak bawk a, chungte chuan Health Care te hemi RSBY kan han tih, mirethei leh harsa zawktena.....damdawia an inenkawl ve theihna tur, chumite enkawlna tur chuan hna an thawk a. Tin, Pu Speaker, nimin atang leh waviin atanga, waviina kan sawihona eng atang khanin keimahni pawhin inenletna tur leh hma lo sawnna tur kan hmu teuh a ni.

Niminah Pu Duha'n, k'an sawi bik anga uluk takin General Discussion a speech-ah khanin minute 10 chuang kha thalaite hmakhua turah khanin an lut deuh a, a lawmawm hlein ka hria a. Member zahawm tak takte pawhin chu chu an rawn sawi ri a waviin thengin. Nia kan hria a, India ram hi economy insiam tha tur chuan hemi un-organised sector-te, a chuan hnuai zawk ti mai ila, hengte skilled chei that a, thuamthat hi a pawimawh tih hria-in Central-in ngaihtuahna thuk tak neiin kan ngaithla tawh a. Skilled Development Board a awm a, Prime Minister Chairman-na hnuaiyah. Tichuanin National Skilled Development-a kalpui a ni a. Kan ngaithla tawh a, kum 2022 maktaduai 500 chuang mi hnathawktu, lehkhazir tawhlo te pawl 5 pass chin ho kha chherchhoh a tum a ni a. Chumi ang chuan pawisa pawh hi an phalrai viau a, vaibelchhe 31000 chuang lai an dah a ni a. Keini pawh hian kan Chief Minister Chairman-na hnuaiyah hianin kan kal ve mek a. Amaherawhchu sawi hrehawm tak Labour employment hi manpower indaihlo kan nih avangin kan duh angin kan kal zung zung thei lova, tunah hi chuanin Secretary tharte kan nei a, Director tharte kan nei leh a, tin hemi a staff kan lo lak tawhte nen pawh chuan Team tharin tunah hian an rawn bei leh dawn a ni a. A tlai deuh hlek in ti anih pawhin kan tum dan, kan chhawp tum dan hi chu ram tana hmasawn theihna dawr turah kan inbuatsaih a, kan ngai bawk a ni. Heng Labour and Employment-in kan hmalakna hrang hrang hi chu Pu Speaker, sawi veklo ila, kan Member-ten fiamthua Department kha rawn vawrh vakin rawn advertise lo langin min ti a, recess room ah khan a tawi zawngin kan kal a nga.

Hei Building and other constructions Worker Welfare Board hi kan han din chho ta a, Minister Chairman-ah min han vuah a, kan kal ta vur vur a, tunah hianin kut hnathawktute, a bikin labourte anmahni welfare leh anmahni dinhmun kha an inhre lova, hrihl hretu pawh kan awm ngai lova. Tichuan tunah hianin dammawh hritlana han claim ve theihna turte, an thawh laia an lo thihin cheng 50000 thleng pek theihna tihte, tin hei a hnathawktu tam leh a thlantla hah ber an ni a. Heng ang labour ho hi chungte tan chuanin an hmakhua kha kan suih chho a, an mahni advantage tur kha Dan-a lo awmsa thlap kha kan han buatsaih sak a ni a. Tichuanin, chung atana an lo intuamhlawm vena tur leh chhiat that an tawh a, damloh nikhua mai nilo nau neih thlengin an hnena pek theih turin, chutiang chuanin kan ruahman a. Kan Member zahawm tak Pu Duha nen pawh hianin hmannah Sairangah campaign kan zuk nei a. Kan Director-te, Directorate-te an hah em em mai a, la hrelo te

hrilhhriat an ngai a, an chanvo tur an neih theih dan te booklet-te siamin anmahni hmunah Lung Quarry a thawkte hnenah te, Balu la hnenah te, Thingzai hnenah te ti khanin kan kal kual a. kan Director-te phei chu Sunday-ah te inkhawm banah tin, Saturday-ah te a kal a. Tiang khan thawktute an hah em em a ni. Tunah hianin vaibelchhe ruk dawn lai hi kan collect tawh a ni, kan khawn tawh a ni hemi stage-ah hian. Tin tunah hianin danin a phal ang zelin Staff pawh 10 dawn lai kan la a, chungin an han thawh chhoh tak tak chuan, nichina heta kan member zahawm tak Pu Rina'n a rawn sawi ang khan, vaibelchhe 500 chuang hi Labour Employment hianin kan khawn theiah kan inngai a. Chungte chu kan hmalakna sawiloh theihloh, min turtu deuh an ni a. Miretheite VIP-a sorkar neite kan nih avangin chulai te chu sawi a nuam deuh hlek a.

Tin, thil thar leh chu, 'The Mizoram Shops & Establishment Act, 2010', hei hi a pawimawh kan ti a. A tum ber chu, heng ang, mi dawra hnathawkte leh hnuai deuh hlek zawka thawkte, an phu tawk leh an mahni chanvo ngei humhim sak te kha a ni a. Tin, chubakah khami establishment a mite khan, dawr ami an ni emaw, khangte khan hlawkna zawk leh him zawk Security, a thawktu leh a ruaitu security kha a tha zawk dawn a. Chutih rualin sorkarin revenue a lo la dawn bawk a ni. Chutiang chuanin kan han kal chho a. Industrial Training Institute-in nasa takin hna a thawk a. Hei, tunah chuan officer lian tak takte pawh an lo ni ve ta hlawm a. Chungte chu tam tak kan sawilo turah ngai i la. Tin, MNF Group Leader zahawm tak Dr. R. Lalthangliana sawi ang khan, heng ang Manpower kan indaihlohna ang chite, Health a ni emaw, Trade & Commerce a ni emaw, Labour & Employment a ni emaw, heng zawng zawng hi sawi nawn lovin, keimahni pawhin tih kan duh ngawih ngawih, entirnan, Chawngte tih angreng te, Lawngtlai te, Saiha te kha kan harsatna tho a nih avangin, anmahni'n an bial chungchang inthlahrung taka a rawn sawi chhuah thiam ang tho khanin, heng hi chu la lap lovin kan rilrua awm sa, kan tihtheih mai bikloh a nih lai ka han sawilang duh a ni.

Tin, tunah hian kan vei, helai House zahawm takah pawh kan sawi fo mai, tunah pawh memberte'n an rawn sawichhuah leh chu, Labour Law chungchang hi a ni a. Tunah hian kan han duang chhin mek a, a har angreng khawp mai a. Chu chu ram tana a that dawn avangin ka han sawichhuak ang a, tawi tein. Vawiinah hian kan ramah hian thalaite hian hnathawh an tum ta vak lo emaw ni chu aw tih tur a ni. Mi taima leh Pathian mi tak tak chu an awm e. Mahse a nawlpui hian kuthnathawh leh mahni intodelh tumna lamah hian hnung kan tawlh emaw ni chu aw, tih tur a ni a. Engnge a chhan leh avang tia kan han zawna kan inpuh chuan a tam deuh ber ang a. Chutih rual chuan Labour Law hian, chu ngaihtuahna leh Mental tluchhe tawh chu kan siam chhuak thei a ni tih a ngaihtuah a ni. A bikin Pu Speaker, hemi state pawn atanga hnathawk lo kalte hian min runin min rawk ni berin kan hria a. Hmanniah khan ka sawi zawk tawh a. ILP kengin an rawn lut a, chu ILP chu Work Permit emaw tiin an duh duh an thawk ta mai a ni. An duh leh cement hna an thawk a, hlawklo deuha an hriat chuan thir chhia an zawng a, hlawklo deuha an hriat chuan chhang an zuar leh a, a chang leh panhnahte an zuar a, tiang khan, tihian min tikawi a ni a. Chu chu engtinge kan paih bo ang kan inti a. State pawn atanga hna hrang hrang thawka inhlawhfa, mahnia sum intuak, hemi dap chawp tam tak hi awmze nei zawka ruahmanna, Labour Law atanga ven kan tum a ni. Tin, anmahni atang hian hmuh let kan nei lova, sorkar hian anmahni atangin revenue kan nei lo a ni. Chu chu revenue siamna'n engtinge kan hman ang kan inti a. Tichuan tunah hian kan han tum danah chuan ILP an dilna ami angin Work Permit, Labour & Employment Department-in a pe ang. Entirnan, tunah tak hi chuan, hei 'min rawk' ka han tihna chhan chu, cement mistiri angin an rawn lut a, kum reilote, an duh hunah mistiri angin an inhlangkai mai a ni. Chu mai a ni lova, mi inah hna an lo thawk a, hna hmanhmawh leh thahnemngaihna avangin worker dang i duh belh teh ang, manpower lo ti ta ila, mistiri reng

reng lo kha an thiante emaw duhsak khan kan thiante mistiri an awm alawm an ti a, an va promote ringawt mai a ni. Dik tak chuan kan hriat tlan tur chu kan hriat tlan sa chu, kan vengah ngei pawh sawn keiman chiang taka hmuh ka nei a, harsa ve takin in sak an tum a, banril te duhthusam tha hmuh tur a lo awm tawh lova, cement-a tih ve ngei an duh si a, vai mistiri thiam ang a insawiin an thawh sak ta a, a hna kal hmang leh kawng hmang reng reng a hre lova, nitin khan pawisa kha a rut mial mial tho si a, a daily rate-a a pek avangin ti khanin a hnathawh sawt leh sawt lo khanin awmia a nei lova, ti khan min rawk a ni ringawtin ka hria a. A mi lian zawk leh tlema chhawr thangte hi chuan an hre mai a, an ban leh thei a, chutiang chu a harsa zawk tam tak hi chuanin hmai zahna te nen nei tawh lovin khatiang khan kan inchhawm a ni a, chuvangin, a ruaitute hi an bum nasa em em mai a ni.

Tichuan, tuna kan han tum danah chuan nichina kan sawi ang khan ILP ami angin hna an thawk phawt ang a, chumi chu work permit ami hna lo chu thawh phalsak an ni lovang a ni dawn ta a ni. Work permit kan pe a kha mi kha, tichuan, skill-te, semi-skill-te, ti khan skill I,II in kan siam chho ang a, tin, an kaisang dawn a nih chuan ITI Principal-ah an exam ang a, tichuanin an kaisang chauh ang, tuna kan han tum danah chuan. Chu chuan heng thir chhe zawng tih te, helper, chhang zuar, cooker chhe siam, mutia leh a dangte a huap vek dawn a ni. Tin, Pu Speaker, he dan hi hman anih chuan Mizoram State-in a hnuai ami ang hianin a hlawkpui ve ngei ang kan ti a. Nichina kan sawi ang khan mahni thu a mistiri puitlinga inhlankai theih a ni tawh dawn lova, work quality a tha bawk ang. Tin, hlawhfa ruaitu work permit-in a en sak tawh dawn avangin duh ang ang khan a ruaitu kha a bum thei tawh dawn lova, tichuanin, hlawkna hlirin kan awm tawh dawn a ni kan ti a ni.

Hei dik tak chuanin tile phahtute ngat pheih hi chu an duh zat zat hi rate min siam khum a ni ringawt mai a, nikhata sangli sangnga hlawh pha te pawh an awm tlat a ni. Chuvangin, Public Works Department-te, Power & Electricity-te, Public Health Engineering Department-te leh hemi Developmental Department-te nen hian la sawi khawm ila kan ti a, vawikhat chu kan sawiho tawh a. Tin, Central YMA an phur em em bawk a Pu Speaker, chutiang chuan kal kan tum a ni. Kan tumna ber pakhat leh chu, pawimawh em em chu, kan thalaite tunah hi chuanin nilenga hnathawk peih si lo, pawisa duh ve si an awm a ni. Chu chu tunah hi chuanin daily-in kan inchhawr a ni tlangpuia, time-wise ..... a darkar biin kan siam chhuak thei angem tihte hi a ni. Chutiang kan siam hunah chuan miin hnathawh a lo zak tawh lovang a, khawng vawiin chu ka nu leh pa, chhungte tibuai lovin ka petrol man tur kan thawk chhuak teh ang tiin, darkar khat emaw darkar hnih emaw a va thawk ve ang a, tichuanin, time-wise..... kha kan siam chhuah theih kha kan inringa, chutiangte chuan tunah hian hma kan la mek a ni Labour & Employment hian.

Chuan tuna in sawi hrang hrang vel ang tihlen tur thu angte kha chu Sorkar-in a en zel ang a Pu Speaker, khi minute 15 ka la a tawi te tein ka rawn lawr ang ka tih kha, chu chu Labour & Employment-a ka rawn react theih ni sela.

Tin, Lord Krishna IAS .....interrupted.....

\* Speech not corrected.

**Pu LALDUHOMA :** A kal pel dawnin ka hria a, Skill development kha a nodal department hi siam fel a ni tawh tihna em ni ? Labour & Employment Department hi a nodal department-ah kan Sorkar hian a siam fel tawh tihna em ni aw ka ti a. Industry Department-te hi a tak tak a trainee-te thawn chhuaktu zawk chu an la ni mah mah si a, khalai kha han chian ka duh deuh a. Tin, a rawn react loh Health Care chungchang awareness a la tawk lo tih kha kan sawi dan a ni a, a mamawh zawk, tlema a vengva lo deuh leh a rethei deuh deuh hi a hre lo lo an ni a. An lo kal a, an mangang a, Health Care Scheme-ah in lut tawh em kan ti a, engmah kan hre ve lo an la ti mai mai a ni, a mamawhte leh Sorkar-in a tum a te kha an ni si a, churang chuanin, awareness hi a la tawk lo viau va. A va luh leh dan tur hi englai pawha hawn dan emaw, zing zawka hawn dan emaw hi awm ta sela, kan lo hrilh ve zel a nia keini pawhin. Mahse, tunah chuan an hawng si lova tih a nih kha chuan a buaithlak a, khalai kha han react se kan duh deuh bawka a.

Tin, ILP leh Work Permit tih te kha a tha hlein ka hria a, khang te kha tihpuitlin anih chuan award inpekna hial tlak ni zawkin ka hria. Engtingge ILP kha a kalpui dan D.C. Office atang khan an la issue tho dawn a ni ang a, chumi hnuah chuan work permit kha Labour & Employment-ah khan an dil leh dawn tihna nge khatilai kha a va chiang tawk lo deuh ve.

**Pu LALRINLIANA SAILO, MINISTER :** ILP kha chu tuna titute hian ruahmanna dang siam anih hma chuan an la kalpui ngar ngar ang a, amaherawhchu sawi ang khan ILP an neih a, work permit nei ang hrima rawn inngai kha work permit an lo siam tawh zawk dawn a ni. Chuvangin, khalai kha la sawiho tur leh kan hmabak chho zel a lo ni ta a.

Tin, Pu Speaker, Health Care kha ka la thlenglo deuh a nia, Health Care kha ka la thleng lo zawk a, ka sawi zel ang a thudik chiah a nia, relevant deuh a ni. Tin, Labour & Employment hi 'Labour' a ni em tih laia kha hei hi Labour & Employment atanga lochhuak vek zawk a ni a. Tichuan, Labour & Employment hianin NREGS an tih te pawh hi anmahni rawn born child vek a ni a, kan sawi tawh thin a, central-ah khuanin Labour & Employment-a Secretary tawh hi chu Cabinet Secretary-ah hian an kaichho deuh ngei ngei a ni. Chutianga thluak tha bawm a ni a, tikhan an han plan ta a, parent commissioner-ah te an han refer a, a ministry concern-in han tih leh te a awm ta a, NREGS pawh hi hetiang a tih a ni a, a tawpah R.D. in kengkawh rawh se tih kha a ni a. Tichuan, tuna mi hi chu kan lo thlan ti lovin Labour & Employment hi parent department zawk a ni a awmziaah chuan. Amaherawhchu, ngaihtuahnaa lo awm theiah chuan born power te a te si a hei hi a dang te pawh a ngaihtuah theih lawm ni tih kha chu thil awmthei a la ni a. Tunah hi chuan bul tan kan la ni a, kan la kal nawk nawk a, Executive Body kan siam a, Chief Secretary in a hova chutiang chuan kan kal mek a ni.

Lord Krishna pawh kha kan ministry hmasain a lo tih kha a ni a, tun nena han ngaih pawlh a, han sawi pawlh hi a awm thin a, a tha thova. Kan ministry hmasa khan an lo sawi danin Lord Krishna, IAS Academy kher in thlan ti a zawhna awm thin hi hengte pawh hi an lo zu bia a.....amaherawhchu, a tlawm ber si, tha si an hriatah khanin an lokal kha a ni a, thil han tih hian sawiselate alo awm a, duh anga han kal zung zung te kha a harsa a. Nichinah kan Youth Commission Chairman zahawm takin a rawn sawi tawh ang khanin, a pawisa kha kan nei zui ta lo a ni cheng nuai sawmthum te a lo nih chhoh takah khan, increase chho zel a ni a,

chubakah helai an lokal a ei leh in zawng zawng, an chenna tur zawng zawng leh thlawhna te pawh kha sawmnga sawmngain kan insem a, tiang kha a ni a. Kan budget khan a tlin tak ngang loh avangin duhloh vang em em pawh ni lovin kan intha then lo theilo a ni tih kha House ka'n hrilh duh a. Han ti leh dawn pawh ni ilangin sum leh pai a awm miao loh chuan tihngaihna tak a awmlo a ni.

Tin, Youth Commission hi nichina member zahawm tak takten an rawn sawi kan thalaite hmakhua training pek emaw counseling pek emaw khatiang hrang hrang kha Youth Commission hian a la kalpui char char a ni, tunah pawh hian Guwahati amite nen foreign thlenga an penchhuahna tur kha hma an la mek tho a, thisawn der chu a ni biklo a ni, theihtawp chu an chhuah ve a, amaherawhchu kan fund limitation a kha kan harsatna a ni tih ka'n sawi duh a ni.

Demand No. 44 Trade & Commerce hi ka'n kal leh tawh ang a, tawi te tein ka la ang ka tih kha. Hei pawh hi Department te a ni a, mahse a pawimawh hrep mai a. He Department hi look east policy-te lo tihchhohah hianin sorkar hmasa hmasaleh congress sorkar atanga lo ruahmanna te, sorkar hmasain a lo ruahmanna te, kan hma chiaha miten an lo bawhzui chhoh, kan hma chiaha a nih chu, an lo bawhzui chho zel pawh hi a tha hle a. Amaherawhchu, sawi leh sawi hnu, a department a tet avangin Fund limitation avangin duh angin thil a kalpui bawp bawp theih loh va. Central-ah kan zuk ngen a, tichuan tuna kan han sorkar ve leh hnu pawh hianin Zokhawtharah khian vaibelchhe 10 dawn hi kan pawchhuak tawh a. Hei warehouse-te, building te kan sa a. Tin, Pu Speaker, nichina member zahawm takte rawn sawi, a hawn pawh hi a rei lutuk ta e, han tih ang chi te pawh kha keini hi chu kan inpeih vek tawh a. Tin, Pu Speaker, hei, kan limitation kan han thlirin leh keimahni dinhmun ka'n thlir hian hma chu la nasa vein kan inhria a. Zokhawtharah hian helicopter-in Central milian pui pui hi tum thum kan tum tir tawh a, a hmunah .....thlap thlap zelin. Tin, motor-a han kal a, han tlawh, endik hi an tam em em a ni. Tin, Kawrpuichhuahah pawh hianin Central Joint Secretary, Home te kan tum thlak tir a. Tin, keimahni kan kal a, tin, Bangladesh Minister te nen pawh kan kal rap rap a ni a. Tin, Zorinpui pawh hi helipad te siam vek tawh, hmanni pawh khan Central team, Foreign Secretary in a rawn ho khan a hmun an va tlawh a ni a. Amaherawhchu, Pu Speaker, kan hriat theuh angin leh member tam takte chu keini aia hre zawk te an ni ang a. International politics a ni a, Bilateral relationship-te pawh hi keimahni control theih loh te a nih baw avangin a hawn pawh hi kan duh angin kan ti thei lo, keini chu kan inpeih reng a. Kan Secretariat-te, Directorate-te, kei ngei pawhin Myanmar-te hi kan be reng tho a. Anmahni zawk hi an inpeih hlei thei lovah kan ngai a. An politics-te hi a dang chho nen, helai hi chu keimahni control theih piah lam a ni a. Amaherawhchu, keini chuan theih tawpin kan tang a ni tih kha ka'n sawi duh a.

Tin, member zahawm tak ten an rawn sawi, 'List of items on the border trade between India and Myanmar' tih hi a tam riau mai a. Item 40 kan tih tawh kha, ka chhiar chhuak vek lo mai ang a. Eng emawah chuan kan sem thei mai ang a. A bik takin Champhai North bialtu khan nichin khan 'Session chhung ngei hian min pe se' a tih kha, hei hi ka'n pe ang a. Midang pawhin an duh chuan kan rawn furnish thei ang a. In duh vek chuan a nih leh naktuk lamah emaw remchang hmasaah kan rawn furnish ang e. A tam mai a, hei, ka chhiarchhuak lo mai ang e, chuti a nih chuan. Hei, nikum lamah pawh khan Myanmar-ah chuan kan han kal a. Kan Parliamentary Secretary zahawm tak, Pu Lal Thanzara hovin, Pu H.Zothangliana te leh kan official te nen kan han kal a, Minister pawh 7 lai kan han hmu a, khimi hmunah khanin, kan theih tawk chu kan ti ve a ni. Tin, Central lamah Commerce & Industry Ministry te, Home te kan hmu a, khatiang khanin.....te kan hmu reng bawk a. Ram leh ram a ni a. Kan control theih piah lam a nih avangin helai chu kan duh angin kan



hawng thei lo a nih pawhin keimahni mawh em emah kan ngai lova. Keini hi chu englai pawhin kan inring reng a ni tih ka sawi duh a ni. Tin, Zorinpui han sawi leh lawk ila. Hei, kan hre theuh a, kan sawi tawh a.

\* Speech not

corrected.

**Pu C. RAMHLUNA :** Pu Speaker, hemi Zokhawthar Border Trade a harsatna kha a sawi thuak thuak a. Han hriat chian deuh a va chakawm ve, engnge a harsatna tak kha? Khawi lam pang zawk atangin nge harsatna a awm a, Myanmar lam pang atangin nge ni a, India lam pang atangin. Tin, Myanmar lam pang a nih chuan engnge an harsatna tih te kha hriat a va chakawm ve.

**Pu LALRINLIANA SAILO, MINISTER :** Pu Speaker, he harsatna han tih hi a hawn theih loh lai tak kha harsatna kan sawi lai chu a ni a. Helai hmunah hi chuan sawi ila paw ka ti lova, kum hmasa lama kan han kalnaah kha chuanin an Commerce Minister kan han kawmnaah kha chuanin a lawmawm zawngin la ta ila a that ka ring a, engtiknge in hman theih ang nangni hi kan ti a kan hmuh khan, hemi Doner hotute leh Joint Secretary te leh Field Ambassador te tin, Indian Chamber of Commerce te nen kan kal a ni a, tah pawh khan an chhan dan chu, chu chu November ni 9 ni 10 vel kha a ni a, December ni 7 a inthlang tur kha an ni a, calendar an en a December ni 7 hian kan inthlang dawn a chumi hnuah chuan ti mai ang u hmiang a ti mai a ni. A tlin leh tlin loh kha a ngaihtuah lo reng reng a, chutiang chu a ni a, mahse mi ram chungchang kha chu kan sawi thei lova.

Tin, Pu Speaker tuna kan Prime Minister han kal pawh khan engemaw chen chu a han sawi a, lehlamah chuan tunah hian Rih Tidim-ah hianin vaibelchhe 711 chuang hi Central sorkar hian kawng siamthat nan a pe a, hei hi duhthusamin an la tifel lo niin a lang a, khilam kan han thleng chiah lova...Company-ina an thawh niin ka hria a, kawng khi ala tha tawh chiah lo pawh a ni mahna. Tin, chutihrualin nichina kan sawi ang khan hemi a.....trade angin heng fruits te leh vegetables te, pulse leh beans te, hmarcha tiang hrang hrang hi chu a kal reng, kan inkalpawh reng a, keini pawn thawhchhuah kan nei a. Amarawhchu, nichina ka sawi ang khan.....Trade tiin an vuah a anni hian.

Tin, pawimawh zet pakhat leh chu Seling vela thil lo khawn tih kha, hei hi chu Central Customs te department lampang an ni a, hmanah pawh tilai hmunah hian kan sawi tawh a, engtizia nge in lo khawn ve ringawt, chu ai maha pawh chu Manipur lam atanga kal thin kha helamah an lo sawn ta a, hel an hlauh avangin chu chuan kan Mizo hnahthlakte leh kan hnathawktute nasa takin economics-ah a pui a, an chaw lo siam a ni emaw, an bungrua lo lak emaw thil tam takah, chu chu hemiten pawisa an lo khawn hian an ti tin a ni hmundangah kawng dangah an kal tir a ni tih kan lo sawi tawh a. Tichuan, Central Custom-te kan zawhnaah chuan Central atang khuan target min rawn pe ve a, hei hi engemaw ti tiin kan lo ngaihtuah ve a ni e an ti a, chu chu min chhan dan a ni a. Hetia hmaichhana han inbiakna maiah chuan chutiang te chuan khawi emaw laiah te hian remchanna an lo la ve niawm tak a ni.

Tin, hei Member zahawm tak Pu Rama te bial a ni a, Zorinpui kan ti a, Zo hnahthlak zawng zawngin kan rinpui tur tin, Party thenkhat pheh chuan inlarna te hi kan sawi thin anih kha chutianga ringtu hmasa, kan mihrang hmasaten kan zawlnei ti mai ila thlarau miten Chhimlam saw kan kawtchhuah tur a ni ang e an tih kha, chumi chawi chuan Zohnahthlak zawng zawngin kan rinpui ber tur a nia nge tiin

ZORINPUI kan vuah a. Nichina sawi ang khanin Helipad te va siamin tunah hian Hruitezawlah building pathum vel kan sa a, hmanni pawh Engineer te leh thawktu an va kal a, vawk lian chi hi a puitling tawh kha sawmthum vel dawn 29 kha an rawn chawlut a, tiang khanin border trade a kal muah muah reng a ni, keini pawh kan tharchhuah hi engemawchen hi chu an lo tichhuak ve niawm tak a ni.

Tin, nichinah Dr.Thangtea rawn sawi Kawrpuichhuah kha zuk ngaihthah ni chuang lovin Central ah hian hei kan ko ve mawlh mawlh a ni a. Tin, Bangladesh lampang hi keini aia harsa leh rethei zawk timai ila India ai chuan an nih avangin keimahni hi min rawn phut let zawk a. Anmahni ramchhunga development kaltir tur ang te hian min rawn phut zawk a, hetiang han sawikhawmnaah hian. Tin, Pu Speaker, hmanni a trade conclave kan neih a kan agreement kan bawhzui ve a keimahni atangin theihtawpin. Amaherawhchu, Bangladesh hi ram ropui tak an ni lova, kan hria a khawvelah chuan ram hnufual pawl tak an nih avang hian anni pawh an kal zung zung thei lova. India hi an um ngawih ngawih a, kan thlazarna hnuuia development pawh kal tum ni awm takin a lang a. Chutih rual chuan High Commission-te, tin, an Minister meuh te an lokal chho a, kan chah chhuak a sawlai dung saw kan fanpui a. Chuvangin, Pu Speaker, tunhnaiah pawh hianin Commerce Minister hi November thla hian a lokal chho dawn tihte kan lo hre leh a. Chungte chu va hmuh te kan tum a, tiang chuanin hma hi kan la ve a. Bangladesh zawk hi....ah hian an chaklo a ni. An economy a thatloh zia hi kan hrechiang anga, chungte chu kan theih tawk tawkin Chief Minister lehkha te umzuiin Central-ah te kan umzui thin a, tiangchuan kan kal a. Tin, hei MAMCO te pawh hi kan han enkawl a, MAMCO hi hei tunlai hian hemi sorkar-in a enkawl corporation-ah hianin a hmingtha vaklo pawl anga lang kha a ni a. Amaherawhchu, kan tang fat fat a, tunah hianin Khawzawl-ah JNV School an ti a. Chumi chu Vaibelchhe 18-in kan sa a, khatiang atang khan a interest kan lo ei ve a, kan lo in manage ve theihna turin. Tin, chumai nilovin Mamitah hian JNV tho Vaibelchhe 18 revise hmain revise chuan 24, 25 vel a thleng chho ang, chutiang chuan hma kan la tan leh mek a. Tiang chuanin, keimahni intodelhna turin kan la a ni. Chumi dawt lehah, Champhaia khimi John.....School tur pawh khi Vaibelchhe 19 vel a ni ang, hei hi kan thawh turin tunah hianin agreement kan tifel leh mek a. MAMCO hian vaibelchhe tel hi kan hlawhchhuak a kan intodelh hle a ni tih kha ka'n sawitel duh a ni. Central khuanin 2007 Civil of Right in hna an rawn pe a, kha kha a hna kha revise a ngailo thei lova, anniah an la revise leh rih si lova 103% velin a pung daih dawn a ni. Chutiang chuanin, hna kan thawk mek a ni MAMCO pawh kan kal ve bek bek leh a ni.

Trade & Commerce-ah chuan theih tawpin heng ang Bazar enkawlte leh nimin lama kan sawi tawh ang khanin zawhnaah te kan kal chho a. A thawktute an tang a, theihtawpin luletin hma kan la ve a ni kan tang hle a ni tih kha ka'n sawi leh a ni.

Tin, Pu Speaker, Health hi tam khawp a, RSVa nichina Health Care chungchange kha sawilut tawh ila. Health hi mitin khawih a ni a. Tin, India Constitution-ah kan lo ngaithla tawh thin a, Fundamental Right-ah a awm a, Health for All tih a ni a. Chuvangin, kan ngaihthlak ang khanin Prime Minister Office atang pawhin he...mi thawktu lakna tur hi ..... awm lo ve tih pawh kan ngaithla tawh a. Amaherawhchu, .....a awm lo ve ti eng ang mah ila, keimahni hian dehchhuah leh revenue-te kan khawn tam loh avang hianin kan harsatna chu kan hriat tlan angin Zoram chutiangin, Staff kan la pawp pawp thei lova. Keimahni tak hian hrehawm kan ti a. Chutiang chung chuan Pu Speaker, ip deuh chung leh inthlahrung tak chungin kan la deuh nual a ni. Tunah pawh hian Department hrang hrang chhut chuan a la tam ber kan ni awm mang e aw ka ti a. Kan Finance lam te pawh hi an zahawm takmeuhin ka hria a.

Tin, Pu Speaker, Department hrang hrangin Project hrang hrangte kan nei a. Chung hrang hrangte han sawi a, an hlawhtlinnate han sawi a chakawm viau a. Amaherawh chu, waviinah hian sawi vek sen lohah ngai ila. Ka'n chhuan deuhhleik chu nichin a..... 2010 ah khan National Rural Health Mission-ah pahnihna kan zu la a. Tichuan, 2011-ah khanin Small State a pakhatna min rawn ti a. Tin, RSBY-ah kan hriat ang khan,. tuna kan lak hi Member zahawm tak Pu Duha khanin hei chu la lul suh se a rawn tih kha, lak lul zawk tur a ni. Kan dawn tawh zawng zawngah hian a hlu ber mai awm mang e aw ka'n ti a. A chhan chu Jamshedji, Ratan Tata hi kan hre tlang vekin ka ring a. Health-ah phei chuanin India ramah mimalah phei chuan contribution sang ber pawla ngaih a ni a. India a retheih leh harsat lai pawha Health-atan mirethei leh chhumchhia zawkte lo chhanchhuak thin a ni a. Chumi hriatrengna atan chuanin JRD Tata Memorial Award hi siam a ni thin a, a buaipuitute erawh hi chu Population Foundation of India a ni hlauh thung a. Chu mi avang erawh chuan population vang ni lovin, tunah pawh hian criteria hrang hrang an han siamnaah hianin 13 lai a ni a. A han chhuanawm lai em em zawk chu, Health Department-in kan insawrbingna lian tham tak tak lai te. Tin, chu mai ni lova, mipuiin kan mamawh lai te a ni a. Tunah pawh hian Population and Reproductive Health tih te, Family Planning tih te, Social Development, Overall Social Development Issues tih te, Health & Hygiene tih te, Age of Marriage tih te, Maternal & Child Health tih te, Female Literacy tih te, Child Sex Ratio tih te. 13 lai a ni a, ka sawi vek lovang a.

Pu Speaker, tunah Infant Mortality Rate, nau piang hlim thihna tamah hianin ram changkang lo nih lanna a ni thin a an ti a, kan sang em em a, Tan pawh kan la nasa em em a ni. Tichuan, tunah hianin kan thawhte chu a lo lang tan ve ta a. Hmeichhia kum 15 atanga kum 49 inkara pasal nei te tha taka check up chungchang te, nau an neih that chungchang te, nau neih hnu a after care zawng zawng ang chi te. Khang chung khan a rawn nei a, a chhuanawm tak meuh meuhin ka hria a. Hei anniah hi chuan Foundation population of India han tih mai kha chuan a awm deuh mai a. Amaherawhchu, Mizo hmingah pawh hian Peter tih soal tak tak, rui reng te pawh kan awm ve bawk a, Lalnela, pute hlau em em te pawh kan awm ve bawk a, tiang deuh chu a ni a, a titu lampang ni lo khan. Pu Speaker, kan member zahawm tak Pu Duha pawh hi min lawmpuitu ber ni turah ka'n ngai a. (interruption) Nia, alo pianchhuah chuan hrisel takin an piangchhuak ang a, an enkawlzui thei ang khami zawng zawng kha a huam a. Award chu hemi Feed GRD Tata Memorial Award for population depurative health and family planning & programme intimidation tih a ni a. Hetia Family Planning, nau neih loh tlem tur tih zawnga inzirtir ngawt kha a ni lova. Planning-ah chuan nau neih pawh kha an hrisel tur a ni, an thangduang tha tur a ni, chhungkaw hlim an din tur a ni tih kha a tum lai ber zawk hi a ni a, keni hianin a inrehbun lai hi kan lo sawi thin a. Pu Speaker, an sawi zawng zawng kha kan lo chhinchhiah vek a, darkar 1 ka la la lo deuh a, ka hma ami kha darkar 1 leh a chanve chuang a la a, minute 5 emaw 3-ah zawh ka tum ang.

Tin, Medical College chi ang te, College of Nursing tih kha tunah hian Registration chu kan nei sa a. Tin, tunhmain Central norms kan lo zawh loh deuh avangin De-recognized kan ni tawh a. Tunah hian de-recognized hi a hlauhawm leh em em a Member te sawi ang khan. Min de-recognized chuan kan nurse zirtir chhuak zawng zawng 500 chuangte hian an certificate an cancel vek ang a, Singapore a khawih te, Delhi a thawk te, Kolkata, Mumbai leh helai a thawk zawng zawng certificate hi a thi dawn a ni. Chuvangin an R&R ang chi emaw khatiang tih zawng zawng kha hmanhmawh takin tunah hian kan buaipui char char a, kan Minister zahawm tak DP&AR changtu pawh hi kan Parliamentary Secretary zahawm takin zuk len chilhin hmanhmawh turin a rawn sawi a rawn sawi a. Keiniin DO letter te kan han thawn a, tin, a phone te kan in phone a, kan hmanhmawh thu, tunah hian a

fel mai dawnin kan hria a, kan lawm hle nghe nghe a ni. Chutiang chuanin kan department hrang hrang hi kan enkawla theihtawpin, Reliance kha chu a hlauhawm loh ve kan ti a nih chu.

Tin, Pu Speaker vei lama mi te hi inhmuhte a khat avangin kan react zawk deuh anga. Member zahawmtak Pu Rama rawn sawi te Health Care- in thingtlang leh hmun kilkhawr zawk, hei ai hian changtlung zawkin tih nise tihte kha kan member zahawmtak Pu Duha rawn sawite nen khanin kaikawp ta ila, a dik a. Tuna kan tih thar turah hi chuanin hemi RSBY ah hianin job card holder zawng zawngte hnena pek turin Central Sawrkarin a rawn ti ta a ni. Chu chu a hma aia tihthat zawk kan lo tum a ni.

Tin, nichina post ruak chuti zat, mahse fill up loh tih kha chu, sawi nawn ngailoin sum leh paia kan harsat lai khanin bawhthlu mai se thain ka ring a. Tin, sawi pawimawh leh em em chu a Ayush chungchang kha an rawn ziak thin a Central-ah hian. Ayush chungchangah hianin tun hma chuanin khumi Central-ah khuanin hmun thenkhatah khuanin hemi Allopathic, kan hriatthiam dan zawk turin hemi kan MBBS ti mai ang, hemi ten en hianin Streamline lo hi an duh zawk a ni. Hei chhungkua, chhunkua tih te, thlah thlah tih te, a area a, hetianglaia eng emaw lo lut tlat hi a awm a, mahse kan Minister, Health Minister hmasa zawk Rana Dose-a kha mi bright zet mai a ni a, hemi MBBS ti mai ila, hemi Aloepathy-te nen hianin streamline zawk ila kan ti a, chu chu a letling deuh lek lek in ka hria a. Mizoramah hian, Ayush hi, a MBBS pangai ti mai ang, a mawilo zawng niloin, Aloepathy zawka hi kan ngaina zawk deuh a, helai hi Central lo ang lam deuh hlekin, kan hrethiam lo deuh niin a lang a, khua pawh sawi ta ila, Bungzungah han dah kan tum a, han awm turin, kan duh khawp maia, anmahni chu awm ve ngei se, mahse MBBS pangai pakhat tal tel rawh se an ti tlat a, chutiangte chu a ni a, Pu Speaker. Tin, kan inang lo a, hmaniah Punjab Health Minister alo kala, Ayush doctor engzat nge in neih a ti a, kan sawi a, nang ka ti ve thung a, zanga ka nei a, zahnih ka la leh dawn a tunah hian” a ti a. Chutiangte chuan Punjab chuan an lo nei a ni. He AYUSH Department hi tihlen atan a pawimawh em em a. A scope pawh hi a tha em em a, a pawimawh kan ti a. Amaherawhchu, Directorate nei thei tur chuan khatihlaia Central-in a rawn ziah lai khanin a tak, a ngheta thawk kha doctor pakhat chauh kan nei a, khamiina Directorate han din kha chu a dik bik si lova. Tunah hianin, kan thunawn ngai leh thin baw, Finance leh Planning-ah te hianin kan va inum kan inum a, chu chu kan dinhmun a ni a. Hei phei hi chu zawi zawia hma sawn chho turah kan inngai a. Tin, Pu Speaker, a lehlamah chuan tunah hian district tinah hian ‘ten-bedded AYUSH hospital’ hi kan sa fai vek tawh a. Chumi luahkhat tur doctor pawh hi a nihna ang tura kan ruahman dawn chuan an awm bik lo a ni. A la beitham deuh hlek a, chutiang chu kan dinhmun a ni a. Hetah Directorate-a lo thu tur te, district hospital-a han awm thap thap tur te, khang ang a nih kha chuan kan la tlin lo deuh hlek niah kan ngai deuh hrim hrim mai a, a tak takah chuan chu chu kan dinhmun a ni. An pawimawhna hi....

\* Speech not corrected.

**Dr. R. LALTHANGLIANA:** Pu Speaker, lawk ana, AYUSH sawilai khan, kan lo hriatdan chuan nikum hmasa 2010 vel bawr khan Cabinet Memorandum-te pawh kha siam ni khan kan lo hre tawh a, a rei tawh viau mai a. Hei kum hnih dawn lai a ni tawh a, bul tan lo ang zawng kha ni lo khan a lang baw, kan Minister pawhin tih a tum niin kan hria a. Amaherawhchu, hetia rei tak mai gap awm chho ta kha fel lo deuhvin kan hria a. Tin, a funding pattern hi state sorkarin hahtlak lutuk lova kan tih theih tur chi te a lo ni a. A facilities hi avail hram kha kan duhna zawnah kan han sawi chhuak kha a ni tih kha min hriat sak sela. Chuvang chuan, a theih hram chuan hei hi, hun in nei rei lutuk tawh lo baw, a ka’n ti teh ang, chak deuhvin han ti ta ula chu a tha khawpin ka ring.

\* Speech not corrected.

**S P E A K E R** : Awle, Honourable Member 40 in awm a, AYUSH doctor nge in rawn hmasak Allopathy doctor? Mipuiin an ngaih pawimawh hi chu sorkarin ngaih pawimawh hi chu a ngai deuh thin a ni. Thil kha indem vak vak tur pawh kan ni lo.

**Pu LALDUHOMA** : Pu Speaker, AYUSH-ah a ni emaw, a Department pumpuia hna lak chungchang entirnan, nurse te pawh MR kum sawmhnih lai, senior la nghet thei lo an awm a, engemaw zat chu tihngheh tawh an ni a, seniority tein tha takin in kal tir niin kan hria a, a lawmawm a. A dangte hian an la beisei em em a. Hna thar lak awih loh, ban on creation of new post tih hi Prime Minister Office atangin Education leh Health hi chu exempted an ni tih hi kan hotute hian min hrilh fo si a. 'Exempted' ni si a an la thei tlat lo si lai hi engemaw ni le? Exempt a nih chuan hemi department pahnih bikah tal hi chuan kan mamawh zualpui han lak zung zungna hi awm thei awm tak a ni a. Khalai kha kan hrethiam thei mang lo a ni.

**Pu LALRINLIANA SAILO, MINISTER** : Awle, Pu Speaker, a dik khawp mai. Amaherawhchu, kan la mawlh mawlh reng a. Chutihrualin, rawn exam pawh nise kan sawi leh sawi hnu revenue collection-te a tam silova hei hi chu kan vaia hriat tlan anih avangin kan harsatna hi in hriat sak mai ila a tha ang e. Indaih lohna hi keini Department hlei hlei hian kan nei a, a chang chuan han nawk luh deuhva finance te pawn helai hi in tidik lo, Personal account no. an ti a, hengte pawh min rawn thik an awm a, a chang chuan min siamthat leh a awm a ni. Chuvangin tuna in sawi ang khan recurring leh non recurring kha kan hretlang tho ang a, kha kha kan zo lo a ni. Entrinan an rawn siam bawk a chumi hunah chumi chu kan lo tum ve ang tih chu an nei si a, kha kha kan han chhut khan pawisa involve na kha a sang hle dawn si a, hei chu ngunleh zual han sawi a planning, finance te a sawi khawm tur a ni.

Pu Speaker thil pawimawh leh pakhat chu Pu Thawla sawi khilai Saiha 2006 vela retained tawh niin kan hria a, amarahewhchu PWD-in an han sawi kha duhthusamin an titha thei lova, an siam len tira, tunah hian India Eastern Steel Works Governor Undertaking-in a la mek a, vbc 22 vel niin ka hria a ni. Tin, Lawngtlai pawh kha chutiang chuan an siam a ni a, hnathawhna hrang hrang a tam a, sawi sen a ni lova kan hria a, chung avangte chuan anih ka ring a central pawn kan hnathawh thatte an lo hria a.

Tin, an rawn sawi pawimawh deuh mai pakhat chu nichina Member zahawm takin a rawn sawi, Col. Z.S. Zuala em ni? Brig. T. Sailo-a hun lai khannin a fai thin e tih kha a ni a, a fai khawp mai a. Pu Speaker, tunah hianin Brig. T. Sailo-a hunlai ai khan a fai zawka kan damdawi in te hi, khatih lai pawh khan ba a lo khawla a tha khawp mai, a fai zawka, India rama Civil Hospital fai ber kan nih ka ringa, chuvang chuanin ISO certificate pawh min pe a ni.

\* Speech not corrected.

**Pu P.P. THAWLA** : Pu Speaker khawngaihin, a sawi tawp hmaw, a building chungchangah khanin Saiha lam chungchangah khan building thar sak hma khanin tuna ding lai te hi kum engemaw zat chu kan la hmang dawn si a, thum that dante hi a awm thei em? tih lai kha a rawn react lovin ka hria a.

**Pu LALRINLIANA SAILO, MINISTER** : Pu Speaker a lawm- awm e. Budget Bu Work Programme-ah pawh khan a lo lang tawh a, kan neih ang chin te te kha chu kan sem ve tho mai. Kan hmuh ang khan budget kha a tlem em mai a chuangin a tam thei lo a ni, rawn ngaihtuah zel kan tum ang e. Pu Speaker sawi hrehawm deuh mai hmanna kan sawi tawh Health Care chungchang hi Pu Thangtea khan a rawn sawi leh a, fiamthu in an sawi a, hei zawng a ninawm tawh em mai kan inti kha a ni a. Ka hriatsual loh chuan hmalama thil tih sawi chhe zawng chuan ka ding ngai lovin ka hria a, amaherawhchu....interruption....senior member zahawm takin a rawn sawi avang khanin senior te a ni a, kan react tur niin ka ngai a. Amaherawhchu hreh tak chung a mihring hming kan sawi palh a nih pawhin kan inhrethiam ang a, tul tlatin ka hria a Pu Speaker, Health Care pawisa hi Asian Development atanga pawisa hmu tura inngai a inruahman lai in thlan dawnah cheng vaibelchhe 50 plan fund ami kha lo hman ringawt a ni a, kha pawisa kha sikul sakna tur nge ni a plan fund a nih miau avangin tui in tur khuahna tur nge ni a buhfai lakna tur nge hriat a ni lova. Inthlan dawnah cheng vaibelchhe 50 kha 2008-ah khanin Ministry hmasa khanin a lo hmang ringawt mai a ni. Hmang ringawt pawh nise, Pu Speaker, Financial Management dan hi a inang lova, a tul an ti zawk anih chuan Plan fund ami pawh kha kum tawp dawnah lo hlep thla pawh nise, awle, an ti tawh a. Amaherawhchu, chu aia pawisa zawk chu cheng vaibelchhe sawm mimal hminga dah vak vak kha a ni. Vawiih hian hmaa mite thiltih tum vang a ni reng reng lo, tin, i ding lama ruling atanga thil lochuak hmasa hi a ni ngai lo reng reng he thu hi. Keini hian kan hma amite sawi hi, thil tih hi a chhe lam sawi kan tum lo, a tha lai pawh kan bawhzui sak ngar ngar a, a tha lo lai erawh hi chu heti te hian aw tihte pawh a awm ve mai. Tichuan, nichina member zahawm takin a sawi 'Interest san lai berin a la chhuak duh lo' tih kha a nihna tak zawkah chuan kan sawi tawh a. 2009 January ni 28-ah he pawisa hi mipui pawisa a ni a, damlo mangangte pawisa a ni a, mimal tena hetiang an lo invest a an lo hman vak vak mai hi a dik pawh a dik love tiin 2009 January ni 28-ah lakchhuah kan va dil a. Tichuan 2009 February ni 17-ah a lak chhuah theih loh a, kum thum atana dah liau liau a ni e, an han ti a, kan ngawi ta vang vang a ni kan tih tawh kha.

Tichuan RTI tih pawh hi thu dik tak a ni a, member zahawm tak sawi pawh kha a dik a. Ka sawisel a nih pawhin thudik tak nia ka hriat avangin vawiihna hei kan Officer tha tak pakhat hi khatih laia Health Care-a thawk cheng nuai sawmriat invest zinga mi kha a ni a, Deputy CAO khan. Tichuan anni leh Bajaj Allianz-te pawh khan an la in contact reng a ni, amahin a sawi a ni ka hnenah. RTI Act lak hian a pun san lai leh lai loh kan hre reng reng lova, kei ni ho hian. Amaherawhchu, chhang em em awm ta chu RTI Act hi i lo chhan theih a ni lova, chhangtu....

\* Speech not corrected.

**Dr. R. LALTHANGLIANA :** Chhangtu tur officer ruat kan nei a, engtizia a hei hi nangmaha lo chhang nge i nih le tiin tuna kan chhawrlai CEO hi ka zawt a, ani chuan a phurawm ve alawm tiin min chhang a. Sorkar angin kan hriatpui lo a ni. Tin, khawi atangin nge i hriat a he RTI a clerk hi Bajaj Allianz-ah Health Care pawisa Bajaj Allianz a dah hi engzatnge pung ti a an zawh che hian keini Department thil tih a nih tawh loh avangin a tur dik takah chuan hei hi kan Department khawih a nih loh avangin kan hriatpui love tih mai tur a ni a. Mahse sawlam amite nen inbe tawn rengin a san lai tak khan MNF a thalai hotupain a zawt baw a. A san lai ber kha an lo inhrilh ta a ni, hei hi kan Dy. CEO-in a lo hrilh hi a dik a ni. Mahse keinih chuan File-ah pakhatmah vawiih thlengin hmuh tur a la awm ve lo. D Company dah kha keinin kan chhang thei lo reng reng. Chutih rualin Pu Speaker, thudik tak chu hei hi a ni, chunglamin min hriatpui a ni Pu Speaker, khatiang August ni 9, 2011 a hei hi

share market a hniam zel a, a pung a chhe dawn e ti a min rawn hrilh khan a lo chhe daih tawh a ni tih a Chiang a ni tah hian. Anmahni ngein an rawn zia k a, a san lai ber khan la chhuak dawn mah ila a san lai leh a hniam lai kan hre pha tawh lo reng reng a, hrilhhriat kan ni tlat lo a ni. Kumthum atana aw kan intih avangin kan va dil a, kumthum atan tih chiah avang khanin kan nghak tlawk tlawk mai a ni. ( Pu John Siamkunga : Khawngaihin lawka T.V-ah an live tawh lova tunah hian LPS-ah pawh ZONET-ah pawh an live tawh lova, chhun en lai chauh ami live tur tih kha ka hre chuang law khawiahmah an live tawh lo) Pu Speaker, a taw e helai hi a taw e.

\* Speech not corrected.

**Pu LALDUHOMA :** Pu Speaker, zawhna pawimawh deuh mai zawh duh ka nei a, sorkar sum vaibelchhe 10 mimalin Bajaj Allianz-a an lo invest kha mipui hian hrechhuak ta lo ila, leak out ta lo sela, sorkar hi inthlak ta lo baw k se, khang mimal investor te khan a capital leh interest hi an neih vek hmel em ? Neih vek an duhna avanga he thil hi ti an nih hmel em tih hi ka zawt duh a, chutiang rilru pu an lo nih chuan, chutiang mi inthlan a lo khing thla thei hi award pek ve tlakah in ngai em tih ka zawt e.

**Dr. R. LALTHANGLIANA :** Pu Speaker, hei hian sawi a hlawh em em mai a, House-ah hian, House-ah lo pawh House pawnah pawh sawi a hlawh a, thil kan hriat chian ve duhna lai a kha Member zahawm takte an awm avanga rawn ti ka ni a, tuna kan Minister zahawm takin a rawn tih kha RTI copy hi kan nei a khalaiah khan nang pawhin i pawm a ti mai ang. Khatih hun lai khan December ni 9 hian hemi department ti mai ang, Mizoram Health Care Society Deputy Chief Executive Officer hian State Public Information Officer & Director Health hnenah a va hriattirna lehkha a ni si a, hetih hun lai hian engzat chiah nge a pung ti a a va zawh khan vaibelchhe 10-ah vaibelchhe 5 a pung tih kha chu a sang riau mai a 50% a ni si a, khatih hun lai khan a draw theih loh, a lak chhuah theih loh tih kha chu hriat a ni a. A chhan chu a locking period kha a ni a, 2011 November thla bawr vel kha a lakchhuah theih hun tur kum thum a complete-na chu a ni tih kan hria a, aw December. Amaherawhchu, khami anih rual rual khan khatih hun lai khan engatinge ni hetiang a investment tam takah switch mai tur awm tak kha kan switch mai loh, chutah chuan kum thum a tlin hnuah khan khami rate ang khan a lak theih mai dawn niin a lang a, chu chu dan te pawh kha a ni baw k a. Chutih lai chuan KVI ho hi chuanin anni kha chuanin nuai 40 an dah kha chuanin nuai 65 lai mai kha tikhan an switch avang khanin an hmu let leh lawi si lai kha a ni a awmzia chu, a dah a dik leh dik lo tih lampangin ka sawi lova, amaherawhchu, helai hi zawhna tam tak a awm avang khanin min clarify la tih kha ka'n duh mai a ni.

\* Speech not corrected.

**Pu JOHN ROTLUANGLIANA, DEPUTY SPEAKER :** Pu Speaker, khami kha an subject a ni lo, kan subject zawk a chu dik lo taka an lo dah Pu Duhoma zawhna zawk kha a ni. A pung engzat nge tih velah kan buai tur a ni lo reng reng, chu chu ka point a ni. Khati laia dik lo taka an lo tih kha i condemned ang u, mipui pawhin hre rawh se, Pu Speaker, ka point a ni chulai chu. A interest lam kha kan buaipui tur lam a ni lova, engatinge pawisa, Sorkar pawisa kha mimal hnena dah a nih, kha zawk kha a ni, engtinge Sorkar-in action in lak loh zawk khati lai kha sawifiah zawk turah ka ngai, a interest kha chu engpawh ni sela....interrupted.....

**Pu LALRINLIANA SAILO, MINISTER :** Pu Speaker, mipuiin an hmuh theih tawh loh hi kei chuan ka la serious riau mai a, tunhma zawng zawngin .....

\* Speech not corrected.

**S P E A K E R** : La serious lem suh u, sumdawng mi an nia kan va englo a te hi vanneihthlak tak hian kan Information leh Public Relation changtu Minister hian a hote a tir zawk a, kan Session hi. Chuvangin man sang em emin min live sak a ni.

**Pu T T ZOTHANSANGA** : Amaherawhchu Pu Speaker khatih rual khanin kan point a critical/a crucial lai taka off kha chu a diklo a ni.

**S P E A K E R** : A crucial leh cial loh kha chu kan Session chu a crucial veka ngaih a ni. In thusawi zawng zawng hi a pawimawh vek zawk a ni.

**Pu K. LIANTLINGA** : Pu Speaker, hmanni zawhna chhannaah khanin a san lai tak kha kum 3 hnua lak chhuah tur tih a ni a. Kum 3 hma chuan an phallo tih kha a niin ka hria. Chuan kum 3 tlin hma thla 3 velah khan a san lai a ni an tia. Amaherawhchu scheme dangah khan dah kual turin, switchover tur ni khan a sawi a. Khami anih khan scheme dangah khan lo lut leh ta se, kum 1 nge kum 2 tang leh thei chi a ni em ni? Khalai kha a sawifiah theih em aw.

**Pu LALRINLIANA SAILO, MINISTER** : Pu Speaker, Member zahawm tak Pu Duha zawhna kha, khatianga Sorkar pawisa family leh an thurelpuiten an lo dah kha, Sorkar ta lo ila an nei vek angem tih lai leh a hlauhawm thei em tih lai tak a kha kan Sorkar kha a lawmawm reng ani, tiin chhang ila a tha mai awm e. Sorkar lo ila chu a hriat theih miah loh kan sorkar chiah pawh khan khawngaih takin hei hi in ta turin tilo ula, Sorkar sum a ni e tiin i dil ang u tiin kan rel a ni nghe nghe a. Tuna kan chanlo hi kan lawm khawp mai. Tin Pu Speaker, hemi interest sanlai tih hi kan sawi tawh ang khan Chiang takin kan va dil chhuah laiin kum 3 atan a ni e, engtizawng mahin a khawih danglam theih loh an tih tawh avangin kan nawr ngar ngar a. A lo san lai hi min rawn hrilh hre bawk si lova, a san lai tak hian lachhuak rawh u an rawn ti bawk si lova. Chuvangin kan ngawi reng a, kum 3 tha takin an thu awihin kan nghak a. Tichuan a san laiin a la chhuak leh duh love min ti a. Min rawn hrilh lai hian a sang an sawi kha a hniam daih tawh Pu Speaker, an lehkha ngei hian. Tin, kan Deputy CEO hi Appelette Authority a ni lova, chutih rualin a tlangpuiin an rawn tih hianin khamite khanin an lo dawng a ni a, mana lo dawn a ni a. Tin, a hnenah keimah ngeiin ka zawt a, engtizia nge i lo tih le ka tih khan invested interest alo nei ve bawk Chiang tih hi ka ring a. Chuvang chuanin ani pawh khan a phurawm ve alawm a ti a, tunah hian hemi Lalbiaksangi hi Dr. Lalbiaksangi khami a invest-tu nuai 80 a hminga lo dah vetu ngei kha a ni. Kha mite nena inti khawm zel kha an la ni. Amaherawhchu Pu Speaker, keini he Sorkar hi chuan kan Officer tupawh hi hnathawk thei an nih chuan kan hmang tangkai zel dawn a phuba lak lampang hi kan ti ve ngai lo a ni. Chutiang chuan kan hmang tangkai a kan Officer taima tak a la ni reng tho. Chuvangin, helai thil hi chu sawi nawn ni tawh lo se, Sorkar sum hmanhmawh taka mipui pawisa lo hman a kha a paw ngawih ngawih a. Tin, kan Minister zahawm tak khan kan sawi ve tawh ang e tun chiah hi a hmasa khan Chief Minister nena kan thusawi ho vek, kan thurel vek leh kan duhdan a ni e a ti a, kei chu kan Chief Minister Pu Lal Thanhawla hian hetiang mipui pawisa hi chu ti ve tur chuan a phal ka ring lo, Chief Minister-in a approve a ni. Chuvangin, khawngaih takin Party chhungah mimal kan lo inhua anih pawhin he kan Home Minister hlui thil tih dik loh hi, a hote thil tihdikloh hi sawi sawi loh ni hram se sawi nih chuan sawi tur kan ngah mai Pu Speaker, chu chu kan sawi duh a ni.



\* Speech not corrected.

**S P E A K E R** : Ni e Member-te'n an phut a i sawi mai a ni a, mahsela, han wind up zo dawn tawh teh khai.

**Pu LALRINLIANA SAILO, MINISTER** : Tin, zawhna hi MNF member zahawm tak leh Opposition lam atang hlira lo kal anih avangin kan Congress-te hi chuanin deal puitling takin hei hi an sawi an sawi lo, an sawi ve dawn a ang khawp mai. Pu Speaker, hei darkar khat a chuang ta a, dawhthei taka min ngaihthlak avangin thawhpuite zawng zawng chungah lawmthu ka sawi a

Ka Demand No. 24-na Medical & Public Health Services Rs. 183,79,36,000/-, Demand No. 28-na Labour & Employment Rs. 7,75,92,000/-, Demand No. 44-na Trade & Commerce Rs. 4,73,53,000/- a vaia belhkhawm Rs. 196,28,81,000/- hi he House zahawm takah hian min pass-pui turin ka rawn ngen e, ka lawm e.

\* Speech not corrected.

**S P E A K E R** : Awle, Minister zahawm takin a rawn wind up-in pass a rawn dil bawk a, a demand ho kha Demand No. 24-na te, No. 28-na te, No. 44-na te, a zavaia belhkhawm Rs. 196,28,81,000/- hi pass remti apiangin 'rem ti' ti rawh u le, remti lo kan awm chuan 'remtilo' ti rawh u le, awm lo maw.

Awle, Pu Lalrinliana Sailo, Minister zahawm tak Demand No. 24-na Medical & Public Health Services-ah Rs. 183,79,36,000/-, Demand No. 28-na Labour & Employment-ah Rs. 7,75,92,000/-, Demand No. 44-na Trade & Commerce-ah Rs. 4,73,53,000/-, a vaia belhkhawm Rs. 196,28,81,000/- chu House-in lungrual takin a pass ta a ni.

**Pu LALRINLIANA SAILO, MINISTER** : Pu Speaker, ka lawm e.

**S P E A K E R** : Awle, vawiin atan chuan kan business kan zo ta a, kan chawl tawh ang a, naktuk ni 26.7.2012 Ningani zinglam dar 10:30-ah kan thukhawm leh dawn nia.

Sitting adjourned at 6:40 p.m.